

# 詩經

- [解説](#)
- [ない字](#)
- [変更した字](#)
- [異体字](#)

## [詩書正文序](#)

## 國風

1. [周南第一](#)
2. [召南第二](#)
3. [邶第三](#)
4. [鄘第四](#)
5. [衛第五](#)
6. [王第六](#)
7. [鄭第七](#)
8. [齊第八](#)
9. [魏第九](#)
10. [唐第十](#)
11. [秦第十一](#)
12. [陳第十二](#)
13. [檜第十三](#)
14. [曹第十四](#)
15. [豳第十五](#)

## 小雅

1. [鹿鳴之什第十六](#)
2. [南有嘉魚之什第十七](#)
3. [鴻鴈之什第十八](#)
4. [節南山之什第十九](#)
5. [谷風之什第二十](#)
6. [甫田之什第二十一](#)
7. [魚藻之什第二十二](#)

## 大雅

1. [文王之什第二十三](#)
2. [生民之什第二十四](#)
3. [蕩之什第二十五](#)

## 頌

1. [周頌清廟之什第二十六](#)
2. [周頌臣工之什第二十七](#)
3. [周頌閔予小子之什第二十八](#)
4. [魯頌閔之什第二十九](#)
5. [商頌那之什第三十](#)

## 刊記

---

[souketsu@moroo.com](mailto:souketsu@moroo.com)

## 底本について

底本は天明甲辰(1784)にだされた線装和刻本。

18.0cm × 25.3cm、(版面15.7cm × 20.7cm)十行十七字(序八行十二字)単魚尾 刊記無し。  
「毛詩正文山子點」の題簽。集思堂藏刻の記。虫損により判読できない箇所については「十三經注疏」藝文印書館により補いました。

正文となっておりますが鄭玄の箋が各詩の前に付いている毛詩鄭箋と呼ばれるものです。

## 字について

木版の本なので異体字、俗字が多用されています。下記の方針で入力に当たりました。

1. 底本の字をそのまま入れる。巳己己の誤用などは修正しない。
2. 者の点の有無など1、2画程度の字形の差は\*を付記しJISにある字とした。しん  
にょうの点が2か1かやくさかんむりを3画とするか4画とするかなどもこの範疇に入れ  
る。
3. 配の己を巳に作るなどの字形の差は\*を付記しJISにある字とした。
4. 俾を諸橋大漢和の681の俗字として書く等、JISにある字の異体字は\*を付記しJISにある  
字とした。
5. JISX0208に無い字は表現できる字で合成して表わす。  
(言|己)=記  
(艸/云)=芸  
(讠<言)=這  
(口<大)=因  
(木|(記-言))=杞
6. JISX0212に有る字はJISX0208で合成し、括弧内に区点コードを示す。  
(厂/萬2048)
7. JISX0212に有る字の異体がJISX0208に有る場合はJISX0212の番号を付加する。  
(繫2350)
8. JISX0212に無い字で大漢和辞典に有る字は括弧内にmとともに番号を示す。  
(酉|需m40069)

なお、htmlとして公開してある分については、補助漢字は[京都大学の安岡さんの所](#)のデータを用い、JISX0208,JISX0212以外の字については[e漢字](#)のデータを使用させて頂きました。

## 句読点について

底本の「」を改行に、字の脇にある「。」を内容によって「。」「、」にした。

## 著作権について

本テキストは入力元となった本の著作権は既に切れています。この電子化した部分の著作権は私が持ちます。本テキストを有償で販売する場合を除き自由に使用することができます。改変は、改変したことを記述する限りにおいて自由です。なお、再配布に当たってはすべてのファイルをまとめて再配布してください。

平成9年7月28日 師尾 潤

---

[souketsu@moroo.com](mailto:souketsu@moroo.com)

## 詩書正文序

幽厲之後、王道衰、禮文息。而節族廢、孔子論詩書、正禮樂。千載之下、其粲然者、六經是也。而奧突之間、簞席之上、歛然聖王之道具焉。學者之務莫先焉。兼山先生授六經。常患舊讀助聲之煩、施訓點於詩書、以便童蒙。詩從毛萇、書從孔安國。不少加私、行將及易禮。無何先生逝矣。可歎哉。田子文者、同社之老成也。來謂余曰、梁木雖壞。二三兄弟今猶昔也。各木鐸於東西、緒業日興、詩書亦從行、日詩書之上木、將使公爲之序。而辭以不敏。屬者二三兄弟、相言及于此、其志在成先師之意。公盍達其志乎。忠見曰、善哉子之言也。於我心有戚然、先師已命焉。兄弟災云焉。我敢不然焉哉。遂以其爲序。天明甲辰春三月

烏居忠見謹識  
竹岡庸肅拜書

---

[souketsu@moroo.com](mailto:souketsu@moroo.com)

## 國風

## 周南第一

## 關雎

關雎、后妃之德也。風之始也。所以風天下而正夫婦也。故用之鄉人焉。用之邦國焉。風、風也。教也。風以動之、教以化之。詩者、志之所之也。在心爲志、發言爲詩情動於中、而形於言言之不足。故嗟歎之。嗟歎之不足。故永歌之。永歌之不足。不知手之舞之。足之蹈之也。情發於聲、聲成文。謂之音。治世之音、安以樂其政和。亂世之音、怨以怒。其政乖亡國之音、哀以思其民困。故正得失動天地。感鬼神。莫近於詩。先王以是經夫婦、成孝敬、厚人倫、美教化、移風俗。故詩有六義焉。一曰、風。二曰、賦。三曰、比。四曰、興。五曰、雅。六曰、頌。上以風化下。下以風刺上。主文而譎諫。言之者無罪。聞之者足以戒。故曰風。至于王道衰、禮義廢、政教失、國異政、家殊俗、而變風變雅作矣。國史明乎得失之迹。傷人倫之廢哀刑政之苛。吟詠情性、以風其上。達於事變而懷其舊俗者也。故變風發乎情、止乎禮義、發乎情、民之性也。止乎禮義。先王之澤也。是以一國之事。繫一人之本、謂之風。言天下之事、形四方之風、謂之雅。雅者、正也。言王政之所由廢興也。政有小大。故有小雅焉、有大雅焉。頌者、美盛德之形容、以其成功告於神明者也。是謂四始。詩之至也。然則關雎麟趾之化、王者之風。故繫之周公。南言化自北而南也。鵲巢騶虞之德諸侯之風也。先王之所以教、故繫之召公。周南、召南正始之道。王化之基。是以關雎、樂得淑女以配君子。憂在進賢不淫其色。哀窈窕、思賢才。而無傷善之心焉。是關雎之義也。

關關雎鳩、在河之洲、窈窕淑女、君子好逑  
 參差荇菜、左右流之、窈窕淑女、寤寐求之  
 求之不得、寤寐思服、悠哉悠哉、輾轉反側  
 參差荇菜、左右采之、窈窕淑女、琴瑟友之  
 參差荇菜、左右芼之、窈窕淑女、鐘鼓樂之

# 關雎五章故言三章

## 葛覃

葛覃、后妃之本也。后妃在父母家、則志在於女功之事。躬儉節用。服澣濯之衣。尊敬師傅則可以歸安父母。化天下以婦道也。

葛之覃兮、施于中谷、維葉萋萋、黃鳥于飛、集于灌木、其鳴喈喈  
 葛之覃兮、施于中谷、維葉莫莫、是刈是瀆、為絺為綌服之無斃  
 言告師氏、言告言歸、薄污我私、薄澣我衣、害澣害否歸寧父母  
 葛覃三章

## 卷耳

卷耳、后妃之志也。又當輔佐君子。求賢審官。知臣下之勤勞。內有進賢之志、而無險詖私謁之心。朝夕思念、至於憂勤也。

采采卷耳、不盈頃筐、嗟我懷人、寘彼周行  
 陟彼崔嵬、我馬虺隤、我姑酌彼金罍、維以不永懷  
 陟彼高岡、我馬玄黃、我姑酌彼兕觥、維以不永傷  
 陟彼砠矣、我馬瘠矣、我僕痡、云何吁矣  
 卷耳四章

## 樛木

樛木、后妃逮下也。言能逮下而無嫉妬之心焉。

南有樛木、葛藟荒之、樂只君子福履綏之  
 南有樛木、葛藟荒之、樂只君子福履將之  
 南有樛木、葛藟荒之、樂只君子福履成之  
 樛木三章

## 蠡斯

螽斯、后妃子孫衆多也。言若螽斯不妬忌、則子孫衆多也。

螽斯羽、詵詵兮、宜爾子孫、振振兮  
螽斯羽、薨薨兮、宜爾子孫、繩繩兮  
螽斯羽、揖揖兮、宜爾子孫、蟄蟄兮  
螽斯三章

桃夭

桃夭、后妃之所致也。不妬忌、則男女以正、婚姻以時、國無鰥民也。

桃之夭夭、灼灼其華、之子于歸、宜其室家  
桃之夭夭、有蕢其實、之子于歸、宜其家室  
桃之夭夭、其葉蓁蓁、之子于歸、宜其家人  
桃夭三章

兔置

兔置、后妃之化也。關雎之化行、則莫不好德、賢人衆多也。

肅肅兔置、椽之丁丁、赳赳武夫、公侯干城  
肅肅兔置、施于中逵、赳赳武夫、公侯好仇  
肅肅兔置、施于中林、赳赳武夫、公侯腹心  
兔置三章

采芣苢

采芣苢后妃之美也。天下和平、則婦人樂有子矣。

采采芣苢、薄言采之、采采芣苢、薄言有之  
采采芣苢、薄言攬之、采采芣苢、薄言掇之  
采采芣苢、薄言芣之、采采芣苢、薄言漚之



# 芣苢三章

## 漢廣

漢廣、德廣所及也。文王之道、被于南國、美化行乎江漢之域、無思犯禮、求而不可得也。

南有喬木、不可休息、漢有游女、不可求思、漢之廣矣、不可泳思、  
 江之永矣、不可方思  
 翹翹錯薪、言刈其楚、之子于歸、言秣其馬、漢之廣矣、不可泳思、  
 江之永矣、不可方思  
 翹翹錯薪、言刈其蕞、之子于歸、言秣其駒、漢之廣矣、不可泳思、  
 江之永矣、不可方思  
 漢廣三章

## 汝墳

汝墳、道化行也。文王之化、行乎汝墳之國、婦人能閔其君子、猶勉之以正也。

遵彼汝墳、伐其條枚、未見君子、惄如調飢  
 遵彼汝墳、伐其條肄、既見君子、不我遐棄  
 魴魚赭尾、王室如燬、雖則如燬、父母孔邇  
 汝墳三章

## 麟之趾

麟之趾、關雎之應也。關雎之化行、則天下無犯非禮。雖衰世之公子、皆信厚如麟趾之時也。

麟之趾、振振公子、于嗟麟兮  
 麟之定、振振公姓、于嗟麟兮  
 麟之角、振振公族、于嗟麟兮

# 麟之趾三章

## 周南之國十一篇三十六章

---

[souketsu@moroo.com](mailto:souketsu@moroo.com)

## 召南第二

### 鵲巢

鵲巢、夫人之德也。國君積行累功、以致爵位、夫人起家而居有之。德如鳩鳩、乃可以配焉。

維鵲有巢、維鳩居之、之子于歸、百兩御之  
維鵲有巢、維鳩方之、之子于歸、百兩將之  
維鵲有巢、維鳩盈之、之子于歸、百兩成之  
鵲巢三章

### 采芣

采芣夫人不失職也。夫人可以奉祭祀、則不失職矣。

于以采芣、于沼于沚、于以用之、公侯之事  
于以采芣、于澗之中、于以用之、公侯之宮  
被之僮僮、夙夜在公、被之祁祁、薄言還歸  
采芣三章

### 艸蟲

艸蟲、大夫妻能以禮自防也。

嘒嘒艸蟲、趯趯阜螽、未見君子、憂心忡忡、亦既見止、亦既覯止、我心則降  
陟彼南山、言采其蕨、未見君子、憂心惓惓、亦既見止、亦既覯止、我心則說  
陟彼南山、言采其薇、未見君子、我心傷悲、亦既見止、亦既覯止、我心則夷  
艸蟲三章

## 采蘋

采蘋、大夫妻能循法度也。能循法度、則可以承先祖、共祭祀矣。

于以采蘋、南澗之濱、于以采藻、于彼行潦  
于以盛之、維筐及筥、于以湘之、維錡及釜  
于以奠之、宗室牖下、誰其尸之、有齊季女  
采蘋三章

## 甘棠

甘棠、美召伯也。召伯之教、明於南國。

蔽芾甘棠、勿翦勿伐、召伯所茇  
蔽芾甘棠、勿翦勿敗、召伯所憩  
蔽芾甘棠、勿翦勿拜、召伯所說  
甘棠三章

## 行露

行露、召伯聽訟也。衰亂之俗微、貞信之教興。彊暴之男、不能侵陵貞女也。

厭浥行露、豈不夙夜、謂行多露  
誰謂雀無角、何以穿我屋、誰謂女無家、何以速我獄、雖速我獄、室家不足  
誰謂鼠無牙、何以穿我墉、誰謂女無家、何以速我訟、雖速我訟、亦不女從  
行露三章

## 羔羊

羔羊、鵲巢之功致也。召南之國、化文王之政、在位皆節儉正直、德如羔羊也。

羔羊之皮、素絲五紵、退食自公、委蛇委蛇  
羔羊之革、素絲五緘、委蛇委蛇、自公退食  
羔羊之縫、素絲五總、委蛇委蛇、退食自公  
羔羊三章

### 殷其雷

殷其雷、勸以義也。召南之大夫、遠行從政、不遑寧處、其室家能閔其勤勞、勸以義也。

殷其雷、在南山之陽、何斯遠斯、莫敢或遑、振振君子、歸哉歸哉  
殷其雷、在南山之側、何斯違斯、莫敢違息、振振君子、歸哉歸哉  
殷其雷、在南山之下、何斯違斯、莫或違處、振振君子、歸哉歸哉  
殷其雷三章

### 標有梅

標有梅、男女及時也。召南之國、被文王之化、男女得以及時也。

標有梅、其實七兮、求我庶士、迨其吉兮  
標有梅、其實三兮、求我庶士、迨其今兮  
標有梅、頃筐塈之、求我庶士、迨其謂之  
標有梅三章

### 小星

小星、惠及下也。夫人無妬忌之行。惠及賤妾、進御於君、知其命有貴賤、能盡其心矣。

嘒彼小星、三五在東、肅肅宵征、夙夜在公、寔命不同  
嘒彼小星、維參與昴、肅肅宵征、抱衾與裯、寔命不猶  
小星二章

## 江有汜

江有汜美媵也。勤而無怨。嫡能悔過也。文王之時、江沱之間、有嫡不以其媵備數、媵遇勞而無怨。嫡亦自悔也。

江有汜、之子歸、不我以、不我以、其後也悔  
江有渚、之子歸、不我與、不我與、其後也處  
江有沱、之子歸、不我過、不我過、其嘯也歌  
江有汜三章

## 野有死麕

野有死麕、惡無禮也。天下大亂、彊暴相陵、遂成淫風。被文王之化、雖當亂世、猶惡無禮也。

野有死麕、白茅包之、有女懷春、吉士誘之  
林有樸櫨、野有死鹿、白茅純束、有女如玉  
舒而脫脫兮、無感我帨兮、無使虺也吠  
野有死麕三章

## 何彼禮矣

何彼禮矣。美王姬也。雖則王姬亦下嫁於諸侯。車服不繫其夫、下王后一等、猶執婦道、以成肅雝之德也。

何彼禮矣、唐棣之華、曷不肅雝、王姬之車  
何彼禮矣、華如桃李、平王之孫、齊侯之子  
其釣維何、維絲伊緡、齊侯之子、平王之孫  
何彼禮矣三章

## 鶉之奔奔

鶉之奔奔、鵲巢之應也。鵲巢之化行、人倫既正、朝廷既治。天下純被文

王之化、則庶類蕃殖。蒐田以時、仁如騶虞、則王道成也。

彼茁者葭、壹發五豝、于嗟乎騶虞

彼茁者蓬、壹發五豮、于嗟乎騶虞

騶虞二章

召南之國十四篇四十章

---

[souketsu@moroo.com](mailto:souketsu@moroo.com)

### 邶第三

#### 柏舟

柏舟、言仁而不遇也。衛頃公之時、仁人不遇小人在側。

汎彼柏舟、	亦汎其流、	耿耿不寐、	如有隱憂、	微我無酒、	以敖以遊
我心匪鑿、	不可以茹、	亦有兄弟、	不可以據、	薄言往愬、	逢彼之怒
我心匪石、	不可轉也、	我心匪席、	不可卷也、	威儀棣棣、	不可選也
憂心悄悄、	愠于群小、	覯閔既多、	受侮不少、	靜言思之、	寤辟有標
日居月諸、	胡迭而微、	心之憂矣、	如匪澣衣、	靜言思之、	不能奮飛

柏舟五章

#### 綠衣

綠衣、衛莊姜傷己也。妾上僭、夫人失位、而作是詩也。

綠兮衣兮、	綠衣黃裏、	心之憂矣、	曷維其已
綠兮衣兮、	綠衣黃裳、	心之憂矣、	曷維其亡
綠兮絲兮、	女所治兮、	我思古人、	俾無訛兮
絺兮綌兮、	淒其以風、	我思古人、	實獲我心

綠衣四章

#### 燕燕

燕燕、衛莊姜送歸妾也。

燕燕于飛、	差池其羽、	之子于歸、	遠送于野、	瞻望弗及、	泣涕如雨
燕燕于飛、	頡之頡之、	之子于歸、	遠于將之、	瞻望弗及、	佇立以泣
燕燕于飛、	下上其音、	之子于歸、	遠送于南、	瞻望弗及、	實勞我心
仲氏任只、	其心塞淵、	終温且惠、	淑慎其身、	先君之思、	以勗寡人

燕燕四章



## 日月

日月、衛莊姜傷己也。遭州吁之難。傷已不見答於先君、以至困窮之詩也。

日居月諸、照臨下土、乃如之人兮、逝不古處、胡能有定、寧不我顧  
日居月諸、下土之冒、乃如之人兮、逝不相好、胡能有定、寧不我報  
日居月諸、出自東方、乃如之人兮、德音無良、胡能有定、俾也可忘  
日居月諸、東方自出、父兮母兮、畜我不卒、胡能有定、報我不述  
日月四章

## 終風

終風、衛莊姜傷己也。遭州吁之暴、見侮慢、而不能正也。

終風且暴、顧我則笑、謔浪笑敖、中心是悼  
終風且霾、惠然肯來、莫往莫來、悠悠我思  
終風且曠、不日有曠、寤言不寐、願言則嚏  
嚏嚏其陰、虺虺其雷、寤言不寐、願言則懷  
終風四章

## 擊鼓

擊鼓、怨州吁也。衛州吁用兵暴亂、使公孫文仲將、而平陳與宋、國人怨其勇而無禮也。

擊鼓其鏜、踴躍用兵、土國城漕、我獨南行  
從孫子仲、平陳與宋、不我以歸、憂心有忡  
爰居爰處、爰喪其馬、于以求之、于林之下  
死生契闊、與子成說、執子之手、與子偕老  
于嗟闊兮、不我活兮、于嗟洵兮、不我信兮  
擊鼓五章

## 凱風

凱風、美孝子也。衛之淫風流行。雖有七子之母、猶不能安其室。故美七子能盡其孝道、以慰其母心、而成其志爾。

凱風自南、吹彼棘心、棘心夭夭、母氏劬勞  
凱風自南、吹彼棘薪、母氏聖善、我無令人  
爰有寒泉、在浚之下、有子七人、母氏勞苦  
睨睨黃鳥、載好其音、有子七人、莫慰母心  
凱風四章

## 雄雉

雄雉、刺衛宣公也。淫亂不恤國事、軍旅數起、大夫久役、男女怨曠、國人患之、而作是詩。

雄雉于飛、泄泄其羽、我之懷矣、自貽伊阻  
雄雉于飛、下土其音、展矣君子、實勞我心  
瞻彼日月、悠悠我思、道之云遠、曷云能來  
百爾君子、不知德行、不忮不求、何用不臧  
雄雉四章

## 匏有苦葉

匏有苦葉、刺衛宣公也。公與夫人並為淫亂。

匏有苦葉、濟有深涉、深則厲、淺則揭  
有瀾濟盈、有鷺雉鳴、濟盈不濡軌、雉鳴求其牡  
雝雝鳴雁、旭日始旦、士如歸妻、迨冰未泮  
招招舟子、人涉卬否、人涉卬否、卬須我友  
匏有苦葉四章

## 谷風

谷風、刺夫婦失道也。衛人化其上、淫於新昏、而棄其舊室、夫婦離絕、國俗傷敗焉。

習習谷風、以陰以雨、黽勉同心、不宜有怒、采葑采菲、無以下體、  
德音莫違、及爾同死  
行道遲遲、中心有違、不遠伊邇、薄送我畿、誰謂荼苦、其甘如薺、  
宴爾新昏、如兄如弟  
淫以渭濁、滌滌其沚、宴爾新昏、不我屑以、毋逝我梁、毋發我笱、我  
躬不閱、遑恤我後  
就其深矣、方之舟之、就其淺矣、泳之游之、何有何亡、黽勉求之、  
凡民有喪、匍匐救之  
不我能慙、反以我爲讎、既阻我德、賈用不售、昔育恐育鞫、及爾顛  
覆、既生既育、比予于毒  
我有旨蓄、亦以御冬、宴爾新昏、以我御窮、有洸有潰、既詒我肄、  
不念昔者、伊余來暨  
谷風六章

式微

式微黎侯寓于衛、其臣勸以歸也。

式微式微、胡不歸、微君之故、胡爲乎中露  
式微式微、胡不歸、微君之躬、胡爲乎泥中  
式微二章

旄丘

旄丘、責衛伯也。狄人迫逐黎侯寓于衛、衛不能修方伯連率之職、黎之臣子、以責於衛也。

旄丘之葛兮、何誕之節兮、叔兮伯兮、何多日也  
何共處也、必有與也、何其久也、必有以也  
狐裘蒙戎、匪車不東、叔兮伯兮、靡所與同

瑣兮尾兮、流離之子、叔兮伯兮、囊如充耳  
旄丘四章

簡兮

簡兮、刺不用賢也。衛之賢者、仕於伶官、皆可以承事王者也。

簡兮簡兮、方將萬舞、日之方中、在前上處、碩人俣俣、公庭萬舞  
有力如虎、執轡如組、左手執籥、右手秉翟、赫如渥赭、公言錫爵  
山有榛、隰有苓、云誰之思、西方美人、彼美人兮、西方之人兮  
簡兮三章

泉水

泉水、衛女思歸也。嫁於諸侯、父母終、思歸寧而不得、故作是詩、  
以自見也。

愔彼泉水、亦流于淇、有懷于衛、靡日不思、爰彼諸姬、聊與之謀  
出宿于泂、飲餞于禰、女子有行、遠父母兄弟、問我諸姑、遂及伯姊  
出宿于干、飲餞于言、載脂載牽、還車言邁、遄臻于衛、不瑕有害  
我思肥泉、茲之永歎、思須與漕、我心悠悠、駕言出遊、以寫我憂  
泉水四章

北門

北門刺仕不得志也。言衛之忠臣、不得其志爾。

出自北門、憂心殷殷、終窶且貧、莫知我艱、已焉哉、天實爲之、謂  
之何哉

王事適我、政事一埤益我、我入自外、室人交徧適我、已焉哉、天實爲  
之、謂之何哉

王事敦我、政事一埤遺我、我入自外、室人交徧摧我、已焉哉、天實  
爲之、謂之何哉

## 北門三章

北風

北風、刺虐也。衛國並爲威虐、百姓不親、莫不相攜持而去焉

北風其涼、雨雪其雱、惠而好我、攜手同行、其虛其邪、既亟只且  
北風其喈、雨雪其霏、惠而好我、攜手同歸、其虛其邪、既亟只且  
莫赤匪狐、莫黑匪烏、惠而好我、攜手同車、其虛其邪、既亟只且  
北風三章

靜女

靜女、刺時也。衛君無道、夫人無德。

靜女其姝、俟我於城隅、愛而不見、搔首踟躕  
靜女其變、胎我彤管、彤管有煒、說懌女美  
自牧歸荑、洵美且異、匪女之爲美、美人之貽  
靜女三章

新臺

新臺、刺衛宣公也。納伋之妻、作新臺于河上而要之、國人惡之、而作是詩也。

新臺有泚、河水瀾瀾、燕婉之求、籟不鮮  
新臺有洒、河水洌洌、燕婉之求、籟不殄  
魚網之設、鴻則離之、燕婉之求、得此戚施  
新臺三章

二子乘舟

二子乘舟、思伋壽也。衛宣公之二子、爭相爲死、國人傷而思之、而

作是詩也。

二子乘舟、汎汎其景、願言思子、中心養養  
二子乘舟、汎汎其逝、願言思子、不瑕有害  
二子乘舟二章

邶國十九篇七十一章

---

[souketsu@moroo.com](mailto:souketsu@moroo.com)

## 鄘第四

### 栢舟

栢舟、共姜自誓也。衛世子共伯蚤死。其妻守義、父母欲奪而嫁之、誓而弗許。故作是詩以絕之。

汎彼栢舟、在彼中河、鬢彼兩髦、實維我儀、之死矢靡它、母也天只、不諒人只

汎彼栢舟、在彼河側、鬢彼兩髦、實維我特、之死矢靡慝、母也天只、不諒人只

### 栢舟二章

### 牆有茨

牆有茨、衛人刺其上也。公子頑通乎君母、國人疾之、而不可道也。

牆有茨、不可埽也、中冓之言、不可道也、所可道也、言之醜也

牆有茨、不可襄也、中冓之言、不可詳也、所可詳也、言之長也

牆有茨、不可束也、中冓之言、不可讀也、所可讀也、言之辱也

### 牆有茨三章

### 君子偕老

君子偕老、刺衛夫人也。夫人淫亂、失事君子之道。故陳人君之德、服飾之盛、宜與君子偕老也。

君子偕老、副笄六珈、委委佗佗、如山如河、象服是宜、子之不淑、云如之何

玼兮玼兮、其之翟也、鬢髮如雲、不屑髡也、玉之瑱也、象之掇也、揚且之皙也、胡然而天也、胡然而帝也

瑳兮瑳兮、其之展也、蒙彼繡絲、是繼紕也、子之清揚、揚且之顏也、展如之人兮、邦之媛也

## 君子偕老三章

### 桑中

桑中、刺奔也。衛之公室淫亂、男女相奔至于世族在位、相竊妻妾、期於幽遠、政散民流、而不可止。

爰采唐矣、沫之鄉矣、云誰之思、美孟姜矣、期我乎桑中、要我乎上宮、送我乎淇之上矣  
爰采麥矣、沫之北矣、云誰之思、美孟弋矣、期我乎桑中、要我乎上宮、送我乎淇之上矣  
爰采葑矣、沫之東矣、云誰之思、美孟庸矣、期我乎桑中、要我乎上宮、送我乎淇之上矣  
桑中三章

### 鶉之奔奔

鶉之奔奔、刺衛宣姜也。衛人以爲宣姜鶉鶉之不若也。

鶉之奔奔、鶉之彊彊、人之無良、我以爲兄  
鶉之彊彊、鶉之奔奔、人之無良、我以爲君  
鶉之奔奔二章

### 定之方中

定之方中、美衛文公也。衛爲狄所滅。東徙渡河、野處漕邑。齊桓公攘戎狄而封之。文公徙居楚丘、始建城市而營宮室、得其時制百姓說之、國家殷富焉。

定之方中、作于楚宮、揆之以日、作于楚室、樹之榛栗、椅桐梓漆、爰伐琴瑟  
升彼虛矣、以望楚矣、望楚與堂、景山與京、降觀于桑、卜云其吉、終焉允臧



靈雨既零、命彼倌人、星言夙駕、說于桑田、匪直也人、秉心塞淵、  
騾牝三千  
定之方中三章

蠓蝻

蠓蝻、止奔也。衛文公能以道化其民、淫奔之耻、國人不齒也

蠓蝻在東、莫之敢指、女子有行、遠父母兄弟  
朝濟于西、崇朝其雨、女子有行、遠兄弟父母  
乃如之人也、懷昏姻也、大無信也、不知命也  
蠓蝻三章

相鼠

相鼠、刺無禮也。衛文公能正其羣臣、而刺在位承先君之化、無禮儀  
也。

相鼠有皮、人而無儀、人而無儀、不死何爲  
相鼠有齒、人而無止、人而無止、不死何俟  
相鼠有體、人而無禮、人而無禮、胡不遄死  
相鼠三章

干旄

干旄、美好善也。衛文公臣子多好善。賢者樂告以善道也。

子子干旄、在浚之郊、素絲紕之、良馬四之、彼姝者子、何以畀之  
子子干旄、在浚之都、素絲組之、良馬五之、彼姝者子、何以予之  
子子干旄、在浚之城、素絲祝之、良馬六之、彼姝者子、何以告之  
干旄三章

載馳

載馳、許穆夫人作也。閔其宗國顛覆、自傷不能救也。衛懿公爲狄人所滅。國人分散、露於漕邑。許穆夫人閔衛之亡傷許之小、力不能救思歸<sup>言</sup>其兄、又義不得。故賦是詩也。

載馳載驅、歸<sup>言</sup>衛侯、驅馬悠悠、言至于漕、大夫跋涉、我心則憂  
既不我嘉、不能旋反、視爾不臧、我思不遠  
既不我嘉、不能旋濟、視爾不臧、我思不闕  
陟彼阿丘、言采其蠡、女子善懷、亦各有行、許人尤之、衆穉且狂  
我行其野、芄芄其麥、控于大邦、誰因誰極、大夫君子、無我有尤、  
百爾所思、不如我所之  
載馳五章

鄘國十篇三十章

---

[souketsu@moroo.com](mailto:souketsu@moroo.com)

# 衛第五

## 淇奧

淇奧、美武公之德也。有文章、又能聽其規諫、以禮自防、故能入相于周、美而作是詩也。

瞻彼淇奧、綠竹猗猗、有匪君子、如切如磋、如琢如磨、瑟兮僩兮、赫兮咺兮、有匪君子、終不可譏兮

瞻彼淇奧、綠竹青青、有匪君子、充耳琇瑩、會弁如星、瑟兮僩兮、赫兮咺兮、有匪君子、終不可譏兮

瞻彼淇奧、綠竹如簀、有匪君子、如金如錫、如珪如璧、寬兮綽兮、猗重較兮、善戲謔兮、不爲虐兮

淇奧三章

## 考槃

考槃、刺莊公也。不能繼先公之業、使賢者退而窮處。

考槃在澗、碩人之寬、獨寐寤言、永矢弗譏

考槃在阿、碩人之<sup>遊</sup>適、獨寐寤歌、永矢弗過

考槃在陸、碩人之軸、獨寐寤宿、永矢弗告

考槃三章

## 碩人

碩人、閔莊姜也。莊公惑於嬖妾、使驕上僭。莊姜賢而不答、終以無子。故國人閔而憂之。

碩人其頎、衣錦褉衣、齊侯之子、衛侯之妻、東宮之妹、邢侯之姨、譚公之維私

手如柔荑、膚如凝脂、領如蝤蠐、齒如瓠犀、螭首蛾眉、巧笑倩兮、美目盼兮

碩人敖敖、說于農郊、四牡有驕、朱幘鑣鑣、翟芾以朝、大夫夙退、  
 無使君勞  
 河水洋洋、北流活活、施罟濊濊、鱣鮪發發、葭葦揭揭、庶姜孽孽、庶  
 士有暵  
 碩人四章

氓

氓、刺時也。宣公之時、禮義消亡、淫風大行。男女無別、遂相奔  
 誘。華落色衰、復相棄背、或乃困而自悔喪、其妃耦。故序其事以風  
 焉、美反正、刺淫泆也。

氓之蚩蚩、	抱布貿絲、	匪來貿絲、	來即我謀、	送子涉淇、	至于頓丘、
匪我愆期、	子無良媒、	將子無怒、	秋以為期		
乘彼坳垣、	以望復關、	不見復關、	泣涕漣漣、	既見復關、	載笑載言、
爾卜爾筮、	體無咎言、	以爾車來、	以我賄遷		
桑之未落、	其葉沃若、	于嗟鳩兮、	無食桑葚、	于嗟女兮、	無與士耽、
士之耽兮、	猶可說也、	女之耽兮、	不可說也		
桑之落矣、	其黃而隕、	自我徂爾、	三歲食貧、	淇水湯湯、	漸車帷裳、
女也不爽、	士貳其行、	士也罔極、	二三其德		
三歲為婦、	靡室勞矣、	夙興夜寐、	靡有朝矣、	言既遂矣、	至于暴矣、
兄弟不知、	啜其笑矣、	靜言思之、	躬自悼矣		
及爾偕老、	老使我怨、	淇則有岸、	隰則有洋、	總角之宴、	言笑晏晏、
信誓旦旦、	不思其反、	反是不思、	亦已焉哉		

氓六章

竹竿

竹竿、衛女思歸也。適異國而不見答。思而能以禮者也。

簞簞竹竿、以釣于淇、豈不爾思、遠莫致之  
 泉源在左、淇水在右、女子有行、遠父母兄弟

淇水在右、泉源在左、巧笑之瑳、佩玉之儺  
淇水<sup>滢滢</sup>、檜楫松舟、駕言出遊、以寫我憂  
竹竿四章

芃蘭

芃蘭、刺惠公也。驕而無禮、大夫刺之。

芃蘭之支、童子佩觿、雖則佩觿、能不我知、容兮遂兮、垂帶悸兮  
芃蘭之葉、童子佩鞶、雖則佩鞶、能不我甲、容兮遂兮、垂帶悸兮  
芃蘭二章

河廣

河廣、宋襄公母歸于衛。思而不止。故作是詩也。

誰謂河廣、一葦杭之、誰謂宋遠、跂予望之  
誰謂河廣、曾不容刀、誰謂宋遠、曾不崇朝  
河廣二章

伯兮

伯兮、刺時也。言君子行役、為王前驅、過時而不反焉。

伯兮<sup>揭兮</sup>、邦之桀兮、伯也執殳、為王前驅  
自伯之東、首如飛蓬、豈無膏沐、誰適為容  
其雨其雨、杲杲出日、願言思伯、甘心首疾  
焉得<sup>謾</sup>草、言樹之背、願言思伯、使我心<sup>痠</sup>  
伯兮四章

有狐

有狐、刺時也。衛之男女、失時喪其妃耦焉。古者國有凶荒、則殺禮

而多昏、會男女之無夫家者、所以育人民也。

有狐綏綏、在彼淇梁、心之憂矣、之子無裳  
有狐綏綏、在彼淇厲、心之憂矣、之子無帶  
有狐綏綏、在彼淇側、心之憂矣、之子無服  
有狐三章

木瓜

木瓜、美齊桓公也。衛國有狄人之敗、出處于漕、齊桓公救而封之、遺之車馬器服焉。衛人思之、欲厚報之、而作是詩也。

投我以木瓜、報之以瓊琚、匪報也、永以為好也  
投我以木桃、報之以瓊瑤、匪報也、永以為好也  
投我以木李、報之以瓊玖、匪報也、永以為好也  
木瓜三章

衛國十篇三十四章

---

[souketsu@moroo.com](mailto:souketsu@moroo.com)

## 王第六

### 黍離

黍離、閔宗周也。周大夫行役、至于宗周、過故宗廟宮室、盡爲禾黍。閔周室之顛覆、彷徨不忍去。而作是詩也。

彼黍離離、彼稷之苗、行邁靡靡、中心搖搖、知我者、謂我心憂、不知我者、謂我何求、悠悠蒼天、此何人哉

彼黍離離、彼稷之穗、行邁靡靡、中心如醉、知我者、謂我心憂、不知我者、謂我何求、悠悠蒼天、此何人哉

彼黍離離、彼稷之實、行邁靡靡、中心如噎、知我者、謂我心憂、不知我者、謂我何求、悠悠蒼天、此何人哉

### 黍離三章

### 君子于役

君子于役、刺平王也。君子行役無期度、大夫思其危難、以風焉

君子于役、不知其期、曷其至哉、雞棲于埘、日之夕矣、羊牛下來、君子于役、如之何勿思

君子于役、不日不月、曷其有佸、雞棲于桀、日之夕矣、羊牛下括、君子于役、苟無飢渴

### 君子于役二章

### 君子陽陽

君子陽陽閔周也。君子遭亂、相招爲祿仕。全身遠害而已。

君子陽陽、左執簧、右招我由房、其樂只且

君子陶陶、左執翫、右招我由敖、其樂只且

### 君子陽陽二章

### 揚之水

揚之水、刺平王也。不撫其民、而遠屯戍于母家、周人怨思焉。

揚之水、不流束薪、彼其之子、不與我戍申、懷哉懷哉、曷月予還歸哉

揚之水、不流束楚、彼其之子、不與我戍甫、懷哉懷哉、曷月予還歸哉

揚之水、不流束蒲、彼其之子、不與我戍許、懷哉懷哉、曷月予還歸哉

揚之水三章

中谷有推

中谷有推、閔周也。夫婦日以衰薄、凶年饑饉、室家相棄爾。

中谷有推、嘆其乾矣、有女叱離、嘸其嘆矣、嘸其嘆矣、遇人之艱難矣

中谷有推、嘆其脩矣、有女叱離、條其歎矣、條其歎矣、遇人之不淑矣

中谷有推、嘆其濕矣、有女叱離、啜其泣矣、啜其泣矣、何嗟及矣

中谷有推三章

免爰

免爰閔周也。桓王失信、諸侯背叛。構怨連禍、王師傷敗。君子不樂其生焉。

有免爰爰、雉離于羅、我生之初、尚無爲、我生之後、逢此百羅、尚寐無吡

有免爰爰、雉離于翠、我生之初、尚無造、我生之後、逢此百憂、尚寐無覺

有免爰爰、雉離于罌、我生之初、尚無庸、我生之後、逢此百凶、尚



# 寐無聰 免爰三章

## 葛藟

葛藟、王族刺平王也。周室道衰、棄其九族焉。

緜緜葛藟、在河之滸、終遠兄弟、謂他人父、謂他人父、亦莫我顧  
 緜緜葛藟、在河之湫、終遠兄弟、謂他人母、謂他人母、亦莫我有  
 緜緜葛藟、在河之漘、終遠兄弟、謂他人昆、謂他人昆、亦莫我聞  
 葛藟三章

## 采葛

采葛、懼讒也

彼采葛兮、一日不見、如三月兮  
 彼采蕭兮、一日不見、如三秋兮  
 彼采艾兮、一日不見、如三歲兮  
 采葛三章

## 大車

大車、刺周大夫也。禮義陵遲、男女淫奔。故陳古以刺今大夫。不能聽男女之訟焉。

大車檻檻、毳衣如綈、豈不爾思、畏子不敢  
 大車嘽嘽、毳衣如璊、豈不爾思、畏子不奔  
 穀則異室、死則同穴、謂予不信、有如皦日  
 大車三章

## 丘中有麻

丘中有麻、思賢也。莊王不明、賢人放逐。國人思之、而作是詩也。

丘中有麻、彼留子嗟、彼留子嗟、將其來施施  
丘中有麥、彼留子國、彼留子國、將其來食  
丘中有李、彼留之子、彼留之子、貽我佩玖  
丘中有麻三章

王國十篇二十八章

---

[souketsu@moroo.com](mailto:souketsu@moroo.com)

## 鄭第七

### 緇衣

緇衣、美武公也。父子並爲周司徒、善於其職國人宜之。故美其德、以明有國善善之功焉。

緇衣之宜兮、敝予又改爲兮、適子之館兮、還予授子之粢兮  
緇衣之好兮、敝予又改造兮、適子之館兮、還予授子之粢兮  
緇衣之蓆兮、敝予又改作兮、適子之館兮、還予授子之粢兮  
緇衣三章

### 將仲子

將仲子、刺莊公也。不勝其母、以害其弟。弟叔失道、而公弗制。祭仲諫、而公弗聽。小不忍、以致大亂焉。

將仲子兮、無踰我里、無折我樹杞、豈敢愛之、畏我父母、仲可懷也、父母之言、亦可畏也

將仲子兮、無踰我牆、無折我樹桑、豈敢愛之、畏我諸兄、仲可懷也、諸兄之言、亦可畏也

將仲子兮、無踰我園、無折我樹檀、豈敢愛之、畏人之多言、仲可懷也、人之多言、亦可畏也

將仲子三章

### 叔于田

叔于田、刺莊公也。叔處于京、繕甲治兵、以出于田。國人說而歸之。

叔于田、巷無居人、豈無居人、不如叔也、洵美且仁

叔于狩、巷無飲酒、豈無飲酒、不如叔也、洵美且好

叔適野、巷無服馬、豈無服馬、不如叔也、洵美且武

## 叔于田三章

大叔于田

大叔于田、刺莊公也。叔多才而好勇。不義而得衆也。

叔于田、乘乘馬、執轡如組、兩驂如舞、叔在藪、火烈具舉、禴裼暴虎、獻于公所、將叔無狃、戒其傷女

叔于田、乘乘黃、兩服上襄、兩驂雁行、叔在藪、火烈具揚、叔善射忌、又良御忌、抑磬控忌、抑縱送忌

叔于田、乘乘鵠、兩服齊首、兩驂如手、叔在藪、火烈具阜、叔馬慢忌、叔發罕忌、抑釋搯忌、抑鬯弓忌

大叔于田三章

清人

清人、刺文公也。高克好利而不顧其君。文公惡、而欲遠之不能。使高克將兵、而禦狄于竟。陳其師旅、翱翔河上。久而不召、衆散而歸。高克奔陳。公子素惡高克進之不以禮、文公退之不以道。危國亡師之本。故作是詩也。

清人在彭、駟介旁旁、二矛重英、河上乎翱翔

清人在消、駟介麋麋、二矛重喬、河上乎逍遙

清人在軸、駟介陶陶、左旋右抽、中軍作好

清人三章

羔裘

羔裘刺朝也。言古之君子、以風其朝焉。

羔裘如濡、洵直且侯、彼其之子、舍命不渝

羔裘豹飾、孔武有力、彼其之子、邦之司直

羔裘晏兮、三英粲兮、彼其之子、邦之彥兮

## 羔裘三章

### 遵大路

遵大路、思君子也。莊公失道、君子去之。國人思望焉。

遵大路兮、摻執子之祛兮、無我惡兮、不憲故也

遵大路兮、摻執子之手兮、無我讒兮、不憲好也

### 遵大路二章

### 女曰雞鳴

女曰雞鳴、刺不說、德也。陳古義、以刺今不說德而好色也。

女曰雞鳴、士曰昧旦、子興視夜、明星有爛、將翱將翔、弋鳧與鴈  
弋言加之、與子宜之、宜言飲酒、與子偕老、琴瑟在御、莫不靜好  
知子之來之、雜佩以贈之、知子之順之、雜佩以問之、知子之好之、  
雜佩以報之

### 女曰雞鳴三章

### 有女同車

有女同車、刺忽也。鄭人刺忽之不昏于齊。太子忽嘗有功于齊。齊侯  
請妻之齊女賢而不取。卒以無大國之助、至於見逐。故國人刺之。

有女同車、顏如舜華、將翱將翔、佩玉瓊琚、彼美孟姜、洵美且都  
有女同行、顏如舜英、將翱將翔、佩玉將將、彼美孟姜、德音不忘  
有女同車二章

### 山有扶藪

山有扶藪、刺忽也。所美非美然。

山有扶藪、隰有荷華、不見子都、乃見狂且

山有橋松、隰有游龍、不見子充、乃見狡童  
山有扶蕓二章

擇兮

擇兮、刺忽也。君弱臣強、不倡而和也。

擇兮擇兮、風其吹女、叔兮伯兮、倡予和女  
擇兮擇兮、風其漂女、叔兮伯兮、倡予要女  
擇兮二章

狡童

狡童刺忽也。不能與賢人圖事。權臣擅命也。

彼狡童兮、不與我言兮、維子之故、使我不能餐兮  
彼狡童兮、不與我食兮、維子之故、使我不能息兮  
狡童二章

褻裳

褻裳、思見正也。狂童恣行。國人思大國之正己也。

子惠思我、褻裳涉溱、子不我思、豈無他人、狂童之狂也且  
子惠思我、褻裳涉洧、子不我思、豈無他士、狂童之狂也且  
褻裳二章

丰

丰、刺亂也。昏姻之道缺、陽倡而陰不和。男行而女不隨。

子之丰兮、俟我乎巷兮、悔予不送兮  
子之昌兮、俟我乎堂兮、悔予不將兮  
衣錦褻衣、裳錦褻裳、叔兮伯兮、駕予與行

裳錦褰裳、衣錦褰衣、叔兮伯兮、駕予與歸  
丰四章

東門之墠

東門之墠、刺亂也。男女有不待禮而相奔者也。

東門之墠、茹蘆在阪、其室則邇、其人甚遠  
東門之栗、有踐家室、豈不爾思、子不我即  
東門之墠二章

風雨

風雨、思君子也。亂世、則思君子不改其度焉。

風雨淒淒、雞鳴喈喈、既見君子、云胡不夷  
風雨瀟瀟、雞鳴膠膠、既見君子、云胡不瘳  
風雨如晦、雞鳴不已、既見君子、云胡不喜  
風雨三章

子衿

子衿、刺學校廢也。世亂、則學校不脩焉。

青青子衿、悠悠我心、縱我不往、子寧不嗣音  
青青子佩、悠悠我思、縱我不往、子寧不來  
挑兮達兮、在城闕兮、一日不見、如三月兮  
子衿三章

揚之水

揚之水、閔無臣也。君子閔忽之無忠臣良士。終以死亡、而作是詩也。

揚之水、不流束楚、終鮮兄弟、維予與女、無信人之言、人實廷女  
揚之水、不流束薪、終鮮兄弟、維予二人、無信人之言、人實不信  
揚之水二章

出其東門

出其東門、閔亂也。公子五爭、兵革不息、男女相棄。民人思保其室  
家焉。

出其東門、有女如雲、雖則如雲、匪我思存、縞衣綦巾、聊樂我員  
出其闔閭、有女如荼、雖則如荼、匪我思且、縞衣茹蘆、聊可與娛  
出其東門二章

野有蔓艸

野有蔓草、思遇時也。君之澤不下流、民窮於兵革、男女失時、思不  
期而會焉。

野有蔓艸、零露漙漙兮、有美一人、清揚婉兮、邂逅相遇、適我願兮  
野有蔓艸、零露瀼瀼、有美一人、婉如清揚、邂逅相遇、與子偕臧  
野有蔓艸二章

溱洧

溱洧刺亂也。兵革不息、男女相棄、淫風大行、莫之能救焉。

溱與洧、方渙渙兮、士與女、方秉蘭兮、女曰觀乎、士曰既且、且往觀  
乎、洧之外、洵訏且樂、維士與女、伊其相謔、贈之以勺藥  
溱與洧、瀏其清矣、士與女、殷其盈矣、女曰觀乎、士曰既且、且往  
觀乎、洧之外、洵訏且樂、維士與女、伊其將謔、贈之以勺藥  
溱洧二章

鄭國二十一 篇五十三章



[souketsu@moroo.com](mailto:souketsu@moroo.com)

## 齊第八

### 雞鳴

雞鳴、思賢妃也。哀公荒淫怠慢、故陳賢妃負女、夙夜警戒、相成之道焉。

雞既鳴矣、朝既盈矣、匪雞則鳴、蒼蠅之聲  
東方明矣、朝既昌矣、匪東方則明、月出之光  
蟲飛薨薨、甘與子同夢、會且歸矣、無庶予子憎  
雞鳴三章

### 還

還、刺荒也。哀公好田獵、從禽獸而無厭、國人化之、遂成風俗。習於田獵、謂之賢、閑於馳逐、謂之好焉。

子之還兮、遭我乎<sup>狃</sup>之間兮、並驅從兩肩兮、揖我謂我儂兮  
子之茂兮、遭我乎<sup>狃</sup>之道兮、並驅從兩牡兮、揖我謂我好兮  
子之昌兮、遭我乎<sup>狃</sup>之陽兮、並驅從兩狼兮、揖我謂我臧兮  
還三章

### 著

著、刺時也。時不親迎也。

俟我於著乎而、充耳以素乎而、尚之以瓊華乎而  
俟我於庭乎而、充耳以青乎而、尚之以瓊瑩乎而  
俟我於堂乎而、充耳以黃乎而、尚之以瓊英乎而  
著三章

### 東方之日

東方之日、刺衰也。君臣失道、男女淫奔。不能以禮化也。

東方之日兮、彼姝者子、在我室兮、在我室兮、履我即兮  
東方之月兮、彼姝者子、在我闥兮、在我闥兮、履我發兮  
東方之日二章

東方未明

東方未明、刺無節也。朝廷興居無節、號令不時、挈壺氏不能掌其職焉。

東方未明、顛倒衣裳、顛之倒之、自公召之  
東方未晞、顛倒裳衣、倒之顛之、自公令之  
折柳樊圃、狂夫瞿瞿、不能晨夜、不夙則莫  
東方未明三章

南山

南山、刺襄公也。鳥獸之行、淫乎其妹。大夫遇是惡、作詩而去之。

南山崔崔、雄狐綏綏、魯道有蕩、齊子由歸、既曰歸止、曷又懷止  
葛屨五兩、冠緌雙止、魯道有蕩、齊子庸止、既曰庸止、曷又從止  
蓺麻如之何、衡從其畝、取妻如之何、必告父母、既曰告止、曷又鞠止  
折薪如之何、匪斧不克、取妻如之何、匪媒不得、既曰得止、曷又極止  
南山四章

甫田

甫田、大夫刺襄公也。無禮義而求大功、不脩其德、而求諸侯。志大心勞、所以求者、非其道也。

無田甫田、維莠騫騫、無思遠人、勞心忉忉  
無田甫田、維莠桀桀、無思遠人、勞心怛怛  
婉兮孌兮、總角丩兮、未幾見兮、突而弁兮  
甫田三章

盧令

盧令、刺荒也。襄公好田獵畢弋、而不脩民事。百姓苦之、故陳古以風焉。

盧令令、其人美且仁  
盧重環、其人美且鬢  
盧重鉤、其人美且偲  
盧令三章

敝笱

敝笱、刺文姜也。齊人惡魯桓公微弱、不能防閑文姜、使至淫亂爲二國患焉。

敝笱在梁、其魚魴鰈、齊子歸止、其從如雲  
敝笱在梁、其魚魴鱖、齊子歸止、其從如雨  
敝笱在梁、其魚唯唯、齊子歸止、其從如水  
敝笱三章

載驅

載驅、齊人刺襄公也。無禮義故盛其車服、疾驅於通道大都、與文姜淫、播其惡於萬民焉。

載驅薄薄、簞第朱鞞魯道有蕩、齊子發夕  
四驪濟濟、垂轡泮泮、魯道有蕩、齊子豈弟  
汶水湯湯、行人彭彭、魯道有蕩、齊子翩翩

汶水滔滔、行人僂僂、魯道有蕩、齊子遊敖  
載驅四章

猗嗟

猗嗟、刺魯莊公也。齊人傷魯莊公有威儀技藝。然而不能以禮防閑其母、失子之道。人以爲齊侯之子焉。

猗嗟昌兮、頎而長兮、抑若揚兮、美目揚兮、巧趨蹌兮、射則臧兮  
猗嗟名兮、美目清兮、儀既成兮、終日射侯、不出正兮、展我甥兮  
猗嗟變兮、清揚婉兮、舞則選兮、射則貫兮、四矢反兮、以禦亂兮  
猗嗟三章

齊國十一篇三十四章

---

[souketsu@moroo.com](mailto:souketsu@moroo.com)

# 魏第九

## 葛屨

葛屨、刺褊也。魏地陋隘、其民機巧趨利、其君儉嗇褊急、而無德以將之。

糾糾葛屨、可以履霜、摻摻女手、可以縫裳、要之<sup>襪</sup>之、好人服之  
好人提提、宛然左辟、佩其象揅、維是褊心、是以爲刺  
葛屨二章

## 汾沮洳

汾沮洳、刺儉也。其君儉以能勤。刺不得禮也。

彼汾沮洳、言采其莫、彼其之子、美無度、美無度、殊異乎公路  
彼汾一方、言采其桑、彼其之子、美如英、美如英、殊異乎公行  
彼汾一曲、言采其蕘、彼其之子、美如玉、美如玉、殊異乎公族  
汾沮洳三章

## 園有桃

園有桃、刺時也。大夫憂其君國小而迫、而儉以嗇、不能用其民、而無德教、日以侵削。故作是詩也。

園有桃、其實之<sup>穀</sup>、心之憂矣、我歌且謠、不知我者、謂我士也驕、  
彼人是哉、子曰何其、心之憂矣、其誰知之、其誰知之、蓋亦勿思  
園有棘、其實之食、心之憂矣、聊以行國、不知我者、謂我士也罔  
極、彼人是哉、子曰何其、心之憂矣、其誰知之、其誰知之、蓋亦勿  
思  
園有桃二章

## 陟岵

陟岵、孝子行役、思念父母也。國迫而數侵削、役乎大國、父母兄弟離散、而作是詩也。

陟彼岵兮、瞻望父兮、父曰嗟予子、行役夙夜無已、上慎旃哉、猶來無止

陟彼屺兮、瞻望母兮、母曰嗟予季、行役夙夜無寐、上慎旃哉、猶來無棄

陟彼岡兮、瞻望兄兮、兄曰嗟予弟、行役夙夜必偕、上慎旃哉、猶來無死

陟岵三章

十畝之間

十畝之間、刺時也。言其國削小、民無所居焉。

十畝之間兮、桑者閑閑兮、行與子還兮

十畝之外兮、桑者泄泄兮、行與子逝兮

十畝之間二章

伐檀

伐檀、刺貪也。在位貪鄙、無功而受祿、君子不得進仕爾。

坎坎伐檀兮、寘之河之干兮、河水清且漣漪、不稼不穡、胡取禾三百廛兮、不狩不獵、胡瞻爾庭有縣貍兮、彼君子兮、不素餐兮

坎坎伐輻兮、寘之河之側兮、河水清且直漪、不稼不穡、胡取禾三百億兮、不狩不獵、胡瞻爾庭有縣特兮、彼君子兮、不素食兮

坎坎伐輪兮、寘之河之漘兮、河水清且淪漪、不稼不穡、胡取禾三百

囷兮、不狩不獵、胡瞻爾庭有縣鶉兮、彼君子兮、不素殮兮

伐檀三章

碩鼠

碩鼠、刺重斂也。國人刺其君重斂、蠶食於民、不脩其政、貪而畏人、若大鼠也。

碩鼠碩鼠、無食我黍、三歲貫女、莫我肯顧、逝將去女、適彼樂土、  
樂土樂土、爰得我所  
碩鼠碩鼠、無食我麥、三歲貫女、莫我肯德、逝將去女、適彼樂國、  
樂國樂國、爰得我直  
碩鼠碩鼠、無食我苗、三歲貫女、莫我肯勞、逝將去女、適彼樂郊、  
樂郊樂郊、誰之永號  
碩鼠三章

魏國七篇十八章

---

[souketsu@moroo.com](mailto:souketsu@moroo.com)



## 唐第十

### 蟋蟀

蟋蟀、刺晉僖公也。儉不中禮、故作是詩以閔之、欲其及時以禮自虞樂也。此晉也。而謂之唐、本其風俗、憂深思遠、儉而用禮、乃有堯之遺風焉。

蟋蟀在堂、歲聿其莫、今我不樂、日月其除、無已大康、職思其居、  
好樂無荒、良士瞿瞿  
蟋蟀在堂、歲聿其逝、今我不樂、日月其邁、無已大康、職思其外、  
好樂無荒、良士蹶蹶  
蟋蟀在堂、役車其休、今我不樂、日月其慆、無已大康、職思其憂、  
好樂無荒、良士休休  
蟋蟀三章

### 山有樞

山有樞、刺晉昭公也。不能修道以正其國、有財不能用、有鐘鼓不能以自樂、有朝廷不能洒埽。政荒民散、將以危亡、四鄰謀取其國家、而不知。國人作詩以刺之也。

山有樞、隰有榆、子有衣裳、弗曳弗婁、子有車馬、弗馳弗驅、宛其死矣、他人是愉  
山有栲、隰有杻、子有廷內、弗洒不埽、子有鐘鼓、弗鼓弗考、宛其死矣、他人是保  
山有漆、隰有栗、子有酒食、何不日鼓瑟、且以喜樂、且以永日、宛其死矣、他人入室  
山有樞三章

### 揚之水

揚之水、刺晉昭公也。昭公分國以封沃。沃盛彊、昭公微弱。國人將

叛而歸沃焉。

揚之水、白石鑿鑿、素衣朱襮、從子于沃、既見君子、云何不樂

揚之水、白石皓皓、素衣朱繡、從子于鵠、既見君子、云何其憂

揚之水、白石粼粼、我聞有命、不敢以告人

揚之水三章

椒聊

椒聊、刺晉昭公也。君子見沃之盛彊、能脩其政、知其蕃衍盛大、子孫將有晉國焉。

椒聊之實、蕃衍盈升、彼其之子、碩大無朋、椒聊且、遠條且

椒聊之實、蕃衍盈掬、彼其之子、碩大且篤、椒聊且、遠條且

椒聊二章

網繆

網繆、刺晉亂也。國亂、則昏姻不得其時焉。

網繆束薪、三星在天、今夕何夕、見此良人、子兮子兮、如此良人何

網繆束芻、三星在隅、今夕何夕、見此邂逅、子兮子兮、如此邂逅何

網繆束楚、三星在戶、今夕何夕、見此粲者、子兮子兮、如此粲者何

網繆三章

杖杜

杖杜、刺時也。君不能親其宗族、骨肉離散、獨居而無兄弟、將為沃所并爾。

有杖之杜、其葉湑湑、獨行踽踽、豈無他人、不如我同父、嗟行之人、

胡不比焉、人無兄弟、胡不飲焉

有杖之杜、其葉菁菁、獨行<sup>翼翼</sup>、豈無他人、不如我同姓、嗟行之

人、胡不比焉、人無兄弟、胡不佞焉

杖杜二章

羔裘

羔裘、刺時也。晉人刺其在位、不恤其民也。

羔裘豹祛、自我人居居、豈無他人、維子之故

羔裘豹褻、自我人究究、豈無他人、維子之好

羔裘二章

鴇羽

鴇羽、刺時也。昭公之後、大亂五世、君子下從征役、不得養其父母、而作是詩也。

肅肅鴇羽、集于苞栩、王事靡盬、不能蓺稷黍、父母何怙、悠悠蒼天、曷其有所

肅肅鴇翼、集于苞棘、王事靡盬、不能蓺黍稷、父母何食、悠悠蒼天、曷其有極

肅肅鴇行、集于苞桑、王事靡盬、不能蓺稻粱、父母何嘗、悠悠蒼天、曷其有常

鴇羽三章

無衣

無衣、刺晉武公也。武公始并、晉國、其大夫爲之請命乎天子之使、而作是詩也。

豈曰無衣七兮、不如子之衣、安且吉兮

豈曰無衣六兮、不如子之衣、安且燠兮

無衣二章

## 有杕之杜

有杕之杜、刺晉武公也。武公寡特、兼其宗族、而不求賢以自輔焉。

有杕之杜、生于道左、彼君子兮、噬肯適我、中心好之、曷飲食之  
有杕之杜、生于道周、彼君子兮、噬肯來遊、中心好之、曷飲食之  
有杕之杜二章

## 葛生

葛生、刺晉獻公也。獻公好攻戰、則國人多喪矣

葛生蒙楚、薺蔓于野、予美亡此、誰與獨處  
葛生蒙棘、薺蔓于域、予美亡此、誰與獨息  
角枕粲兮、錦衾爛兮、予美亡此、誰與獨旦  
夏之日、冬之夜、百歲之後、歸于其居  
冬之夜、夏之日、百歲之後、歸于其室  
葛生五章

## 采芩

采芩、刺晉獻公也。獻公好聽讒焉。

采芩采芩、首陽之巔、人之僞言、苟亦無信、舍旃舍旃、苟亦無然、  
人之僞言、胡得焉  
采芩采芩、首陽之下、人之僞言、苟亦無與、舍旃舍旃、苟亦無然、  
人之僞言、胡得焉  
采芩采芩、首陽之東、人之僞言、苟亦無從、舍旃舍旃、苟亦無然、  
人之僞言、胡得焉  
采芩三章

## 唐國十二篇三十三章



# 秦第十一

## 車鄰

車鄰、美秦仲也。秦仲始大、有車馬禮樂侍御之好焉。

有車鄰鄰、有馬白巔、未見君子、寺人之令  
阪有漆、隰有栗、既見君子、並坐鼓瑟、今者不樂、逝者其耄  
阪有桑、隰有楊、既見君子、並坐鼓簧、今者不樂、逝者其亡  
車鄰三章

## 駟驥

駟驥、美襄公也。始命有田狩之事、園囿之樂焉。

駟驥孔阜、六轡在手、公之媚子、從公于狩  
奉時辰牡、辰牡孔碩、公曰左之、舍拔則獲  
遊于北園、四馬既閑、輶車鸞鑣、載獫歇驕  
駟驥三章

## 小戎

小戎、美襄公也。備其兵甲、以討西戎。西戎方強、而征伐不休。國人則矜其車甲、婦人能閔其君子焉。

小戎<sup>儻</sup>収、五<sup>檠</sup>梁輶、游環脅驅、陰鞞塗續、文茵暢轂、駕我騏驎、  
言念君子、温其如玉、在其板屋、亂我心曲  
四牡孔阜、六轡在手、騏驎是中、駟驪是驂、龍盾之合、塗以<sup>儻</sup>輶、言  
念君子、温其在邑、方何爲期、胡然我念之  
<sup>儻</sup>駟孔羣、<sup>去</sup>矛塗<sup>鎔</sup>、蒙伐有苑、虎韞鏤膺、交韞二弓、竹閉緄滕、  
言念君子、載寢載興、厭厭良人、秩秩德音  
小戎三章

## 蒹葭

蒹葭、刺襄公也。未能用周禮、將無以固其國焉。

蒹葭蒼蒼、白露爲霜、所謂伊人、在水一方、溯洄從之、道阻且長、  
溯游從之、宛在水中央

蒹葭萋萋、白露未晞、所謂伊人、在水之湄、溯洄從之、道阻且躋、  
溯游從之、宛在水中坻

蒹葭采采、白露未已、所謂伊人、在水之澗、溯洄從之、道阻且右、  
溯游從之、宛在水中沚

蒹葭三章

## 終南

終南、戒襄公也。能取周地、始爲諸侯、受顯服、大夫美之、故作是詩、以戒勸之。

終南何有、有條有梅、君子至止、錦衣狐裘、顏如渥舟、其君也哉

終南何有、有紀有堂、君子至止、黻衣繡裳、佩玉將將、壽考不忘

終南二章

## 黃鳥

黃鳥、哀三良也。國人刺穆公以人從死、而作是詩也。

交交黃鳥、止于棘、誰從穆公、子車奄息、維此奄息、百夫之特、臨  
其穴、惻惻其慄、彼蒼者天、殲我良人、如可贖兮、人百其身

交交黃鳥、止于桑、誰從穆公、子車仲行、維此仲行、百夫之防、臨  
其穴、惻惻其慄、彼蒼者天、殲我良人、如可贖兮、人百其身

交交黃鳥、止于楚、誰從穆公、子車鍼虎、維此鍼虎、百夫之禦、臨  
其穴、惻惻其慄、彼蒼者天、殲我良人、如可贖兮、人百其身

黃鳥三章

## 晨風

晨風、刺康公也。忘穆公之業、始棄其賢臣焉。

賦彼晨風、鬱彼北林、未見君子、憂心欽欽、如何如何、忘我實多  
山有苞櫟、隰有六駮、未見君子、憂心靡樂、如何如何、忘我實多  
山有苞棣、隰有樹檖、未見君子、憂心如醉、如何如何、忘我實多  
晨風三章

## 無衣

無衣、刺用兵也。秦人刺其君好攻戰、亟用兵而不與民同欲焉。

豈曰無衣、與子同袍、王于興師、修我戈矛、與子同仇  
豈曰無衣、與子同澤、王于興師、脩我矛戟、與子偕作  
豈曰無衣、與子同裳、王于興師、脩我甲兵、與子偕行  
無衣三章

## 渭陽

渭陽、康公念母也。康公之母、晉獻公之女。文公遭麗姬之難、未反而秦姬卒。穆公納文公。康公時爲太子、贈送文公于渭之陽。念母之不見也。我見舅氏如母存焉。及其即位、思而作是詩也。

我送舅氏、曰至渭陽、何以贈之、路車乘黃  
我送舅氏、悠悠我思、何以贈之、瓊瑰玉佩  
渭陽二章

## 權輿

權輿、刺康公也。忘先君之舊臣、與賢者有始而無終也。

於我乎、夏屋渠渠、今也每食無餘、于嗟乎、不承權輿



於我乎、每食四簋、今也每食不飽、于嗟乎、不承權輿  
權輿二章

秦國十篇二十七章

---

[souketsu@moroo.com](mailto:souketsu@moroo.com)

## 陳第十二

### 宛丘

宛丘、刺幽公也。淫荒昏亂、游蕩無度焉。

子之湯兮、宛丘之上兮、洵有情兮、而無望兮

坎其擊鼓、宛丘之下、無冬無夏、值其鷺羽

坎其擊缶、宛丘之道、無冬無夏、值其鷺翮

宛丘三章

### 東門之枌

東門之枌、疾亂也。幽公淫荒、風化之所行、男女棄其舊業、亟會於道路、歌舞於市井爾。

東門之枌、宛丘之栩、子仲之子、婆娑其下

穀旦于差、南方之原、不績其麻、市也婆娑

穀旦于逝、越以鬻邁、視爾如蒺、貽我握椒

東門之枌三章

### 衡門

衡門、誘僖公也。愿而無立志。故作是詩、以誘掖君也。

衡門之下、可以棲遲、泌之洋洋、可以樂飢

豈其食魚、必河之魴、豈其取妻、必齊之姜

豈其食魚、必河之鯉、豈其取妻、必宋之子

### 東門之池

### 衡門三章

東門之池、刺時也。疾其君之淫昏、而思賢女以配君子也。

東門之池、可以漚麻、彼美淑姬、可與晤歌  
東門之池、可以漚紵、彼美淑姬、可與晤語  
東門之池、可以漚菅、彼美淑姬、可與晤言  
東門之池三章

東門之楊

東門之楊、刺時也。昏姻失時、男女多違、親迎女猶有不至者也。

東門之楊、其葉<sup>牂牂</sup>、昏以爲期、明星煌煌  
東門之楊、其葉<sup>肺肺</sup>、昏以爲期、明星明<sup>皙皙</sup>  
東門之楊二章

墓門

墓門、刺陳佗也。陳佗無良師傅、以至於不義、惡加於萬民焉。

墓門有棘、斧以斯之、夫也不良、國人知之、知而不已、誰昔然矣  
墓門有梅、有<sup>鴟</sup>萃止、夫也不良、歌以訊之、訊予不顧、顛倒思予  
墓門二章

防有鵲巢

防有鵲巢、憂讒賊也。宣公多信讒、君子憂懼焉。

防有鵲巢、邛有旨<sup>苕</sup>、誰<sup>俯</sup>予美、心焉<sup>怲怲</sup>  
中唐有<sup>斿</sup>、邛有旨<sup>鵲</sup>、誰<sup>俯</sup>予美、心焉<sup>惕惕</sup>  
防有鵲巢二章

月出

月出、刺好色也。在位不好德、而說美色焉。

月出皎兮、佼人僚兮、舒窈糾兮、勞心悄兮  
月出皓兮、佼人慄兮、舒憂受兮、勞心慄兮  
月出照兮、佼人燎兮、舒夭紹兮、勞心慘兮  
月出三章

### 株林

株林、刺靈公也。淫乎夏姬、驅馳而往、朝夕不休息焉。

胡爲乎株林、從夏南、匪適株林、從夏南  
駕我乘馬、說于株野、乘我乘駒、朝食于株  
株林二章

### 澤陂

澤陂、刺時也。言靈公君臣淫於其國、男女相說、憂思感傷焉。

彼澤之陂、有蒲與荷、有美一人、傷如之何、寤寐無爲、涕泗滂沱  
彼澤之陂、有蒲與蘭、有美一人、碩大且卷、寤寐無爲、中心悁悁  
彼澤之陂、有蒲菡萏、有美一人、碩大且儼、寤寐無爲、輾轉伏枕  
澤陂三章

### 陳國十篇二十六章

---

[souketsu@moroo.com](mailto:souketsu@moroo.com)

## 檜第十三

### 羔裘

羔裘、大夫以道去其君也。國小而迫、君不用道、好絜其衣服、逍遙遊燕、而不能自強於政治。故作是詩也。

羔裘逍遙、狐裘以朝、豈不爾思、勞心忉忉  
羔裘翱翔、狐裘在堂、豈不爾思、我心憂傷  
羔裘如膏、日出有曜、豈不爾思、中心是悼  
羔裘三章

### 素冠

素冠、刺不能三年也。

庶見素冠兮、棘人欒欒兮、勞心博博兮  
庶見素衣兮、我心傷悲兮、聊與子同歸兮  
庶見素韞兮、我心蕕結兮、聊與子如一兮  
素冠三章

### 隰有萋楚

隰有萋楚、疾恣也。國人疾其君之淫恣、而思無情慾者也。

隰有萋楚、猗儺其技、天之沃沃、樂子之無知  
隰有萋楚、猗儺其華、天之沃沃、樂子之無家  
隰有萋楚、猗儺其實、天之沃沃、樂子之無室  
隰有萋楚三章

### 匪風

匪風、思周道也。國小政亂、憂及禍難而思周道焉。

匪風發兮、匪車偈兮、顧瞻周道、中心怛兮  
匪風飄兮、匪車嘒兮、顧瞻周道、中心弔兮  
誰能亨魚、漑之釜鬯、誰將西歸、懷之好音  
匪風三章

檜國四篇十二章

---

[souketsu@moroo.com](mailto:souketsu@moroo.com)

## 曹第十四

### 蜉蝣

蜉蝣、刺奢也。昭公國小而迫、無法以自守。好奢而任小人、將無所依焉。

蜉蝣之羽、衣裳楚楚、心之憂矣、於我歸處  
蜉蝣之翼、采采衣服、心之憂矣、於我歸息  
蜉蝣掘閱、麻衣如雪、心之憂矣、於我歸說  
蜉蝣三章

### 候人

候人、刺近小人也。共公遠君子、而好近小人焉。

彼候人兮、何戈與祿、彼其之子、三百赤芾  
維鷓在梁、不濡其翼、彼其之子、不稱其服  
維鷓在梁、不濡其味、彼其之子、不遂其媾  
薈兮蔚兮、南山朝隤、婉兮戀兮、季女斯飢  
候人四章

### 鳴鳩

鳴鳩、刺不壹也。在位無君子用心之不壹也。

鳴鳩在桑、其子七兮、淑人君子、其儀一兮、其儀一兮、心如結兮  
鳴鳩在桑、其子在梅、淑人君子、其帶伊絲、其帶伊絲、其弁伊騏  
鳴鳩在桑、其子在棘、淑人君子、其儀不忒、其儀不忒、正是四國  
鳴鳩在桑、其子在榛、淑人君子、正是國人、正是國人、胡不萬年  
鳴鳩四章

### 下泉

下泉、思治也。曹人疾共公侵刻其下民、不得其所。憂而思明王賢伯也。

冽彼下泉、浸彼苞稂、愾我寤嘆、念彼周京  
冽彼下泉、浸彼苞蕭、愾我寤嘆、念彼京周  
冽彼下泉、浸彼苞薺、愾我寤嘆、念彼京師  
芃芃黍苗、陰雨膏之、四國有王、邇伯勞之  
下泉四章

曹國四篇十五章

---

[souketsu@moroo.com](mailto:souketsu@moroo.com)



# 豳第十五

七月

七月、陳王業也。周公遭變、故陳后稷先公、風化之所由、致王業之艱難也。

七月流火、九月授衣、一之日昃發、二之日栗烈、無衣無褐、何以卒歲、三之日于耜、四之日舉趾、同我婦子、饁彼南畝、田畯至喜

七月流火、九月授衣、春日載陽、有鳴倉庚、女執懿筐、遵彼微行、爰求柔桑、春日遲遲、采芣芣、女心傷悲、殆及公子同歸

七月流火、八月萑葦、蠶月條桑、取彼斧斨、以伐遠揚、猗彼女桑、七月鳴鵙、八月載績、載玄載黃、我朱孔陽、為公子裳

四月秀葢、五月鳴蜩、八月其穫、十月隕穫、一之日于貉、取彼狐貉、為公子裘、二之日其同、載纘武功、言私其豸、獻豸于公

五月斯蠹動股、六月莎雞振羽、七月在野、八月在宇、九月在戶、十月蟋蟀、入我牀下、穹窒熏鼠、塞向墜戶、嗟我婦子、曰為改歲、入此室處

六月食鬱及薹、七月亨葵及菽、八月剥棗、十月穫稻、為此春酒、以介眉壽、七月食瓜、八月斷壺、九月叔苴、采荼薪樗、食我農夫

九月築場圃、十月納禾稼、黍稷重穋、禾麻菽麥、嗟我農夫、我稼既同、上入執宮功、晝爾于茅、宵爾索綯、亟其乘屋、其始播百穀

二之日鑿冰冲冲、三之日納于凌陰、四之日其蚤獻羔祭韭、九月肅霜、十月滌場、朋酒斯饗、曰殺羔羊、躋彼公堂、稱彼兕觥、萬壽無疆

七月八章

鴟鴞

鴟鴞、周公救亂也。成王未知周公之志、公乃為詩以遺王。名之曰鴟鴞焉。

鴟鴞鴟鴞、既取我子、無毀我室、恩斯勤斯、鬻子之閔斯  
迨天下未陰雨、徹彼桑土綢繆牖戶、今女下民、或敢侮予  
予手拮据、予所搏荼、予所蓄租、予口卒瘁、曰予未有室家  
予羽譙譙、予尾條條、予室翹翹、風雨所漂搖、予維音嘒嘒

東山、周公東征也。周公東征三年、而歸勞、歸土。大夫美之。故作是詩也。

### 鴟鴞四章

#### 東山

東山、周公東征也。周公東征三年、而歸勞、歸土。大夫美之。故作是詩也。一章、言其完也。二章、言其思也。三章、言其室家之望女也。四章、樂男女之得及時也。君子之於人、序其情而閔其勞。所以說也。說以使民、民忘其死、其唯東山乎。

我徂東山、惓惓不歸、我來自東、零雨其濛、我東曰歸、我心西悲、  
制彼裳衣、勿士行枚、蜎蜎者蠋、烝在桑野、敦彼獨宿、亦在車下  
我徂東山、惓惓不歸、我來自東、零雨其濛、果臝之實、亦施于宇、伊  
威在室、蠨蛸在戶、町疃鹿場、熠熠宵行、不可畏也、伊可懷也  
我徂東山、惓惓不歸、我來自東、零雨其濛、鸛鳴于垤、婦歎于室、  
洒婦穹窒、我征聿至、有敦瓜苦、烝在栗薪、自我不見、于今三年  
我徂東山、惓惓不歸、我來自東、零雨其濛、倉庚于飛、熠熠其羽、之  
子于歸、皇駁其馬、親結其縵、九十其儀、其新孔嘉、其舊如之何  
東山四章

#### 破斧

破斧、美周公也。周大夫以惡四國焉。

既破我斧、又缺我斨、周公東征、四國是皇、哀我人斯、亦孔之將  
既破我斧、又缺我錡、周公東征、四國是吪、哀我人斯、亦孔之嘉  
既破我斧、又缺我鉞、周公東征、四國是遘、哀我人斯、亦孔之休

## 破斧三章

伐柯

伐柯、美周公也。周大夫刺朝廷之不知也。

伐柯如何、匪斧不克、取妻如何、匪媒不得  
伐柯伐柯、其則不遠、我覯之子、籩豆有踐  
伐柯二章

九罭

九罭、美周公也。周大夫刺朝廷之不知也。

九罭之魚、鱒魴、我覯之子、袞衣繡裳  
鴻飛遵渚、公歸無所、於女信處  
鴻飛遵陸、公歸不復、於女信宿  
是以有袞衣兮、無以我公歸兮、無使我心悲兮  
九罭四章

狼跋

狼跋、美周公也。周公攝政、遠則四國流言、近則王不知。周大夫美其不失其聖也。

狼跋其胡、載疇其尾、公孫碩膚、赤舄几几  
狼疇其尾、載跋其胡、公孫碩膚、德音不瑕  
狼跋二章

## 豳國七篇二十七章

---

[souketsu@moroo.com](mailto:souketsu@moroo.com)

## 小雅

### 鹿鳴之什第十六

#### 鹿鳴

鹿鳴、燕羣臣嘉賓也。既飲食之、又實幣帛筐篚、以將其厚意、然後忠臣嘉賓、得盡其心矣。

呦呦鹿鳴、食野之苹、我有嘉賓、鼓瑟吹笙、吹笙鼓簧、承筐是將、人之好我、示我周行

呦呦鹿鳴、食野之蒿、我有嘉賓、德音孔昭、視民不忮、君子是則是倣、我有旨酒、嘉賓式燕以敖

呦呦鹿鳴、食野之芩、我有嘉賓、鼓瑟鼓琴、鼓瑟鼓琴、和樂且湛、我有旨酒、以燕樂嘉賓之心

#### 鹿鳴三章

#### 四牡

四牡、勞使臣之來也。有功而見知、則說矣。

四牡騤騤、周道倭遲、豈不懷歸、王事靡盬、我心傷悲

四牡騤騤、嘽嘽駱馬、豈不懷歸、王事靡盬、不遑啓處

翩翩者鷦、載飛載下、集于苞栩、王事靡盬、不遑將父

翩翩者鷦、載飛載止、集于苞杞、王事靡盬、不遑將母

駕彼四駱、載驟馵馵、豈不懷歸、是用作歌、將母來諗

#### 四牡五章

#### 皇皇者華

皇皇者華、君遣使臣也。送之以禮樂。言遠而有光華也。

皇皇者華、于彼隰、騤騤征夫、每懷靡及

我馬維駒、六轡如濡、載馳載驅、周奚咨諏  
我馬維騏、六轡如絲、載馳載驅、周奚咨謀  
我馬維駱、六轡沃若、載馳載驅、周奚咨度  
我馬維駒、六轡既均、載馳載驅、周奚咨詢  
皇皇者華五章

常棣

常棣、燕兄弟也。閔管蔡之失道。故作常棣焉。

常棣之華、鄂不韡韡、凡今之人、莫如兄弟  
死喪之威、兄弟孔懷、原隰裒矣、兄弟求矣  
脊令在原、兄弟急難、每有良朋、況也永歎  
兄弟鬩于牆、外禦其務、每有良朋、烝也無戎  
喪亂既平、既安且寧、雖有兄弟、不如友生  
儷爾籩豆、飲酒之飶、兄弟既具、和樂且孺  
妻子好合、如鼓瑟琴、兄弟既翕、和樂且湛  
宜爾室家、樂爾妻帑、是究是圖、亶其然乎  
常棣八章

伐木

伐木、燕朋友故舊也。自天子至于庶人、未有不須友以成者。親親以睦、友賢不棄、不遺故舊、則民德歸厚矣。

伐木丁丁、鳥鳴嚶嚶、出自幽谷、遷于喬木、嚶其鳴矣、求其友聲、  
相彼鳥矣、猶求友聲、矧伊人矣、不求友生、神之聽之、終和且平  
伐木許許、釃酒有藇、既有肥羜、以速諸父、寧適不來、微我弗顧、於  
粲酒埽、陳饋八簋、既有肥牡、以速諸舅、寧適不來、微我有咎  
伐木于阪、釃酒有衍、籩豆有踐、兄弟無遠、民之失德、乾餱以愆、有  
酒湑我、無酒酤我、坎坎鼓我、蹲蹲舞我、迨我暇矣、飲此湑矣  
伐木三章

## 天保

天保、下報上也。君能下下、以成其政、臣能歸美、以報其上焉。

天保定爾、亦孔之固、俾爾單厚、何福不除、俾爾多益、以莫不庶  
 天保定爾、俾爾馘穀、罄無不宜、受天百祿、降爾遐福、維日不足  
 天保定爾、以莫不興、如山如阜、如岡如陵、如川之方至、以莫不增  
 吉蠲爲饗、是用孝享、禴祠烝嘗、于公先王、君曰卜爾、萬壽無疆  
 神之弔矣、詒爾多福、民之質矣、日用飲食、群黎百姓、遍爲爾德  
 如月之恒、如日之升、如南山之壽、不騫不崩、如松柏之茂、無不爾  
 或承  
 天保六章

## 采薇

采薇、遣戍役也。文王之時、西有昆夷之患、北有玁狁之難。以天子之命、命將率遣戍役、以守衛中國。故歌采薇以遣之出車以勞還、杖杜以勤歸也。

采薇采薇、薇亦作止、曰歸曰歸、歲亦莫止、靡室靡家、玁狁之故、  
 不遑啓居、玁狁之故  
 采薇采薇、薇亦柔止、曰歸曰歸、心亦憂止、憂心烈烈、載飢載渴、  
 我戍未定、靡使歸聘  
 采薇采薇、薇亦剛止、曰歸曰歸、歲亦陽止、王事靡盬、不遑啓處、  
 憂心孔疚、我行不來  
 彼爾維何、維常之華、彼路斯何、君子之車、戎車既篤、四牡業業、  
 豈敢定居、一月三捷  
 駕彼四牡、四牡騤騤、君子所依、小人所腓、四牡翼翼、象弭魚服、  
 豈不日戒、玁狁孔棘  
 昔我往矣、楊柳依依、今我來思、雨雪霏霏、行道遲遲、載渴載飢、  
 我心傷悲、莫知我哀  
 采薇六章

出車

出車、勞還率也。

我出我車、于彼牧矣、自天子所、謂我來矣、召彼僕夫、謂之載矣、  
 王事多難、維其棘矣  
 我出我車、于彼郊矣、設此旃矣、建彼旄矣、彼旃旃斯、胡不旆旆、憂  
 心悄悄、僕夫況瘁  
 王命南仲、往城于方、出車彭彭、旂旐央央、天子命我、城彼朔方、  
 赫赫南仲、攬沬于襄  
 昔我往矣、黍稷方華、今我來思、雨雪載塗、王事多難、不遑啓居、  
 豈不懷歸、畏此簡書  
 嘒嘒艸蟲、趯趯阜螽、未見君子、憂心忡忡、既見君子、我心則降、赫  
 赫南仲、薄伐西戎  
 春日遲遲、卉木萋萋、倉庚喈喈、采芣祁祁、執訊獲醜、薄言還歸、  
 赫赫南仲、攬沬于夷  
 出車六章

杖杜

杖杜、勞還役也。

有杖之杜、有暎其實、王事靡盬、繼嗣我日、日月陽止、女心傷止、征  
 夫遑止  
 有杖之杜、其葉萋萋、王事靡盬、我心傷悲、卉木萋止、女心悲止、  
 征夫歸止  
 陟彼北山、言采其杞、王事靡盬、憂我父母、檀車擘擘、四牡痯痯、  
 征夫不遠  
 匪載匪來、憂心孔疚、期逝不至、而多爲恤、卜筮偕止、會言近止、  
 征夫邇止  
 杖杜四章

## 魚麗

魚麗、美萬物盛多、能備禮也。文武以天保以上治內、以采薇以下治外。始於憂勤、終於逸樂。故美萬物盛多、可以告於神明矣。

魚麗于蠶、鱸鯊、君子有酒、旨且多  
魚麗于蠶、魴鱧君子有酒、多且旨  
魚麗于蠶、鰓鯉、君子有酒、旨且有  
物其多矣、維其嘉矣  
物其旨矣、維其偕矣  
物其有矣、維其時矣  
魚麗六章

## 南陔

南陔、孝子相戒以養也。

## 白華

白華、孝子之絜白也。

## 華黍

華黍、時和歲豐、宜黍稷也。有其義而亡其辭。

鹿鳴之什十篇五十五章



# 南有嘉魚之什第十七

## 南有嘉魚

南有嘉魚、樂與賢也。太平之君子、至誠樂與賢者共之也。

南有嘉魚、烝然罩罩、君子有酒、嘉賓式燕以樂

南有嘉魚、烝然汕汕、君子有酒、嘉賓式燕以衍

南有樛木、甘瓠纍之、君子有酒、嘉賓式燕綏之

翩翩者騅、烝然來思、君子有酒、嘉賓式燕又思

南有嘉魚四章

## 南山有臺

南山有臺、樂得賢也。得賢、則能為邦家立太平之基矣。

南山有臺、北山有萊、樂只君子、邦家之基、樂只君子、萬壽無期

南山有桑、北山有楊、樂只君子、邦家之光、樂只君子、萬壽無疆

南山有杞、北山有李、樂只君子、民之父母、樂只君子、德音不已

南山有栲、北山有杻、樂只君子、遐不眉壽、樂只君子、德音是茂

南山有枸、北山有楸、樂只君子、遐不黃耇、樂只君子、保艾爾後

南山有臺五章

由庚、萬物得由其道也。崇丘、萬物得極其高大也。由儀、萬物之生、各得其宜也。有其義而亡其辭。

## 蓼蕭

蓼蕭、澤及四海也。

蓼彼蕭斯、零露漙兮、既見君子、我心寫兮、燕笑語兮、是以有譽處兮

蓼彼蕭斯、零露瀼瀼、既見君子、為龍為光、其德不爽、壽考不忘

蓼彼蕭斯、零露泥泥、既見君子、孔燕豈弟、宜兄宜弟、令德壽豈  
 蓼彼蕭斯、零露濃濃、既見君子、**條**革沖沖、和鸞雝雝、萬福攸同  
 蓼蕭四章

湛露

湛露、天子燕諸侯也。

湛湛露斯、匪陽不晞、厭厭夜飲、不醉無歸  
 湛湛露斯、在彼豐艸、厭厭夜飲、在宗載考  
 湛湛露斯、在彼杞棘、顯允君子、莫不令德  
 其桐其椅、其實離離、豈弟君子、莫不令儀  
 湛露四章

彤弓

彤弓、天子錫有功諸侯也。

彤弓昭兮、受言藏之、我有嘉賓、中心貺之、鐘鼓既設、一朝饗之  
 彤弓昭兮、受言載之、我有嘉賓、中心喜之、鐘鼓既設、一朝右之  
 彤弓昭兮、受言囊之、我有嘉賓、中心好之、鐘鼓既設、一朝醕之  
 彤弓三章

菁菁者莪

菁菁者莪、樂育材也。君子能長育人材、則天下喜樂之矣。

菁菁者莪、在彼中阿、既見君子、樂且有儀  
 菁菁者莪、在彼中沚、既見君子、我心則喜  
 菁菁者莪、在彼中陵、既見君子、錫我百朋  
 汎汎楊舟、載沈載浮、既見君子、我心則休  
 菁菁者莪四章

## 六月

六月、宣王北伐也。鹿鳴廢、則和樂缺矣。四牡廢、則君臣缺矣。皇皇者華廢、則忠信缺矣。常棣廢、則兄弟缺矣。伐木廢、則朋友缺矣。天保廢、則福祿缺矣。采芣廢、則征伐缺矣。出車廢、則功力缺矣。杕杜廢、則師衆缺矣。魚麗廢、則法度缺矣。南陔廢、則孝友缺矣。白華廢、則廉耻缺矣。華黍廢、則蓄積缺矣。由庚廢、則陰陽失其道理矣。南有嘉魚廢、則賢者不安、下民不得其所矣。崇丘廢、則萬物不遂矣。南山有臺廢、則爲國之基隊矣。由儀廢、則萬物失其道理矣。蓼蕭廢、則恩澤乖矣。湛露廢、則萬國離矣。彤弓廢、則諸夏衰矣。菁菁者莪廢、則無禮儀矣。小雅盡廢、則四夷交侵、中國微矣。

六月棲棲、戎車既飭、四牡騤騤、載是常服、玁狁孔熾、我是用急、王于出征、以匡王國  
 比物四驪、閑之維則、維此六月、既成我服、我服既成、于三十里、王于出征、以佐天子  
 四牡脩廣、其大有顛、薄伐玁狁、以奏膚公、有嚴有翼、共武之服、共武之服、以定王國  
 玁狁匪茹、整居焦穫、侵鎬及方、至于涇陽、織文鳥章、白旆央央、元戎十乘、以先啓行  
 戎車既安、如輕如軒、四牡既佶、既佶且閑、薄伐玁狁、至于大原、文武吉甫、萬邦爲憲  
 吉甫燕喜、既多受祉、來歸自鎬、我行永久、飲御諸友、包鱉膾鯉、侯誰在矣、張仲孝友  
 六月六章

## 采芣

采芣、宣王南征也。

薄言采芣、于彼新田、于此菑畝、方叔涖止、其車三千、師于之試、方

叔率止、乘其四騏、四騏翼翼、路車有奭、簟茀魚服、鉤膺鞶革  
 薄言采芑、于彼新田、于此中鄉、方叔涖止、其車三千、旂旐央央、方  
 叔率止、約軛錯衡、八鸞瑤瑤、服其命服、朱芾斯皇、有瑤葱珩  
 駉彼飛隼、其飛戾天、亦集爰止、方叔涖止、其車三千、師于之試、  
 方叔率止、鉦人伐鼓、陳師鞠旅、顯允方叔、伐鼓淵淵、振旅闐闐  
 蠢爾蠻荆、大邦爲讎、方叔元老、克壯其猶、方叔率止、執訊獲醜、  
 戎車嘽嘽、嘽嘽焯焯、如霆如雷、顯允方叔、征伐攸尤、蠻荆來威  
 采芑四章

車攻

車攻、宣王復古也。宣王能內修政事、外攘夷狄、復文武之竟土、脩  
 車馬、備器械、復會諸侯於東都、因田獵而選車徒焉。

我車既攻、我馬既同、四牡龐广<龍7757、駕言徂東  
 田車既好、四牡孔阜、東有甫艸、駕言行狩  
 之子于苗、選徒囂囂、建旄設旂、搏獸于敖  
 駕彼四牡、四牡奕奕、赤芾金鳥、會同有繹  
 決拾既飲、弓矢既調、射夫既同、助我舉柴  
 四黃既駕、兩驂不猗、不失其馳、舍矢如破  
 蕭蕭馬鳴、悠悠旆旌、徒御不驚、大庖不盈  
 之子于征、有聞無聲、允矣君子、展也大成  
 車攻八章

吉日

吉日、美宣王田也。能慎微接下、無不自盡以奉其上焉。

吉日維戊、既伯既禱、田車既好、四牡孔阜、升彼大阜、從其羣醜  
 吉日庚午、既差我馬、獸之所同、麀鹿麇麇、漆沮之從、天子之所  
 瞻彼中原、其祁孔有、**儻儻**俟俟、或羣或友、悉率左右、以燕天子  
 既張我弓、既挾我矢、發彼小豝、殪此大兕、以御賓客、且以酌醴

# 吉日四章

## 南有嘉魚之什十篇四十六章

---

[souketsu@moroo.com](mailto:souketsu@moroo.com)

# 鴻鴈之什第十八

## 鴻鴈

鴻鴈、美宣王也。萬民離散、不安其居、而能勞來、還定安集之。至于矜寡、無不得其所焉。

鴻鴈于飛、肅肅其羽、之子于征、劬勞于野、爰及矜人、哀此鰥寡  
 鴻鴈于飛、集于中澤、之子于垣、百堵皆作、雖則劬勞、其究安宅  
 鴻鴈于飛、哀鳴嗷嗷、維此哲人、謂我劬勞、維彼愚人、謂我宣驕  
 鴻鴈三章

## 庭燎

庭燎、美宣王也。因以箴之。

夜如何其、夜未央、庭燎之光、君子至止、鸞聲將將  
 夜如何其、夜未艾、庭燎晰晰、君子至止、鸞聲嘒嘒  
 夜如何其、夜鄉晨、庭燎有輝、君子至止、言觀其旂  
 庭燎三章

## 沔水

沔水、規宣王也。

沔彼流水、朝宗于海、駉彼飛隼、載飛載止、嗟我兄弟、邦人諸友、  
 莫肯念亂、誰無父母  
 沔彼流水、其流湯湯、駉彼飛隼、載飛載揚、念彼不蹟、載起載行、  
 心之憂矣、不可弭忘  
 駉彼飛隼、率彼中陵、民之訛言、寧莫之懲、我友敬矣、讒言其興  
 沔水三章

## 鶴鳴

鶴鳴、誨宣王也。

鶴鳴于九臯、聲聞于野、魚潛在淵、或在于渚、樂彼之園、爰有樹檀、其下維樺、佗山之石、可以爲錯

鶴鳴于九臯、聲聞于天、魚在于渚、或潛在淵、樂彼之園、爰有樹檀、其下維穀、佗山之石、可以攻玉

鶴鳴二章

祈父

祈父、刺宣王也。

祈父、予王之爪牙、胡轉予于恤、靡所止居

祈父、予王之爪士、胡轉予于恤、靡所底止

祈父、亶不聰、胡轉予于恤、有母之尸饔

祈父三章

白駒

白駒、大夫刺宣王也。

皎皎白駒、食我場苗、絜之維之、以永今朝、所謂伊人、於焉逍遙

皎皎白駒、食我場藿、絜之維之、以永今夕、所謂伊人、於焉嘉客

皎皎白駒、賁然來思、爾公爾侯、逸豫無期、慎爾優游、勉爾遁思

皎皎白駒、在彼空谷、生芻一束、其人如玉、母金玉爾音、而有遐心

白駒四章

黃鳥

黃鳥、刺宣王也。

黃鳥黃鳥、無集于穀、無啄我粟、此邦之人、不我肯穀、言旋言歸、復我邦族

黃鳥黃鳥、無集于桑、無啄我梁、此邦之人、不可與明、言旋言歸、  
 復我諸兄  
 黃鳥黃鳥、無集于栩、無啄我黍、此邦之人、不可與處、言旋言歸、  
 復我諸父  
 黃鳥三章

我行其野

我行其野、刺宣王也。

我行其野、蔽芾其樗、昏姻之故、言就爾居、爾不我畜、復我邦家  
 我行其野、言采其<sup>蓬</sup>、昏姻之故、言就爾宿、爾不我畜、言歸斯復  
 我行其野、言采其藿、不思舊姻、求爾新特、成不以富、亦祇以異  
 我行其野三章

斯干

斯干、宣王考室也。

秩秩斯干、幽幽南山、如竹苞矣、如松茂矣、兄及弟矣、式相好矣、  
 無相猶矣  
 似續妣祖、築室百堵、西南其戶、爰居爰處、爰笑爰語  
 約之閣閣、椽之橐橐、風雨攸除、鳥鼠攸去、君子攸芋  
 如跂斯翼、如矢斯棘、如鳥斯革、如翬斯飛、君子攸躋  
 殖殖其庭、有覺其楹、嚶嚶其正、嘒嘒其冥、君子攸寧  
 下莞上簟、乃安斯寢、乃寢乃興、乃占我夢、吉夢維何、維熊維羆、  
 維虺維蛇  
 大人占之、維熊維羆、男子之祥、維虺維蛇、女子之祥  
 乃生男子、載寢之牀、載衣之裳、載弄之璋、其泣噍噍、朱芾斯皇、室  
 家君王  
 乃生女子、載寢之地、載衣之裼、載弄之瓦、無非無儀、唯酒食是  
 議、無父母詒罹



## 斯干九章

無羊

無羊、宣王考牧也。

誰謂爾無羊、三百維羣、誰謂爾無牛、九十其牝、爾羊來思、其角濈濈、爾牛來思、其耳濕濕

或降于阿、或飲于池、或寢或訛、爾牧來思、何蓑何笠、或負其餼、三十維物、爾牲則具

爾牧來思、思以薪以蒸、以雌以雄、爾羊來思、矜矜兢兢、不騫不崩、麾之以肱、畢來既升

牧人乃夢、衆維魚矣、旒維旟矣、大人占之、衆維魚矣、實維豐年、旒維旟矣、室家濙濙

無羊四章

鴻鴈之什十篇三十二章

---

[souketsu@moroo.com](mailto:souketsu@moroo.com)

# 節南山之什第十九

## 節南山

節南山、家父刺幽王也。

節彼南山、維石巖巖、赫赫師尹、民具爾瞻、憂心如憺、不敢戲談、  
 國既卒斬、何用不監  
 節彼南山、有實其猗、赫赫師尹、不平謂何、天方薦瘥、喪亂弘多、  
 民言無嘉、~~憺~~莫懲嗟  
 尹氏大師、維周之氏、秉國之均、四方是維、天子是毘、俾民不迷、  
 不弔昊天、不宜空我師  
 弗躬弗親、庶民弗信、弗問弗仕、勿罔君子、式夷式已、無小人殆、  
 瑣瑣姻亞、則無~~臚~~仕  
 昊天不傭、降此鞠~~誨~~、昊天不惠、降此大戾、君子如屆、俾民心闕、  
 君子如夷、惡怒是違  
 不弔昊天、亂靡有定、式月斯生、俾民不寧、憂心如醒、誰秉國成、  
 不自為政、卒勞百姓  
 駕彼四牡、四牡項領、我瞻四方、蹙蹙靡所騁  
 方茂爾惡、相爾矛矣、既夷既懌、如相醜矣  
 昊天不平、我王不寧、不懲其心、覆怨其正  
 家父作誦、以究王~~誨~~、式訛爾心、以畜萬邦  
 節南山十章

正月

正月、大夫刺幽王也。

正月繁霜、我心憂傷、民之訛言、亦孔之將、念我獨兮、憂心京京、  
 哀我小心、~~瘋~~憂以瘳  
 父母生我、胡俾我瘳、不自我先、不自我後、好言自口、莠言自口、  
 憂心愈愈、是以有侮

憂心惴惴、念我無祿、民之無辜、并其臣僕、哀我人斯、于何從祿、  
 瞻烏爰止、于誰之屋  
 瞻彼中林、侯薪侯蒸、民今方殆、視天夢夢、既克有定、靡人弗勝、  
 有皇上帝、伊誰云憎  
 謂山蓋卑、爲岡爲陵、民之訛言、寧莫之懲、召彼故老、訊之占夢、  
 具曰予聖、誰知烏之雌雄  
 謂天蓋高、不敢不局、謂地蓋厚、不敢不躅、維號斯言、有倫有脊、  
 哀今之人、胡爲虺蜴  
 瞻彼阪田、有苑其特、天之扞我、如不我克、彼求我則、如不我得、  
 執我仇仇、亦不我力  
 心之憂矣、如或結之、今茲之正、胡然厲矣、燎之方揚、寧或滅之、  
 赫赫宗周、褻以威之  
 終其永懷、又窘陰雨、其車既載、乃棄爾輔、載輸爾載、將伯助予  
 無棄爾輔、員于爾輻、屢顧爾僕、不輸爾載、終踰絕險、曾是不意  
 魚在于沼、亦匪克樂、潛雖伏矣、亦孔之炤、憂心慘慘、念國之爲虐  
 彼有旨酒、又有嘉穀、洽比其隣、昏姻孔云、念我獨兮、憂心愬愬  
 咻咻彼有屋、蔌蔌方穀、民今之無祿、天天是椽、哿矣富人、哀此惴獨  
 正月十三章

十月之交

十月之交、大夫刺幽王也。

十月之交、朔日辛卯、日有食之、亦孔之醜、彼月而微、此日而微、  
 今此下民、亦孔之哀  
 日月告凶、不用其行、四國無政、不用無良、彼月而食、則維其常、  
 此日而食、于何不臧  
 燁燁震電、不寧不令、百川沸騰、山冢率崩、高岸爲谷、深谷爲陵、哀  
 今之人、胡情莫懲

皇父卿士、番維司徒、家伯維宰、仲允膳夫、聚子內史、蹶維趣馬、  
 楛維師氏、豔妻煽方處

抑此皇父、豈曰不時、胡爲我作、不即我謀、徹我牆屋、田卒汙萊、  
曰予不戕、禮則然矣  
皇父孔聖、作都于向、擇三有事、亶侯多藏、不憇遣一老、俾守我  
王、擇有車馬、以居徂向  
黽勉從事、不敢告勞、無罪無辜、讒口囂囂、下民之孽、匪降自天、  
噂沓背憎、職競由人  
悠悠我里、亦孔之瘁、四方羨、我獨居憂、民莫不逸、我獨不敢休、  
天命不徹、我不敢傲、我友自逸  
十月之交八章

雨無正

雨無正、大夫刺幽王也。雨自上下者也。衆多如雨、而非所以爲政也。

浩浩昊天、不駿其德、降喪饑饉、斬伐四國、旻天疾威、弗慮弗圖、  
舍彼有罪、既伏其辜、若此無罪、淪胥以鋪  
周宗既滅、靡所止戾、正大夫離居、莫知我勩、三事大夫、莫肯夙  
夜、邦君諸侯、莫肯朝夕、庶曰式臧、覆出爲惡  
如何昊天、辟言不信、如彼行邁、則靡所臻、凡百君子、各敬爾身、  
胡不相畏、不畏于天

戎成不退、飢成不遂、曾我<sup>執</sup>御、<sup>慙慙</sup>日瘁、凡百君子、莫肯用  
訊、聽言則答、譖言則退  
哀哉不能言、匪舌是出、維躬是瘁、哿矣能言、巧言如流、俾躬處休  
維曰于仕、孔棘且殆、云不可使、得罪于天子、亦云可使、怨及朋友  
謂爾遷于王都、曰予未有室家、鼠思泣血、無言不疾、昔爾出居、誰  
從作爾室  
雨無正七章

小旻

小旻、大夫刺幽王也。

旻天疾威、敷于下土、謀猶回遘、何日斯沮、謀臧不從、不臧覆用、  
我視謀猶、亦孔之邇

瀟瀟訾訾、亦孔之哀、謀之其臧、則具是違、謀之不臧、則具是依、我  
視謀猶、伊于胡底

我龜既厭、不我告猶、謀夫孔多、是用夫集、發言盈庭、誰敢執其  
咎、如匪行邁謀、是用不得于道

哀哉爲猶、匪先民是程、匪大猶是經、維邇言是聽、維邇言是爭、如  
彼築室于道謀、是用不潰于成

國雖靡止、或聖或否、民雖靡盬、或哲或謀、或肅或艾、如彼泉流、  
無淪胥以敗

不敢暴虎、不敢馮河、人知其一、莫知其他、戰戰兢兢、如臨深淵、  
如履薄冰

小旻六章

小宛

小宛、大夫刺幽王也。

宛彼鳴鳩、翰飛戾天、我心憂傷、念昔先人、明發不寐、有懷二人  
人之齊聖、飲酒温克、彼昏不知、壹醉日富、各敬爾儀、天命不又  
中原有菽、庶民采之、螟蛉有子、蠛蠪負之、教誨爾子、式穀似之  
題彼脊令、載飛載鳴、我日斯邁、而月斯征、夙興夜寐、無忝爾所生  
交交桑扈、率場啄粟、哀我填寡、宜岸宜獄、握粟出卜、自何能穀  
温温恭人、如集于木、惴惴小心、如臨于谷、戰戰兢兢、如履薄冰  
小宛六章

小弁

小弁、刺幽王也。太子之傅作焉

弁彼鸞斯、歸飛提提、民莫不穀、我獨于罹、何辜于天、我罪伊何、  
心之憂矣、云如之何

踧踧周道、鞫爲茂艸、我心憂傷、惄焉如擣、假寐永嘆、維憂用老、  
 心之憂矣、疢如疾首、維桑與梓、必恭敬止、靡瞻匪父、靡依匪母、不屬於毛、不離于裏、  
 天之生我、我辰安在、苑彼柳斯、鳴蜩嘒嘒、有淮者淵、萑葦淠淠、譬彼舟流、不知所屆、心  
 之憂矣、不遑假寐、鹿斯之奔、維足伎伎、雉之朝雊、尚求其雌、譬彼壞木、疾用無枝、  
 心之憂矣、寧莫之知、相彼投兔、尚或先之、行有死人、尚或瑾之、君子秉心、維其忍之、  
 心之憂矣、涕既隕之、君子信讒、如或醜之、君子不惠、不舒究之、伐木椅矣、折薪杙矣、  
 舍彼有罪、予之佗矣、莫高匪山、莫浚匪泉、君子無易由言、耳屬於垣、無逝我梁、無發我  
 筥、我躬不閱、遑恤我後、  
 小弁八章

巧言

巧言、刺幽王也。大夫傷於讒、故作是詩也。

悠悠昊天、曰父母且、無罪無辜、亂如此憮、昊天已威、予慎無罪、  
 昊天泰憮、予慎無辜、亂之初生、僭始既涵、亂之又生、君子信讒、君子如怒、亂庶遄沮、  
 君子如祉、亂庶遄已、君子履盟、亂是用長、君子信盜、亂是用暴、盜言孔甘、亂是用餓、  
 匪其止共、維王之邛、奕奕寢廟、君子作之、秩秩大猷、聖人莫之、他人有心、予忖度之、  
 躍躍毚兔、遇犬獲之、荏染柔木、君子樹之、往來行言、心焉數之、蛇蛇碩言、出自口矣、  
 巧言如簧、顏之厚矣、彼何人斯、居河之麋、無拳無勇、職爲亂階、既微且嫫、爾勇伊何、

為猶將多、爾居徒幾何  
巧言六章

何人斯

何人斯、蘇公刺暴公也。暴公為王卿士、而譖蘇公焉。故蘇公作是詩以絕之。

彼何人斯、其心孔艱、胡逝我梁、不入我門、伊誰云從、維暴之云  
 二人從行、誰為此禍、胡逝我梁、不入<sup>言</sup>我、始者不如今、云不我可  
 彼何人斯、胡逝我陳、我聞其聲、不見其身、不愧于人、不畏于天  
 彼何人斯、其為飄風、胡不自北、胡不自南、胡逝我梁、祇攪我心  
 爾之安行、亦不遑舍、爾之亟行、遑脂爾車、壹者之來、云何其盱  
 爾還而入、我心易也、還而不入、否難知也、壹者之來、俾我祇也  
 伯氏吹壎、仲氏吹箎、及爾如貫、諒不我知、出此三物、以詛爾斯  
 為鬼為蜮、則不可得、有覩面目、視人罔極、作此好歌、以極反側  
 何人斯八章

巷伯

巷伯、刺幽王也。寺人傷於讒、故作是詩也。

萋兮斐兮、成是貝錦、彼譖人者、亦已大甚  
 哆兮侈兮、成是南箕、彼譖人者、誰適與謀  
 緝緝翩翩、謀欲譖人、慎爾言也、謂爾不信  
 捷捷幡幡、謀欲譖言、豈不爾受、既其女遷  
 驕人好好、勞人艸艸、蒼天蒼天、視彼驕人、矜此勞人  
 彼譖人者、誰適與謀、取彼譖人、投畀豺虎、豺虎不食、投畀有北、  
 有北不受、投畀有昊  
 楊園之道、猗于畝丘、寺人孟子、作為此詩、凡百君子、敬而聽之  
 巷伯七章

# 節南山之什十篇七十九章

---

[souketsu@moroo.com](mailto:souketsu@moroo.com)



# 谷風之什第二十

## 谷風

谷風、刺幽王也。天下俗薄、朋友道絕焉。

習習谷風、維風及雨、將恐將懼、維予與女、將安將樂、女轉棄予  
 習習谷風、維風及頹、將恐將懼、寘予于懷、將安將樂、棄予如遺  
 習習谷風、維山崔嵬、無艸不死、無木不萎、忘我大德、思我小怨  
 谷風三章

## 蓼莪

蓼莪、刺幽王也。民人勞苦、孝子不得終養爾。

蓼蓼者莪、匪莪伊蒿、哀哀父母、生我劬勞  
 蓼蓼者莪、匪莪伊蔚、哀哀父母、生我勞瘁  
 餅之罄矣、維壘之恥、鮮民之生、不如死之久矣、無父何怙、無母何恃、出則銜恤、入則靡至  
 父兮生我、母兮鞠我、拊我畜我、長我育我、顧我復我、出入腹我、欲報之德、昊天罔極  
 南山烈烈、飄風發發、民莫不穀、我獨何害  
 南山律律、飄風弗弗、民莫不穀、我獨不卒  
 蓼莪六章

## 大東

大東、刺亂也。東國困於役、而傷於財、譚大夫是詩、以告病焉。

有饑~~食~~殄、有捋棘~~匕~~、周道如砥、其直如矢、君子所履、小人所視、睠言顧之、潛焉出涕  
 小東大東、杼柚其空、糾糾葛屨、可以履霜、佻佻公子、行彼周行、既往既來、使我心疚

有冽洿泉、無浸穫薪、契契寤歎、哀我憚人、薪是穫薪、尚可載也、  
 哀我憚人、亦可息也  
 東人之子、職勞不來、西人之子、粲粲衣服、舟人之子、熊羆是裘、  
 私人之子、百僚是試  
 或以其酒、不以其漿、韞韞佩璵、不以其長、維天有漢、監亦有光、跂  
 彼織女、終日七襄  
 雖則七襄、不成報章、睨彼牽牛、不以服箱、東有啓明、西有長庚、  
 有掾天畢、載施之行  
 維南有箕、不可以簸揚、維北有斗、不可以挹酒漿、維南有箕、載翕  
 其舌、維北有斗、西柄之揭  
 大東七章

四月

四月、大夫刺幽王也。在位貪殘、下國構禍、怨亂並興焉。

四月維夏、六月徂暑、先祖匪人、胡寧忍予  
 秋日淒淒、百卉具腓、亂離瘼矣、爰其適歸  
 冬日烈烈、飄風發發、民莫不穀、我獨何害  
 山有嘉卉、侯栗侯梅、廢爲殘賊、莫知其尤  
 相彼泉水、載清載濁、我日構禍、曷云能穀  
 滔滔江漢、南國之紀、盡瘁以仕、寧莫我有  
 匪鶉匪鳶、翰飛戾天、匪鱸匪鮪、潛逃于淵  
 山有薇蕨、隰有杞棗、君子作歌、維以告哀  
 四月八章

北山

北山、大夫刺幽王也。役使不均、已勞於從事、而不得養其父母焉。

陟彼北山、言采其杞、偕偕士子、朝夕從事、王事靡盬、憂我父母  
 溥天之下、莫非王土、率土之濱、莫非王臣、大夫不均、我從事獨賢

四牡彭彭、王事傍傍、嘉我未老、鮮我方將、旅力方剛、經營四方  
或燕燕居息、或盡瘁事國、或息偃在牀、或不已于行  
或不知叫號、或慘慘劬勞、或棲遲偃仰、或王事鞅掌  
或湛樂飲酒、或慘慘畏咎、或出入風議、或靡事不爲  
北山六章

無將大車

無將大車、大夫悔將小人也。

無將大車、祇自塵兮、無思百憂、祇自底兮  
無將大車、維塵冥冥、無思百憂、不出于頰  
無將大車、維塵雍兮、無思百憂、祇自重兮  
無將大車三章

小明

小明、大夫悔仕於亂世也。

明明上天、照臨下土、我征徂西、至于芄野、二月初吉、載離寒暑、  
心之憂矣、其毒太苦、念彼其人、涕零如雨、豈不懷歸、畏此罪罟  
昔我往矣、日月方除、曷云其還、歲聿云莫、念我獨兮、我事孔庶、  
心之憂矣、憚我不暇、念彼其人、矍矍懷顧、豈不懷歸、畏此譴怒  
昔我往矣、日月方奧、曷云其還、政事愈蹙、歲聿云莫、采蕭穫菽、  
心之憂矣、自詒伊戚、念彼共人、興言出宿、豈不懷歸、畏此反覆  
嗟爾君子、無恒安處、靖共爾位、正直是與、神之聽之、式穀以女  
嗟爾君子、無恒安息、靖共爾位、好是正直、神之聽之、介爾景福  
小明五章

鼓鐘

鼓鐘、刺幽王也。

鼓鐘將將、淮水湯湯、憂心且傷、淑人君子、懷允不忘  
 鼓鐘<sup>咿咿</sup>、淮水<sup>泔泔</sup>、憂心且悲、淑人君子、其德不回  
 鼓鐘伐鼗、淮有三洲、憂心且妯、淑人君子、其德不猶  
 鼓鐘欽欽、鼓瑟鼓琴、笙磬同音、以雅以南、以籥不僭  
 鼓鐘四章

楚茨

楚茨、刺幽王也。政煩賦重、田萊多荒、饑饉降喪、民卒流亡、祭祀不饗。故君子思古焉。

楚楚者茨、言抽其棘、自昔何爲、我藝黍稷、我黍與與、我稷翼翼、  
 我倉既盈、我庾維億、以爲酒食、以享以祀、以妥以侑、以介景福  
 濟濟跄跄、絜爾牛羊、以往烝嘗、或剥或亨、或肆或將、祝祭于祊、  
 祀事孔明、先祖是皇、神保是饗、孝孫有慶、報以介福、萬壽無疆  
 執爨<sup>踏踏</sup>、爲俎孔碩、或燔或炙、君婦莫莫、爲豆孔庶、爲賓爲客、  
 獻醕交錯、禮儀卒度、笑語卒穫、神保是格、報以介福、萬壽攸酢  
 我孔熯矣、式禮莫愆、工祝致告、徂賚孝孫、苾芬孝祀、神嗜飲食、  
 卜爾百福、如幾如式、既齊既稷、既匡既勅、永錫爾極、時萬時億  
 禮儀既備、鐘鼓既戒、孝孫徂位、工祝致告、神具醉止、皇尸載起、  
 鼓鐘送尸、神保聿歸、諸宰君婦、廢徹不遲、諸父兄弟、備言燕私  
 樂具入奏、以綏後祿、爾<sup>穀</sup>既將、莫怨具慶、既醉既飽、小大稽首、  
 神嗜飲食、使君壽考、孔惠孔時、維其盡之、子子孫孫、勿替引之  
 楚茨六章

信南山

信南山、刺幽王也。不能修成王之業、疆理天下、以奉禹功。故君子思古焉。

信彼南山、維禹甸之、<sup>杳杳</sup>原隰、曾孫田之、我疆我理、南東其<sup>畝</sup>  
 上天同雲、雨雪雰雰、益之以<sup>霖霖</sup>、既優既渥、既霑既足、生我百穀

疆場翼翼、黍稷<sup>彧彧</sup>、曾孫之穡、以爲酒食、畀我尸賓、壽考萬年  
中田有廬、疆場有瓜、是剝是菹、獻是皇祖、曾孫壽考、受天之祜  
祭以清酒、從以騂牡、享于祖考、執其鸞刀、以啓其毛、取其血<sup>膋</sup>  
是烝是享、苾苾芬芬、祀事孔明、先祖是皇、報以介福、萬壽無疆  
信南山六章

谷風之什十篇五十四章

---

[souketsu@moroo.com](mailto:souketsu@moroo.com)

## 甫田之什第二十一

甫田

甫田、刺幽王也。君子傷今而思古焉。

倬彼甫田、歲取十千、我取其陳、食我農人、自古有年、今適南畝、  
或耘或耔、黍稷薿薿、攸介攸止、烝我髦士  
以我齊明、與我犧羊、以社以方、我田既臧、農夫之慶、琴瑟擊鼓、  
以御田祖、以祈甘雨、以介我稷黍、以穀我士女  
曾孫來止、以其婦子、饁彼南畝、田畯至喜、攘其左右、嘗其旨否、禾  
易長畝、終善且有、曾孫不怒、農夫克敏  
曾孫之稼、如茨如梁、曾孫之庾、如坻如京、乃求千斯倉、乃求萬斯  
箱、黍稷稻粱、農夫之慶、報以介福、萬壽無疆  
甫田四章

大田

大田、刺幽王也。言矜寡不能自存焉。

大田多稼、既種既戒、既備乃事、以我覃耜、俶載南畝、播厥百穀、  
既庭且碩、曾孫是若  
既方既皂、既堅既好、不稂不莠、去其螟螣、及其蠹賊、無害我田穡、  
田祖有神、秉畀炎火  
有渰萋萋、興雨祁祁、雨我公田、遂及我私、彼有不穫穧、此有不斂  
穧、彼有遺秉、此有滯穗、伊寡婦之利  
曾孫來止、以其婦子、饁彼南畝、田畯至喜、來方禋祀、以其騂黑、與  
其黍稷、以享以祀、以介景福  
大田四章

瞻彼洛矣

瞻彼洛矣、刺幽王也。思古明王、能爵命諸侯、賞善罰惡焉。

瞻彼洛矣、維水泱泱、君子至止、福祿如茨、韎韐有奭、以作六師  
瞻彼洛矣、維水泱泱、君子至止、韎韐有珌、君子萬年、保其家室  
瞻彼洛矣、維水泱泱、君子至止、福祿既同、君子萬年、保其家邦  
瞻彼洛矣三章

### 裳裳者華

裳裳者華、刺幽王也。古之仕者世祿。小人在位、則讒譖並進。棄賢者之類、絕功臣之世焉。

裳裳者華、其葉湑兮、我覯之子、我心寫兮、我心寫兮、是以有譽處兮

裳裳者華、芸其黃矣、我覯之子、維其有章矣、維其有章矣、是以有慶矣

裳裳者華、或黃或白、我覯之子、乘其四駱、乘其四駱、六轡沃若  
左之左之、君子宜之、右之右之、君子有之、維其有之、是以似之  
裳裳者華四章

### 桑扈

桑扈、刺幽王也。君臣上下、動無禮文焉。

交交桑扈、有鶯其羽、君子樂胥、受天之祜  
交交桑扈、有鶯其領、君子樂胥、萬邦之屏  
之屏之翰、百辟為憲、不戢不難、受福不那  
兕觥其觶、旨酒思柔、彼交匪敖、萬福來求  
桑扈四章

### 鴛鴦

鴛鴦、刺幽王也。思古明王交於萬物有道、自奉養有節焉。

鴛鴦于飛、畢之羅之、君子萬年、福祿宜之  
 鴛鴦在梁、戢其左翼、君子萬年、宜其遐福  
 乘馬在廐、摧之秣之、君子萬年、福祿艾之  
 乘馬在廐、秣之摧之、君子萬年、福祿綏之  
 鴛鴦四章

## 類弁

類弁、諸公刺幽王也。暴戾無親、不能宴樂同姓、親睦九族、孤危將亡。故作是詩也。

有類者弁、實維伊何、爾酒既旨、爾殽既嘉、豈伊異人、兄弟匪他、  
 蔦與女蘿、施于松柏、未見君子、憂心奕奕、既見君子、庶幾說懌  
 有類者弁、實維何期、爾酒既旨、爾殽既時、豈伊異人、兄弟具來、  
 蔦與女蘿、施于松上、未見君子、憂心忼忼、既見君子、庶幾有臧  
 有類者弁、實維在首、爾酒既旨、爾殽既阜、豈伊異人、兄弟甥舅、  
 如彼雨雪、先集維霰、死喪無日、無幾相見、樂酒今夕、君子維宴  
 類弁三章

## 車牽

車牽、大夫刺幽王也。褒姒嫉妒、無道並進。讒巧敗國、德澤不加於民。周人思得賢女以配君子。故作是詩也。

間關車之牽兮、思變季女逝兮、匪飢匪渴、德音來括、雖無好友、式燕且喜

依彼平林、有集維鷓、辰彼碩女、令德來教、式燕且譽、好爾無射  
 雖無旨酒、式飲庶幾、雖無嘉殽、式食庶幾、雖無德與女、式歌且舞  
 陟彼高岡、析其柞薪、析其柞薪、其葉湑兮、鮮我覯爾、我心寫兮  
 高山仰止、景行行止、四牡騤騤、六轡如琴、覯爾新昏、以慰我心  
 車牽五章



## 青蠅

青蠅、大夫刺幽王也。

營營青蠅、止于樊、豈弟君子、無信讒言  
 營營青蠅、止于棘、讒人罔極、交亂四國  
 營營青蠅、止于榛、讒人罔極、構我二人  
 青蠅三章

## 賓之初筵

賓之初筵、衛武公刺時也。幽王荒廢、嬖近小人、飲酒無度、天下化之、君臣上下、沈湎淫液。武公既入。而作是詩也。

賓之初筵、左右秩秩、籩豆有楚、殽核維旅、酒既和旨、飲酒孔偕、  
 鐘鼓既設、舉醕逸逸、大侯既抗、弓矢斯張、射夫既同、獻爾發功、  
 發彼有的、以斯爾爵  
 籥舞笙鼓、樂既和奏、烝衎烈祖、以洽百禮、百禮既至、有壬有林、  
 錫爾純嘏、子孫其湛、其湛曰樂、各奏爾能、賓載手仇、室人入又、  
 酌彼康爵、以奏爾時  
 賓之初筵、温温其恭、其未醉止、威儀反反、曰既醉止、威儀幡幡、  
 舍其坐遷、屢舞僂僂、其未醉止、威儀抑抑、曰既醉止、威儀怳怳、是  
 曰既醉、不知其秩

賓既醉止、載號載呶、亂我籩豆、屢舞僛僛、是曰既醉、不知其郵、  
 側弁之俄、屢舞傴傴、既醉而出、並受其福、醉而不出、是謂伐德、飲  
 酒孔嘉、維其令儀

凡此飲酒、或醉或否、既立之監、或佐之史、彼醉不臧、不醉反耻、  
 式勿從謂、無俾太怠、匪言勿言、匪由勿語、由醉之言、俾出童羖、  
 三爵不識、矧敢多又

賓之初筵五章

## 甫田之什十篇三十九章

[souketsu@moroo.com](mailto:souketsu@moroo.com)

# 魚藻之什第二十二

## 魚藻

魚藻、刺幽王也。言萬物失其性。王居鎬京、將不能以自樂。故君子思古之武王焉。

魚在在藻、有頡其首、王在在鎬、豈樂飲酒  
魚在在藻、有莘其尾、王在在鎬、飲酒樂豈  
魚在在藻、依于其蒲、王在在鎬、有那其居  
魚藻三章

## 采菽

采菽、刺幽王也。侮慢諸侯。諸侯來朝、不能錫命以禮、數徵會之、而無信義、君子見微而思古焉。

采菽采菽、筐之筥之、君子來朝、何錫予之、雖無予之、路車乘馬、又何予之、玄衮及黼  
觴沸檻泉、言采其芹、君子來朝、言觀其旂、其旂鼎鼎、鸞聲嘒嘒、載驂載駟、君子所屆  
赤芾在股、邪幅在下、彼交匪紓、天子所予、樂只君子、天子命之、樂只君子、福祿申之  
維柞之枝、其葉蓬蓬、樂只君子、殿天子之邦、樂只君子、萬福攸同、平平左右、亦是率從  
汎汎楊舟、緝纜維之、樂只君子、天子葵之、樂只君子、福祿臚之、優哉游哉、亦是戾矣  
采菽五章

## 角弓

角弓、父兄刺幽王也。不親九族、而好讒佞、骨肉相怨。故作是詩也。

駢駢角弓、翩其反矣、兄弟昏姻、無胥遠矣  
 爾之遠矣、民胥然矣、爾之教矣、民胥傲矣  
 此令兄弟、綽綽有裕、不令兄弟、交相爲瘡  
 民之無良、相怨一方、受爵不讓、至于已斯亡  
 老馬反爲駒、不顧其後、如食宜飶、如酌孔取  
 母教孫升木、如塗塗附、君子有徽猷、小人與屬  
 雨雪漉漉、見睍日消、莫肯下遺、式居婁驕  
 雨雪浮浮、見睍日流、如蠻如髦、我是用憂  
 角弓八章

## 苑柳

苑柳、刺幽王也。暴虐無親、而刑罰不中、諸侯皆不欲朝。言王者之不可朝事也。

有苑者柳、不尚息焉、上帝甚蹈、無自暱焉、俾予靖之、後予極焉  
 有苑者柳、不尚愒焉、上帝甚蹈、無自療焉、俾予靖之、後予邁焉  
 有鳥高飛、亦傳于天、彼人之心、于何其臻、曷予靖之、居以凶矜  
 苑柳三章

## 都人士

都人士、周人刺衣服無常也。古者長民、衣服貳、從容有常、以齊其民、則民德歸壹。傷今不復見古人也。

彼都人士、狐裘黃黃、其容不改、出言有章、行歸于周、萬民所望  
 彼都人士、臺笠緇撮、彼君子女、綢直如髮、我不見兮、我心不說  
 彼都人士、充耳琇實、彼君子女、謂之尹吉、我不見兮、我心菀結  
 彼都人士、垂帶而厲、彼君子女、卷髮如蠶、我不見兮、言從之邁  
 匪伊垂之、帶則有餘、匪伊卷之、髮則有蠶、我不見兮、云何吁矣  
 都人士五章

## 采綠

采綠、刺怨曠也。幽王之時、多怨曠者也。

終朝采綠、不盈一掬、予髮曲局、薄言歸沐  
終朝采綠、不盈一檐、五日爲期、六日不詹  
之子于狩、言韞其弓、之子于釣、言綸之繩  
其釣維何、維魴及鱖、維魴及鱖、薄言觀者  
采綠四章

## 黍苗

黍苗、刺幽王也。不能膏潤天下、卿士不能行召伯之職焉。

芄芄黍苗、陰雨膏之、悠悠南行、召伯勞之  
我任我輦、我車我牛、我行既集、蓋云歸哉  
我徒我御、我師我旅、我行既集、蓋云歸處  
肅肅謝功、召伯營之、烈烈征師、召伯成之  
原隰既平、泉流既清、召伯有成、王心則寧  
黍苗五章

## 隰桑

隰桑、刺幽王也。小人在位、君子在野。思見君子、盡心以事之。

隰桑有阿、其葉有難、既見君子、其樂如何  
隰桑有阿、其葉有沃、既見君子、云何不樂  
隰桑有阿、其葉有幽、既見君子、德音孔膠  
心乎愛矣、遐不謂矣、中心藏之、何日忘之  
隰桑四章

白華、周人刺幽后也。幽王取申女以爲后。又得褒姒、而黜申后。故下國化之、以妾爲妻、以孽代宗、而王弗能治。周人爲之作是詩也。

白華菅兮、白茅束兮、之子之遠、俾我獨兮 英英白雲、露彼菅茅、天步艱難、之子不猶 滌池北流、浸彼稻田、嘯歌傷懷、念彼碩人 樵彼桑薪、卬烘于熉、維彼碩人、實勞我心 鼓鐘于宮、聲聞于外、念子懞懞、視我邁邁 有鷺在梁、有鶴在林、維彼碩人、實勞我心 鴛鴦在梁、戢其左翼、之子無良、二三其德 有扁斯石、履之卑兮、之子之遠、俾我底兮

### 縣蠻

縣蠻、微臣刺亂也。大臣不用仁心、遺忘微賤、不肯飲食教載之。故作是詩也。

縣蠻黃鳥、止于丘阿、道之云遠、我勞如何、飲之食之、教之誨之、命彼後車、謂之載之  
 縣蠻黃鳥、止于丘隅、豈敢憚行、畏不能趨、飲之食之、教之誨之、命彼後車、謂之載之  
 縣蠻黃鳥、止于丘側、豈敢憚行、畏不能極、飲之食之、教之誨之、命彼後車、謂之載之  
 縣蠻三章

### 瓠葉

瓠葉、大夫刺幽王也。上棄禮而不能行。雖有牲牢饗餼、不肯用也。故思古之人、不以微薄廢禮焉。

幡幡瓠葉、采之亨之、君子有酒、酌言嘗之  
 有兔斯首、炮之燔之、君子有酒、酌言獻之  
 有兔斯首、燔之炙之、君子有酒、酌言酢之  
 有兔斯首、燔之炮之、君子有酒、酌言醕之  
 瓠葉四章

### 漸漸之石

漸漸之石、下國刺幽王也。戎狄叛之、荆舒不至、乃命將率東征、役久病在外。故作是詩也。

漸漸之石、維其高矣、山川悠遠、維其勞矣、武人東征、不皇朝矣  
漸漸之石、維其卒矣、山川悠遠、曷其没矣、武人東征、不皇出矣  
有豕白蹄、烝涉波矣、月離于畢、俾滂沱矣、武人東征、不皇他矣  
漸漸之石三章

### 苕之華

苕之華、大夫閔時也。幽王之時、西戎東夷、交侵中國。師旅並起、因之以饑饉。君子閔周室之將亡、傷已逢之。故作是詩也。

苕之華、芸其黃矣、心之憂矣、維其傷矣  
苕之華、其葉青青、知我如此、不如無生  
牂羊墳首、三星在罍、人可以食、鮮可以飽  
苕之華三章

### 何艸不黃

何艸不黃、下國刺幽王也。四夷交侵、中國背叛。用兵不息、視民如禽獸。君子憂之、故作是詩也。

何艸不黃、何日不行、何人不將、經營四方  
何艸不玄、何人不矜、哀我征夫、獨爲匪民  
匪兕匪虎、率彼曠野、哀我征夫、朝夕不暇  
有芄有狐、率彼幽艸、有棧之車、行彼周道  
何艸不黃四章

### 魚藻之什十四篇六十二章

# 大雅 文王之什第二十三

文王

文王、文王受命作周也。

文王在上、於昭于天、周雖舊邦、其命維新、有周不顯、帝命不時、  
文王陟降、在帝左右

嘒嘒文王、令聞不已、陳錫哉周、侯文王孫子、文王孫子、本支百  
世、凡周之士、不顯亦世

世之不顯、厥猶翼翼、思皇多士、生此王國、王國克生、維周之禎、  
濟濟多士、文王以寧

穆穆文王、於緝熙敬止、假哉天命、有商孫子、商之孫子、其麗不  
億、上帝既命、侯于周服

侯服于周、天命靡常、殷士膚敏、裸將于京、厥作裸將、常服黼<sup>冔</sup>、  
王之蠶臣、無念爾祖

無念爾祖、聿脩厥德、永言配命、自求多福、殷之未喪師、克配上  
帝、宜鑒于殷、駿命不易

命之不易、無遏爾躬、宣昭義問、有虞殷自天、上天之載、無聲無  
臭、儀刑文王、萬邦作孚

文王七章

大明

大明、文王有明德、故天復命武王也。

明明在下、赫赫在上、天難忱斯、不易維王、天位殷適、使不挾四方  
摯仲氏任、自彼殷商、來嫁于周、曰嬪于京、乃及王季、維德之行

大任有身、生此文王、維此文王、小心翼翼、昭事上帝、聿懷多福、  
厥德不回、以受方國

天監在下、有命既集、文王初載、天作之合、在洽之陽、在渭之涘  
文王嘉止、大邦有子、大邦有子、倪天之妹、文定厥祥、親迎于渭、



造舟爲梁、不顯其光  
 有命自天、命此文王、于周于京、纘女維莘、長子維行、篤生武王、  
 保右命爾、變伐大商  
 殷商之旅、其會如林、矢于牧野、維予侯興、上帝臨女、無貳爾心  
 牧野洋洋、檀車煌煌、駟騶彭彭、維師尚父、時維鷹揚、涼彼武王、  
 肆伐大商、會朝清明  
 大明八章

縣

縣、文王之興、本由大王也。

縣縣瓜瓞、民之初生、自土沮漆、古公亶父、陶復陶穴、未有家室  
 古公亶父、來朝走馬、率西水滸、至于岐下、爰及姜女、聿來胥宇  
 周原膴膴、董荼如飴、爰始爰謀、爰契我龜、曰止曰時、築室宇茲  
 迺慰迺止、迺左迺右、迺疆迺理、迺宣迺畝、自西徂東、周爰執事  
 乃召司空、乃召司徒、俾立室家、其繩則直、縮版以載、作廟翼翼  
 揀之隤隤、度之薨薨、築之登登、削屨馮馮、百堵皆興、鼙鼓弗勝  
 迺立臯門、臯門有伉、迺立應門、應門將將、迺立冢土、戎醜攸行  
 肆不殄厥愠、亦不隕厥問、柞棫拔矣、行道兌矣、混夷駉矣、維其喙  
 矣  
 虞芮質厥成、文王蹶厥生、予曰有疏附、予曰有先後、予曰有奔奏、  
 予曰有禦侮  
 縣九章

棧樸

棧樸、文王能官人也。

芄芄棧樸、薪之樵之、濟濟辟王、左右趣之  
 濟濟辟王、左右奉璋、奉璋峨峨、髦士攸宜  
 滌彼涇舟、烝徒楫之、周王于邁、六師及之

倬彼雲漢、爲章于天、周王壽考、遐不作人  
追琢其章、金玉其相、勉勉我王、綱紀四方  
棧樸五章

旱麓

旱麓、受祖也。周之先祖、世脩后稷公劉之業。大王王季、申以百福干祿焉。

瞻彼旱麓、榛楛濟濟、豈弟君子、干祿豈弟  
瑟彼玉瓚、黃流在中、豈弟君子、福祿攸降  
鳶飛戾天、魚躍于淵、豈弟君子、遐不作人  
清酒既載、駢牡既備、以享以祀、以介景福  
瑟彼柞棫、民所燎矣、豈弟君子、神所勞矣  
莫莫葛藟、施于條枚、豈弟君子、求福不回  
旱麓六章

思齊

思齊、文王所以聖也。

思齊大任、文王之母、思媚周姜、京室之婦、大姒嗣徽音、則百斯男  
惠于宗公、神罔時怨、神罔時恫、刑于寡妻、至于兄弟、以御于家邦  
雝雝在宮、肅肅在廟、不顯亦臨、無射亦保、肆戎疾不殄、烈假不瑕  
不聞亦式、不諫亦入、肆成人有德、小子有造、古之人無斃、譽髦斯  
士  
思齊四章

皇矣

皇矣、美周也、天監代殷、莫若周。周世世脩德、莫若文王。

皇矣上帝、臨下有赫、監觀四方、求民之莫、維此二國、其政不獲、

維彼四國、爰究爰度、上帝耆之、憎其式廓、乃眷西顧、此維與宅  
 作之屏之、其菑其翳、脩之平之、其灌其<sup>榑</sup>、啓之辟之、其<sup>榑</sup>其<sup>榑</sup>、  
 攘之剔之、其<sup>榑</sup>其<sup>榑</sup>、帝遷明德、串夷載路、天立厥配、受命既固  
 帝省其山、柞<sup>榑</sup>斯拔、松柏斯兌、帝作邦作對、自大伯王季、維此王  
 季、因心則友、則友其兄、則篤其慶、載錫之光、受祿無喪、奄有四  
 方

維此王季、帝度其心、貊其德音、其德克明、克明克類、克長克君、  
 王此大邦、克順克比、比于文王、其德靡悔、既受帝祉、施于孫子  
 帝謂文王、無然畔援、無然歆羨、誕先登于岸、密人不恭、敢距大  
 邦、侵阮徂共、王赫斯怒、爰整其旅、以按徂旅、以篤于周祜、以對  
 于天下

依其在京、侵自阮疆、陟我高岡、無矢我陵、我陵我阿、無飲我泉、  
 我泉我池、度其鮮原、居岐之陽、在渭之將、萬邦之方、下民之王  
 帝謂文王、予懷明德、不大聲以色、不長夏以革、不識不知、順帝之  
 則、帝謂文王、詢爾仇方、同爾兄弟、以爾鈎援、與爾臨衝、以伐崇  
 墉  
 臨衝閑閑、崇墉言言、執訊連連、攸馘安安、是類是禡、是致是附、  
 四方以無侮、臨衝<sup>茀茀</sup>、崇墉<sup>屹屹</sup>、是伐是肆、是絕是忽、四方以無拂  
 皇矣八章

## 靈臺

靈臺、民始附也。文王受命、而民樂其有靈德、以及鳥獸昆蟲焉。

經始靈臺、經之營之、庶民攻之、不日成之  
 經始勿亟、庶民子來、王在靈囿、麀鹿攸伏  
 麀鹿濯濯、白鳥<sup>嚶嚶</sup>、王在靈沼、於<sup>魚</sup>躍  
 虞業維樅、賁鼓維鏞、於論鼓鐘、於樂辟廱  
 於論鼓鐘、於樂辟廱、鼉鼓逢逢、矇<sup>瞍</sup>奏公  
 靈臺五章

## 下武

下武、繼文也。武王有聖德、復受天命、能昭先人之功焉。

下武維周、	世有哲王、	三后在天、	王配于京
王配于京、	世德作求、	永言配命、	成王之孚
成王之孚、	下土之式、	永言孝思、	孝思維則
媚茲一人、	應侯順德、	永言孝思、	昭哉嗣服
昭茲來許、	繩其祖武、	於萬斯年、	受天之祜
受天之祜、	四方來賀、	於萬斯年、	不遐有佐

下武六章

文王有聲

文王有聲、繼伐也。武王能廣文王之聲、卒其伐功也。

文王有聲、	適駿有聲、	適求厥寧、	適觀厥成、	文王烝哉
文王受命、	有此武功、	既伐于崇、	作邑于豐、	文王烝哉
築城伊瀆、	作豐伊匹、	匪棘其欲、	適追來孝、	王后烝哉
王公伊濯、	維豐之垣、	四方攸同、	王后維翰、	王后烝哉
豐水東注、	維禹之績、	四方攸同、	皇王維辟、	皇王烝哉
鎬京辟廱、	自西自東、	自南自北、	無思不服、	皇王烝哉
考卜維王、	宅是鎬京、	維龜正之、	武王成之、	武王烝哉
豐水有芑、	武王豈不仕、	詒厥孫謀、	以燕翼子、	武王烝哉

文王有聲八章

文王之什十篇六十六章

[soketsu@moroo.com](http://soketsu@moroo.com)

## 生民之什第二十四

生民

生民、尊祖也。后稷生於姜嫄。文武之功、起於后稷。故推以配天焉。

厥初生民、時維姜嫄、生民如何、克禋克祀、以弗無子、履帝武敏、歆攸介攸止、載震載夙、載生載育、時維后稷  
 誕彌厥月、先生如達、不坼不副、無菑無害、以赫厥靈、上帝不寧、不康禋祀、居然生子

誕寘之隘巷、牛羊腓字之、誕寘之平林、會伐平林、誕寘之寒冰、鳥覆翼之、鳥之去矣、后稷呱矣

實覃實訏、厥聲載路、誕實匍匐、克岐克嶷、以就口食、蓺之荏菹、荏菹旆旆、禾役穉穉、麻麥幪幪、瓜瓞唼唼

誕后稷之穡、有相之道、萁厥豐艸、種之黃茂、實方實苞、實種實穊、實發實秀、實堅實好、實穎實栗、即有郇家室

誕降嘉種、維秬維秠、維糜維芑、恒之秬秠、是穫是畝、恒之糜芑、是任是負、以歸肇祀

誕我祀如何、或舂或揄、或簸或蹂、釋之叟叟、烝之浮浮、載謀載惟、取蕭祭脂、取羝以軋、載燔載烈、以興嗣歲

卬盛于豆、于豆于登、其香始升、上帝居歆、胡臭亶時、后稷肇祀、庶無罪悔、以迄于今

生民八章

行葦

行葦、忠厚也。周家忠厚、仁及艸木。故能內睦九族、外尊事黃耆、養老乞言、以成其福祿焉。

敦彼行葦、牛羊勿踐履、方苞方體、維葉泥泥  
 戚戚兄弟、莫遠具爾、或肆之筵、或授之几

肆筵設席、授几有緝御、或獻或酢、洗爵奠<sup>斝</sup>  
 醢醢以薦、或燔或炙、嘉<sup>穀</sup>脾<sup>臄</sup>、或歌或嘏  
 敦弓既堅、四<sup>鍤</sup>既鈞、舍矢既均、序賓以賢  
 敦弓既句、既挾四<sup>鍤</sup>、四<sup>鍤</sup>如樹、序賓以不侮  
 曾孫維主、酒醴維<sup>醑</sup>、酌以大斗、以祈黃<sup>耇</sup>  
 黃<sup>耇</sup>台背、以引以翼、壽考維祺、以介景福  
 行葦八章

既醉

既醉、太平也、醉酒飽德、人有士君子之行焉。

既醉以酒、既飽以德、君子萬年、介爾景福  
 既醉以酒、爾<sup>穀</sup>既將、君子萬年、介爾昭明  
 昭明有融、高朗令終、令終有俶、公尸嘉告  
 其告維何、籩豆靜嘉、朋友攸攝、攝以威儀  
 威儀孔時、君子有孝子、孝子不匱、永錫爾<sup>類</sup>  
 其<sup>類</sup>維何、室家之壺、君子萬年、永錫祚胤  
 其胤維何、天被爾祿、君子萬年、景命有僕  
 其僕維何、釐爾女士、釐爾女士、從以孫子  
 既醉八章

鳧鷖

鳧鷖、守成也。太平之君子、能持盈守成、神祇祖考、安樂之也

鳧鷖在涇、公尸來燕來寧、爾酒既清、爾<sup>穀</sup>既馨、公尸燕飲、福祿來成  
 鳧鷖在沙、公尸來燕來宜、爾酒既多、爾<sup>穀</sup>既嘉、公尸燕飲、福祿來  
 爲  
 鳧鷖在渚、公尸來燕來處、爾酒既湑、爾<sup>穀</sup>伊脯、公尸燕飲、福祿來下  
 鳧鷖在濼、公尸來燕來宗、既燕于宗、福祿攸降、公尸燕飲、福祿來  
 崇

鳧鷖在甕、公尸來止熏熏、旨酒欣欣、燔炙芬芬、公尸燕飲、無有後  
艱  
鳧鷖五章

假樂

假樂、嘉成王也。

假樂君子、顯顯令德、宜民宜人、受祿于天、保右命之、自天申之  
千祿百福、子孫千億、穆穆皇皇、宜君宜王、不愆不忘、率由舊章  
威儀抑抑、德音秩秩、無怨無惡、率由羣匹、受福無疆、四方之綱  
之綱之紀、燕及朋友、百辟卿士、媚于天子、不解于位、民之攸暨  
假樂四章

公劉

公劉、召康公戒成王也。成王將蒞政、戒以民事、美公劉之厚於民、  
而獻是詩也。

篤公劉、匪居匪康、迺場迺疆、迺績迺倉、迺裹餼糧、于橐于囊、思  
輯用光、弓矢斯張、干戈戚揚、爰方啓行  
篤公劉、于胥斯原、既庶既繁、既順迺宣、而無永嘆、陟則在巘、復  
降在原、何以舟之、維玉及瑤、鞞其去容刀  
篤公劉、逝彼百泉、瞻彼溇原、迺陟南岡、乃覲于京、京師之野、于  
時處處、于時廬旅、于時言言、于時語語  
篤公劉、于京斯依、蹇蹇濟濟、俾筵俾几、既登乃依、乃造其曹、執  
豕于牢、酌之用匏、食之飲之、君之宗之  
篤公劉、既溥既長、既景迺岡、相其陰陽、觀其流泉、其軍三單、度  
其隰原、徹田爲糧、度其夕陽、豳居允荒  
篤公劉、于豳斯館、涉渭爲亂、取厲取鍛、止基迺理、爰衆爰有、來  
其皇澗、溯其過澗、止旅迺密、芮鞠之即  
公劉六章

# 洞酌

洞酌、召康公戒成王也。言皇天親有德、饗有道也。

洞酌彼行潦、挹彼注茲、可以饒饔、豈弟君子、民之父母  
 洞酌彼行潦、挹彼注茲、可以濯壘、豈弟君子、民之攸歸  
 洞酌彼行潦、挹彼注茲、可以濯漑、豈弟君子、民之攸暨  
 洞酌三章

# 卷阿

卷阿、召康公戒成王也。言求賢用吉士也。

有卷者阿、飄風自南、豈弟君子、來游來歌、以矢其音  
 伴奂爾游矣、優游爾休矣、豈弟君子、俾爾彌爾性、似先公酋矣  
 爾土于畷章、亦孔之厚矣、豈弟君子、俾爾彌爾性、百神爾主矣  
 爾受命長矣、萑祿爾康矣、豈弟君子、俾爾彌爾性、純嘏爾常矣  
 有馮有翼、有孝有德、以引以翼、豈弟君子、四方爲則  
 颯颯其風、如圭如璋、令聞令望、豈弟君子、四方爲綱  
 鳳凰于飛、翯翯其羽、亦集爰止、藹藹王多吉士、維君子使、媚于天子  
 鳳凰于飛、翯翯其羽、亦傳于天、藹藹王多吉人、維君子命、媚于庶人  
 鳳凰鳴矣、于彼高岡、梧桐生矣、于彼朝陽、萋萋萋萋、雝雝喈喈  
 君子之車、既庶且多、君子之馬、既閑且馳、矢詩不多、維以遂歌  
 卷阿十章

# 民勞

民勞、召穆公刺厲王也。

民亦勞止、汙可小康、惠此中國、以綏四方、無縱詭隨、以謹無良、



式遏寇虐、 <sup>懔</sup> 懔不畏明、柔遠能邇、以定我王	無縱詭隨、以謹懔懔、式
民亦勞止、汙可小休、惠此中國、以爲民逖、	
式遏寇虐、無俾民憂、無棄爾勞、以爲王休	
民亦勞止、汙可小息、惠此京師、以綏四國、	無縱詭隨、以謹罔極、
式遏寇虐、無俾作慝、敬慎威儀、以近有德	
民亦勞止、汙可小愒、惠此中國、俾民憂泄、	無縱詭隨、以謹醜厲、式
式遏寇虐、無俾正敗、戎雖小子、而式弘大	
民亦勞止、汙可小安、惠此中國、國無有殘、	無縱詭隨、以謹繿繿、
式遏寇虐、無俾正反、王欲玉女、是以大諫	
民勞五章	

板

板、凡伯刺厲王也。

上帝板板、下民卒瘁、出話不然、爲猶不遠、靡聖管管、不實於亶、	
猶之未遠、是以大諫	
天之方難、無然憲憲、天之方蹶、無然泄泄、辭之輯矣、民之洽矣、	
辭之懌矣、民之莫矣	
我雖異事、及爾同寮、我即爾謀、聽我囂囂、我言維服、勿以爲笑、	
先民有言、詢于芻蕘	
天之方虐、無然謔謔、老夫灌灌、小子蹻蹻、匪我言耄、爾用憂譖、	
多將熇熇、不可救藥	
天之方懔、無爲夸毘、威儀卒迷、善人載尸、民之方殿屎、則莫我敢	
葵、喪亂蔑資、曾莫惠我師	
天之牖民、如堦如籥、如璋如圭、如取如攜、攜無曰益、牖民孔易、民	
之多辟、無自立辟	
价人維藩、大師維垣、大邦維屏、大宗維翰、懷德維寧、宗子維城、	
無俾城壞、無獨斯畏	
敬天之怒、無敢戲豫、敬天之渝、無敢馳驅、昊天曰明、及爾出王、	
昊天曰旦、及爾游衍	

# 板八章

## 生民之什十篇六十五章

---

[souketsu@moroo.com](mailto:souketsu@moroo.com)

## 蕩之什第二十五

蕩

蕩、召穆公傷周室大壞也。厲王無道、天下蕩蕩、無綱紀文章。故作是土也。

蕩蕩上帝、下民之辟、疾威上帝、其命多辟、天生烝民、其命匪諶、  
靡不有初、鮮克有終  
文王曰咨、咨女殷商、曾是彊禦、曾是掊克、曾是在位、曾是在服、  
天降滔德、女興是力  
文王曰咨、咨女殷商、而秉義類、彊禦多愆、流言以對、寇攘式內、  
侯作侯祝、靡屆靡究  
文王曰咨、咨女殷商、女炁然于中國、歛怨以德、不明爾德、時無背  
無側、爾德不明、以無陪無卿  
文王曰咨、咨女殷商、天不洎爾以酒、不義從式、既愆爾止、靡明靡  
晦、式號式呼、俾晝作夜  
文王曰咨、咨女殷商、如蜩如蟴、如沸如羹、小大近喪、人尚乎由、  
行內<sup>興</sup>于中國、覃及鬼方  
文王曰咨、咨女殷商、匪上帝不時、殷不用舊、雖無老成人、尚有典  
刑、曾是莫聽、大命以傾  
文王曰咨、咨女殷商、人亦有言、顛沛之揭、枝葉未有害、本實先  
撥、殷鑒不遠、在夏后之世  
蕩八章

抑

抑、衛武公刺厲王、亦以自警也。

抑抑威儀、維德之隅、人亦有言、靡哲不愚、庶人之愚、亦職維疾、  
哲人之愚、亦維斯戾  
無競維人、四方其訓之、有覺德行、四國順之、訏謨定命、遠猶辰

告、敬慎威儀、維民之則

具在于今、興迷亂于政、顛覆厥德、荒湛于酒、女雖湛樂從、弗念厥紹、罔敷求先王、克共明刑

肆皇天弗尚、如彼泉流、無淪胥以亡、夙興夜寐、洒掃廷內、維民之章、修爾車馬、弓矢戎兵、用戒戎作、用邊蠻方

質爾人民、謹爾侯度、用戒不虞、慎爾出話、敬爾威儀、無不柔嘉、自圭之玷、尚可磨也、斯言之玷、不可爲也

無易由言、無曰苟矣、莫捫朕舌、言不可逝矣、無言不讎、無德不報、惠于朋友、庶民小子、子孫繩繩、萬民靡不承

視爾友君子、輯柔爾顏、不遐有愆、相在爾室、尚不愧于屋漏、無曰不顯、莫予云覯、神之格思、不可度思、矧可射思

辟爾爲德、俾臧俾嘉、淑慎爾止、不愆于儀、不僭不賊、鮮不爲則、投我以桃、報之以李、我童而角、實虹小子

荏染柔木、言緡之絲、温温恭人、維德之基、其維哲人、告之話言、順德之行、其維愚人、覆謂我僭、民各有心

於乎小子、未知臧否、匪手攜之、言示之事、匪面命之、言提其耳、借曰未知、亦既抱子、民之靡盈、誰夙知而莫成

昊天孔昭、我生靡樂、祝爾夢夢、我心慘慘、誨爾諄諄、聽我藐藐、匪用爲教、覆用爲虐、借曰未知、亦聿既耄

於乎小子、告爾舊止、聽用我謀、庶無大悔、天方艱難、曰喪厥國、取譬不遠、昊天不忒、回遹其德、俾民大棘

抑十二章

桑柔

桑柔、芮伯刺厲王也。

菀彼桑柔、其下侯甸、捋采其劉、瘳此下民、不殄心憂、倉兄填兮、倬彼昊天、寧不我矜

四牡騤騤、旃旃有翩、亂生不夷、靡國不泯、民靡有黎、具禍以燼、於乎有哀、國步斯頻

國步蔑資、天不我將、靡所止疑、云徂何往、君子實維、秉心無競、

誰生厲階、至今爲梗  
 憂心愬愬、念我土宇、我生不辰、逢天憚怒、自西徂東、靡所定處、  
 多我覲瘠、孔棘我圉  
 爲謀爲毖、亂況斯削、告爾憂恤、誨爾序爵、誰能執熱、逝不以濯、  
 其何能淑、載胥及溺  
 如彼逆風、亦孔之僂、民有肅心、苒云不逮、好是稼穡、力民代食、  
 稼穡維寶、代食維好  
 天降喪亂、滅我立王、降此蠹賊、稼穡卒痒、哀恫中國、具贅卒荒、  
 靡有旅力、以念穹蒼  
 維此惠君、民之所瞻、秉心宣猶、考慎其相、維彼不順、自獨俾臧、  
 自有肺腸、俾民卒狂  
 瞻彼中林、甡甡其鹿、朋友已譖、不胥以穀、人亦有言、進退維谷  
 維此聖人、瞻言百里、維彼愚人、覆狂以喜、匪言不能、胡斯畏忌  
 維此良人、弗求弗迪、維彼忍心、是顧是復、民之貪亂、寧爲荼毒  
 大風有隧、有空大谷、維此良人、作爲式穀、維彼不順、征以中垢  
 大風有隧、貪人敗類、聽言則對、誦言如醉、匪用其良、覆俾我悖  
 嗟爾朋友、予豈不知而作、如彼飛蟲、時亦弋獲、既之陰女、反予來  
 赫  
 民之罔極、職涼善背、爲民不利、如云不克、民之回遹、職競用力  
 民之未戾、職盜爲寇、涼曰不可、覆背善詈、雖曰匪予、既作爾歌  
 桑柔十六章

## 雲漢

雲漢、仍叔美宣王也。宣王承厲王之烈、內有撥亂之志。遇釁而懼、側身脩行、欲銷去之。天下喜於化復行、百姓見憂、故作是詩也。

倬彼雲漢、昭回于天、王曰於乎、何辜今之人、天降喪亂、饑饉薦臻、靡神不舉、靡愛斯牲、圭璧既卒、寧莫我聽  
 旱既大甚、蘊隆蟲蟲、不殄禋祀、自郊徂宮、上下奠瘞、靡神不宗、后稷不克、上帝不臨、耗斁下土、寧丁我躬

旱既大甚、則不可推、兢兢業業、如霆如雷、周餘黎民、靡有子遺、  
 昊天上帝、則不我遺、胡不相畏、先祖于催  
 旱既大甚、則不可沮、赫赫炎炎、云我無所、大命近止、靡瞻靡顧、  
 羣公先正、則不我助、父母先祖、胡寧忍予  
 旱既大甚、滌滌山川、旱魃爲虐、如憐如焚、我心憚暑、憂心如薰、  
 羣公先正、則不我聞、昊天上帝、寧俾我遯  
 旱既大甚、黽勉畏去、胡寧瘖我以旱、慙不知其故、祈年孔夙、方社  
 不莫、昊天上帝、則不我虞、敬恭明神、宜無悔怒  
 旱既大甚、散無友紀、鞫哉庶正、疚哉冢宰、趣馬師氏、膳夫左右、  
 靡人不周、無不能止、瞻卬昊天、云如何里  
 瞻卬昊天、有嘒其星、大夫君子、昭假無贏、大命近止、無棄爾成、  
 何求爲我、以戾庶正、瞻卬昊天、曷惠其寧  
 雲漢八章

## 崧高

崧高、尹吉甫美宣王也。天下復平、能建國親諸侯褒賞申伯焉。

崧高維嶽、駿極于天、維嶽降神、生甫及申、維申及甫、維周之翰、  
 四國于蕃、四方于宣  
 賚賚申伯、王纘之事、于邑于謝、南國是式、王命召伯、定申伯之宅、  
 登是南邦、世執其功  
 王命申伯、式是南邦、因是謝人、以作爾庸、王命召伯、徹申伯土  
 田、王命傅御、遷其私人  
 申伯之功、召伯是營、有俶其城、寢廟既成、既成藐藐、王錫申伯、  
 四牡躑躑、鉤膺濯濯  
 王遣申伯、路車乘馬、我圖爾居、莫如南土、錫爾介圭、以作爾寶、  
 往近王舅、南土是保  
 申伯信邁、王餞于郟、申伯還南、謝于誠歸、王命召伯、徹申伯土  
 疆、以峙其糗、式遄其行  
 申伯番番、既入于謝、徒御嘽嘽、周邦咸喜、戎有良翰、不顯申伯、

王之元舅、文武是憲  
 申伯之德、柔惠且直、揉此萬邦、聞于四國、吉甫作誦、其詩孔碩、  
 其風肆好、以贈申伯  
 崧高八章

烝民

烝民、尹吉甫美宣王也。任賢使能、周室中興焉。

天生烝民、有物有則、民之秉彝、好是懿德、天監有周、昭假于下、  
 保茲天子、生仲山甫  
 仲山甫之德、柔嘉維則、令儀令色、小心翼翼、古訓是式、威儀是  
 力、天子是若、明命使賦  
 王命仲山甫、式是百辟、纘戎祖考、王躬是保、出納王命、王之喉  
 舌、賦政于外、四方爰發  
 肅肅王命、仲山甫將之、邦國若否、仲山甫明之、既明且哲、以保其  
 身、夙夜匪解、以事一人  
 人亦有言、柔則茹之、剛則吐之、維仲山甫、柔亦不茹、剛亦不吐、  
 不侮矜寡、不畏彊禦  
 人亦有言、德輶如毛、民鮮克舉之、我儀圖之、維仲山甫舉之、愛莫  
 助之、袞職有闕、維仲山甫補之  
 仲山甫出祖、四牡業業、征夫捷捷、每懷靡及、四牡彭彭、八鸞鏘  
 鏘、王命仲山甫、城彼東方  
 四牡騤騤、八鸞<sup>咿咿</sup>、仲山甫征齊、式遄其歸、吉甫作誦、穆如清  
 風、仲山甫永懷、以慰其心  
 烝民八章

韓奕

韓奕、尹吉甫美宣王也、能錫命諸侯。

奕奕梁山、維禹甸之、有倬其道、韓侯受命、王親命之、纘戎祖考、

無廢朕命、夙夜匪解、虔共爾位、朕命不易、幹不庭方、以佐戎辟  
 四牡奕奕、孔脩且張、韓侯入覲、以其介圭、入覲于王、王錫韓侯、  
 淑旂綏章、篚芻錯衡、玄衮赤鳥、鉤膺鏤錫、韓鞞淺幟、韓鞞革金厄  
 韓侯出祖、出宿于屠、顯父餞之、清酒百壺、其殽維何、烹鼈鮮魚、  
 其蔌維何、維筍及蒲、其贈維何、乘馬路車、籩豆有且、侯氏燕胥  
 韓侯取妻、汾王之甥、蹶父之子、韓侯迎止、于蹶之里、百兩彭彭、  
 八鸞鏘鏘、不顧其光、諸娣從之、祁祁如雲、韓侯顧之、爛其盈門  
 蹶父孔武、靡國不到、為韓媾相攸、莫如韓樂、孔樂韓土、川澤訏訏、  
 魴鱖甫甫、麀鹿嘒嘒、有熊有羆、有貓有虎、慶既令居、韓媾燕譽  
 溥彼韓城、燕師所完、以先祖受命、因時百蠻、王錫韓侯、其追其  
 貊、奄受北國、因以其伯、實墉實壑、實畝實籍、獻其貔皮、赤豹黃  
 羆  
 韓奕六章

## 江漢

江漢、尹吉甫美宣王也。能興衰撥亂、命召公平淮夷。

江漢浮浮、武夫滔滔、匪安匪遊、淮夷來求、既出我車、既設我旃、  
 匪安匪舒、淮夷來鋪  
 江漢湯湯、武夫洸洸、經營四方、告成于王、四方既平、王國庶定、  
 時靡有爭、王心載寧  
 江漢之滸、王命召虎、式辟四方、徹我疆土、匪疚匪棘、王國來極、  
 于疆于理、至于南海  
 王命召虎、來旬來宣、文武受命、召公維翰、無曰予小子、召公是  
 似、肇敏戎公、用錫爾祉  
 釐爾圭瓚、秬鬯一卣、告于文人、錫山土田、于周受命、自召祖命、  
 虎拜稽首、天子萬年  
 虎拜稽首、對揚王休、作召公考、天子萬壽、明明天子、令聞不已、  
 矢其文德、洽此四國  
 江漢六章



## 常武

常武、召穆公美宣王也。有常德以立武事。因以爲戒然

赫赫明明、王明卿士、南仲大祖、大師皇父、整我六師、以脩我戎、  
 既敬既戒、惠此南國  
 王謂尹氏、命程伯休父、左右陳行、戒我師旅、率彼淮浦、省此徐  
 土、不畱不處、三事就緒  
 赫赫業業、有嚴天子、王舒保作、匪紹匪遊、徐方繹騷、震驚徐方、  
 如雷如霆、徐方震驚  
 王奮厥武、如震如怒、進厥虎臣、闚如虓虎、鋪敦淮瀆、仍執醜虜、  
 截彼淮浦、王師之所  
 王旅嘽嘽、如飛如翰、如江如漢、如山之苞、如川之流、緜緜翼翼、  
 不測不克、濯征徐國  
 王猶允塞、徐方既來、徐方既同、天子之功、四方既平、徐方來庭、  
 徐方不回、王曰還歸  
 常武六章

## 瞻卬

瞻卬、凡伯刺幽王大壞也。

瞻卬昊天、則不我惠、孔填不寧、降此大厲、邦靡有定、士民其瘵、蠹  
 賊蠹疾、靡有夷屆、罪罟不收、靡有夷瘳  
 人有土田、女反有之、人有民人、女覆奪之、此宜無罪、女反收之、  
 彼宜有罪、女覆說之、哲夫成城、哲婦傾城  
 懿厥哲婦、爲梟爲鴟、婦有長舌、維厲之階、亂匪降自天、生自婦  
 人、匪教匪誨、時維婦寺  
 鞠人愷武、譖始竟背、豈曰不極、伊胡爲慝、如賈三倍、君子是識、  
 婦無公事、休具蠶織  
 天何以刺、何神不富、舍爾介狄、維予胥忌、不弔不祥、威儀不類、  
 人之云亡、邦國殄瘁

天之降罔、維其優矣、人之云亡、心之憂矣、天之降罔、維其幾矣、  
 人之云亡、心之悲矣  
 鬻沸檻泉、維其深矣、心之憂矣、寧自今矣、不自我先、不自我後、  
 藐藐昊天、無不克鞏、無忝皇祖、式救爾後  
 瞻卬七章

召旻

召旻、凡伯刺幽王大壞也。旻閔也。閔天下無如召公之臣也。

旻天疾威、天篤降喪、瘖我饑饉、民卒流亡、我居圉卒荒  
 天降罪罟、蠹賊內訌、昏椽靡共、潰潰回遘、實靖夷我邦  
 皐皐訾訾、曾不知其玷、兢兢業業、孔填不寧、我位孔貶  
 如彼歲旱、艸不潰茂、如彼棲苴、我相此邦、無不潰止  
 維昔之富、不如時、維今之疚、不如茲、彼疏斯稗、胡不自替、職兄  
 斯引  
 池之竭矣、不云自頻、泉之竭矣、不云自中、溥斯害矣、職兄斯弘、  
 不裁我躬  
 背先王受命、有如召公、日辟國百里、今也日蹙國百里、於乎哀哉、  
 維今之人、不尚有舊  
 召旻七章

蕩之什十一篇九十二章

## 周頌

### 清廟之什第二十六

#### 清廟

清廟、祀文王也。周公既成洛邑、朝諸侯、率以祀文王焉。

於穆清廟、肅雝顯相、濟濟多士、秉文之德、對越在天、駿奔走在  
廟、不顯不承、無射於人斯

清廟一章

#### 維天之命

維天之命、太平告文王也。

維天之命、於穆不已、於乎不顯、文王之德之純、假以溢我、我其收  
之、駿惠我文王、曾孫篤之

維天之命一章

#### 維清

維清、奏象舞也。

維清緝熙、文王之典、肇禋、迄用有成、維周之禎

維清一章

#### 烈文

烈文、成王即政、諸侯助祭也。

烈文辟公、錫茲祉福、惠我無疆、子孫保之、無封靡于爾邦、維王其  
崇之、念茲戎功、繼序其皇之、無競維人、四方其訓之、不顯維德、  
百辟其刑之、於乎前王不忘

## 烈文一章

天作

天作、祀先王先公也。

天作高山、大王荒之、彼作矣、文王康之、彼徂矣、岐有夷之行、子孫保之

天作一章

昊天有成命

昊天有成命、郊祀天地也。

昊天有成命、二后受之、成王不敢康、夙夜基命宥密、於緝熙、單厥心、肆其靖之

昊天有成命一章

我將

我將、祀文王於明堂也。

我將我享、維羊維牛、維天其右之、儀式刑文王之典、日靖四方、伊嘏文王、既右饗之、我其夙夜、畏天之威、于時保之

我將一章

時邁

時邁、巡守、告祭柴望也。

時邁其邦、昊天其子之、實右序有周、薄言震之、莫不震疊、懷柔百神、及河喬嶽、允王維后、明昭有周、式序在位、載戢干戈、載櫜弓矢、我求懿德、肆于時夏、允王保之

時邁一章

執競

執競、祀武王也。

執競武王、無競維烈、不顯成康、上帝是皇、自彼成康、奄有四方、  
斤斤其明、鐘鼓喤喤、磬筦將將、降福穰穰、降福簡簡、威儀反反、既  
醉既飽、福祿來反  
執競一章

思文

思文、后稷配天也。

思文后稷、克配彼天、立我烝民、莫匪爾極、貽我來牟、帝命率育、  
無此疆爾界、陳常于時夏  
思文一章

清廟之什十篇十章

---

[souketsu@moroo.com](mailto:souketsu@moroo.com)

# 臣工之什第二十七

臣工

臣工、諸侯助祭、遣於廟也。

嗟嗟臣工、敬爾在公、王釐爾成、來咨來茹、嗟嗟保介、維莫之春、  
亦又何求、如何新畚、於皇來牟、將受厥明、明昭上帝、迄用康年、  
命我衆人、庀乃錢鑄、奄觀銜艾  
臣工一章

噫嘻

噫嘻、春夏祈穀于上帝也。

噫嘻成王、既昭假爾、率時農夫、播厥百穀、駿發爾私、終三十里、  
亦服爾耕、十千維耦  
噫嘻一章

振鷺

振鷺、二王之後來助祭也。

振鷺于飛、于彼西雝、我客戾止、亦有斯客、在彼無惡、在此無讟、  
庶幾夙夜、以永終譽  
振鷺一章

豐年

豐年、秋冬報也。

豐年多黍多稌、亦有高廩、萬億及秭、爲酒爲醴、蒸畀祖妣、以洽百  
禮、降福孔皆

# 豐年一章

有瞽

有瞽、始作樂而合乎太祖也。

有瞽有瞽、在周之庭。設業設虞、崇牙樹羽、應田縣鼓、鞀磬祝圉、既備乃奏、簫管備舉、嗶嗶厥聲、肅雝和鳴、先祖是聽、我客戾止、永觀厥成

有瞽一章

潛

潛、季冬薦魚、春獻鮪也。

猗與漆沮、潛有多魚、有鱸有鮪、~~鮪條~~<sup>鮪</sup>魚區鯉、以享以祀、以介景福  
潛一章

雝

雝、禘太祖也。

有來雝雝、至止肅肅、相維辟公、天子穆穆、於薦廣牡、相予肆祀、假哉皇考、綏予孝子、宣哲維人、文武維后、燕及皇天、克昌厥後、綏我眉壽、介以繁祉、既右烈考、亦右文母

雝一章

載見

載見、諸侯始見乎武王廟也。

載見辟王、曰求厥章、龍旂陽陽、和鈴央央、儻革有鶻、休有烈光、率見昭考、以孝以享、以介眉壽、永言保之、思皇多祐、烈文辟公、綏

以多福、俾緝熙于純嘏  
載見一章

有客

有客、微子來見祖廟也。

有客有客、亦白其馬、有萋有且、敦琢其旅、有客宿宿、有客信信、  
言授之藝、以藝其馬、薄言迫之、左右綏之、既有淫威、降福孔夷  
有客一章

武

武、奏大武也。

於皇武王、無競維烈、允文文王、克開厥後、嗣武受之、勝殷遏劉、  
耆定爾功  
武一章

臣工之什十篇十章

---

[souketsu@moroo.com](mailto:souketsu@moroo.com)



## 閔予小子之什第二十八

閔予小子

閔予小子、嗣王朝於廟也。

閔予小子、遭家不造、嬛嬛在疚、於乎皇考、永世克孝、念茲皇祖、陟降庭止、維予小子、夙夜敬正、於乎皇王、繼序思不忘  
閔予小子一章

訪落

訪落、嗣王謀於廟也。

訪予落止、率時昭考、於乎悠哉、朕未有艾、將予就之、繼猶判渙、維予小子、未堪家多難、紹庭上下、陟降厥家、休矣皇考、以保明其身  
訪落一章

敬之

敬之、羣臣進戒嗣王也。

敬之敬之、天維顯思、命不易哉、無曰高高在上、陟降厥士、日監在茲、維予小子、不聰敬止、日就月將、學有緝熙于光明、佛時仔肩、示我顯德行

小毖

敬之一章

小毖、嗣王求助也。

予其懲、而毖後患、莫予弄蜂、自求辛螫、肇允彼桃蟲、拏飛維鳥、未堪家多難、予又集于蓼

## 小毖一章

載芟

載芟、春藉田而祈社稷也。

載芟載柞、其耕澤澤、千耦其耘、徂隰徂畛、侯主侯伯、侯亞侯旅、侯彊侯以、有嘽其饁、思媚其婦、有依其士、有略其耜、俶載南畝、播厥百穀、實函斯活、驛驛其達、有厭其傑、厭厭其苗、緜緜其麋、載穫濟濟、有實其積、萬億及秭、爲酒爲醴、烝畀祖妣、以洽百禮、有飶其香、邦家之光、有椒其馨、胡考之寧、匪且有且、匪今斯今、振古如茲

載芟一章

良耜

良耜、秋報社稷也。

翼翼良耜、俶載南畝、播厥百穀、實函斯活、或來瞻女、載筐及筥、其饁伊黍、其笠伊糾、其鑄斯趙、以薊荼蓼、荼蓼朽止、黍稷茂止、穫之挈挈、積之栗栗、其崇如墉、其比如櫛、以開百室、百室盈止、婦子寧止、殺時稯牡、有掄其角、以似以續、續古之人

良耜一章

絲衣

絲衣、繹賓尸也。高子曰、靈星之尸也。

絲衣其紕、載弁俶俶、自堂徂基、自羊徂牛、鼐鼎及鼐、兕觥其觶、旨酒思柔、不吳不敖、胡考之休

絲衣一章

酌

酌、告成大武也。言能酌先祖之道、以養天下也。

於鑠王師、遵養時晦、時純熙矣、是用大介、我龍受之、躋躋王之造、載用有嗣、實維爾公、允師酌一章

桓

桓、講武類禡也。桓武志也。

綏萬邦、屢豐年、天命匪解、桓桓武王、保有厥土、于以四方、克定厥家、於昭于天、皇以間之桓一章

賚

賚、大封於廟也。賚予也。言所以錫予善人也。

文王既勤止、我應受之、敷時繹思、我徂維求定、時周之命、於繹思賚一章

般

般、巡守而祀四嶽河海也。

於皇時周、陟其高山、**隋**山喬嶽、允猶翕河、敷天之下、裒時之對、時周之時般一章

閔予小子之什十一篇十一章

# 魯頌

## 駟之什第二十九

### 駟

駟、頌僖公也。僖公能遵伯禽之法、儉以足用、寬以愛民。務農重穀、牧于坰野。魯人尊之、於是季孫行父請命于周、而史克作之頌。

駟駟牡馬、在坰之野、薄言駟者、有驕有皇、有驪有黃、以車彭彭、思無疆、思馬斯臧

駟駟牡馬、在坰之野、薄言駟者、有騅有駟、有騂有騏、以車伾伾、思無期、思馬斯才

駟駟牡馬、在坰之野、薄言駟者、有騂有駟、有騂有雜、以車繹繹、思無斃、思馬斯作

駟駟牡馬、在坰之野、薄言駟者、有駟有駟、有驥有魚、以車祛祛、思無邪、思馬斯徂

### 駟四章

### 有駟

有駟、頌僖公君臣之有道也。

有駟有駟、駟彼乘黃、夙夜在公、在公明明、振振鷺、鷺于下、鼓咽咽、醉言舞、于胥樂兮

有駟有駟、駟彼乘牡、夙夜在公、在公飲酒、振振鷺、鷺于飛、鼓咽咽、醉言歸、于胥樂兮

有駟有駟、駟彼乘駟、夙夜在公、在公載燕、自今以始、歲其有君子有穀、詒孫子、于胥樂兮

### 有駟三章

### 泮水

泮水、頌僖公能修泮宮也。

思樂泮水、薄采其芹、魯侯戾止、言觀其旂、其旂茷茷、鸞聲嘒嘒、無  
小無大、從公于邁  
思樂泮水、薄采其藻、魯侯戾止、其馬蹻蹻、其馬蹻蹻、其音昭昭、載  
色載笑、匪怒伊教  
思樂泮水、薄采其茆、魯侯戾止、在泮飲酒、既飲旨酒、永錫難老、  
順彼長道、屈此羣醜  
穆穆魯侯、敬明其德、敬慎威儀、維民之則、允文允武、昭假烈祖、  
靡有不孝、自求伊祜  
明明魯侯、克明其德、既作泮宮、淮夷攸服、矯矯虎臣、在泮獻馘、  
淑問如臯陶、在泮獻囚  
濟濟多士、克廣德心、桓桓于征、狄彼東南、烝烝皇皇、不吳不揚、  
不告于誼、在泮獻功  
角弓其觶、束矢其搜、戎車孔博、徒御無斃、既克淮夷、孔淑不逆、  
式固爾猶、淮夷卒獲  
翩彼飛鸞、集于泮林、食我桑黠、懷我好音、憬彼淮夷、來獻其琛、元  
龜象齒、大賂南金  
泮水八章

闕宮

闕宮、頌僖公能復周公之宇也。

闕宮有恤、實實枚枚、赫赫姜嫄、其德不回、上帝是依、無災無害、彌  
月不遲、是生后稷、降之百福、黍稷重穋、稷穡菽麥、奄有下國、俾  
民稼穡、有稷有黍、有稻有秬、奄有下土、纘禹之緒  
后稷之孫、實維大王、居岐之陽、實始剪商、至于文武、纘大王之  
緒、致天之屆、于牧之野、無貳無虞、上帝臨女、敦商之旅、克咸厥  
功  
王曰叔父、建爾元子、俾侯于魯、大啓爾宇、爲周室輔、乃命魯公、

俾侯于東、錫之山川、土田附庸、周公之孫、莊公之子、龍旂承祀、  
六轡耳耳、春秋匪解、享祀不忒、皇皇后帝、皇祖后稷、享以騂犧、  
是饗是宜、降福既多、周公皇祖、亦其福女、秋而載嘗、夏而禘衡、  
白牡騂剛、犧尊將將、毛鷄載羹、籩豆大房、萬舞洋洋、孝孫有慶、俾  
爾熾而昌、俾爾壽而臧、保彼東方、魯邦是常、不虧不崩、不震不  
騰、三壽作朋、如岡如陵

公車千乘、朱英綠縵、二矛重弓、公徒三萬、貝冑朱紱、烝徒增增、  
戎狄是膺、荊舒是懲、則莫我敢承、俾爾昌而熾、俾爾壽而富、黃髮  
台背、壽胥與試、俾爾昌而大、俾爾耆而艾、萬有千歲、眉壽無有害  
泰山巖巖、魯邦所詹、奄有龜蒙、遂荒大東、至于海邦、淮夷來同、  
莫不率從、魯侯之功  
保有鳧繹、遂荒徐宅、至于海邦、淮夷蠻貊、及彼南夷、莫不率從、  
莫敢不諾、魯侯是若

天錫公純嘏、眉壽保魯、居常與許、復周公之宇、魯侯燕喜、令妻壽  
母、宜大夫庶士、邦國是有、既多受祉、黃髮兒齒  
徂來之松、新甫之栢、是斷是度、是尋是尺、松栢有鳥、路寢孔碩、  
新廟奕奕、奚斯所作、孔曼且碩、萬民是若  
闕宮八章

## 駉四篇二十三章

[souketsu@moroo.com](mailto:souketsu@moroo.com)

## 商頌

## 那之什第三十

那

那、祀成湯也。微子至于戴公、其間禮樂廢壞。有正考甫者、得商頌十二篇於周之大師、以那爲首

猗與那與、置我鞀鼓、奏鼓簡簡、衎我烈祖、湯孫奏假、綏我思成、鞀鼓淵淵、嘒嘒管聲、既和且平、依我磬聲、於赫湯孫、穆穆厥聲、庸鼓有鞀、萬舞有奕、我有嘉客、亦不夷懌、自古在昔、先民有作、溫恭朝夕、執事有恪、顧予烝嘗、湯孫之將  
那一章

烈祖

烈祖、祀中宗也。

嗟嗟烈祖、有秩斯祜、申錫無疆、及爾斯所、既載清酤、賚我思成、亦有和羹、既戒既平、鬯假無言、時靡有爭、綏我眉壽、黃耇無疆、約軼錯衡、八鸞鸛鳴、以假以享、我受命溥將、自天降康、豐年穰穰、來假來饗、降福無疆、顧予烝嘗、湯孫之將  
烈祖一章

玄鳥

玄鳥、祀高宗也。

天命玄鳥、降而生商、宅殷土芒芒、古帝命武湯、正域彼四方、方命厥后、奄有九有、商之先后、受命不殆、在武丁孫子、武丁孫子、武王靡不勝、龍旂十乘、大糝是承、邦畿千里、維民所止、肇域彼四海、四海來假、來假祁祁、景員維河、殷受命咸宜、百祿是何

## 玄鳥一章

長發

長發、大禘也。

濬哲維南、長發其祥、洪水芒芒、禹敷下土方、外大國是疆、幅隕既長、有娥方將、帝立子生商

玄王桓撥、受小國是達、受大國是達、率履不越、遂視既發、相土烈烈、海外有截

帝命不違、至于湯齊、湯降不遲、聖敬日躋、昭假遲遲、上帝是祗、帝命式于九圍

受小球大球、爲下國綴旒、何天之休、不競不絀、不剛不柔、敷政優優、百祿是遒

受小共大共、爲下國駿厯、何天之龍、敷奏其勇、不震不動、不難不竦、百祿是總

武王載旆、有虔秉鉞、如火烈烈、則莫我敢曷、苞有三蘖、莫遂莫達、九有有截、韋顧既伐、昆吾夏桀

昔在中葉、有震且業、允也天子、降予卿士、實維阿衡、實左右商王  
長發七章

殷武

殷武、祀高宗也。

撻彼殷武、奮伐荆楚、**眾**入其阻、裒荆之旅、有截其所、湯孫之緒  
維女荆楚、居國南鄉、昔有成湯、自彼氐羌、莫敢不來享、莫敢不來王、曰商是常

天命多辟、設都于禹之績、歲事來辟、勿予禍適、稼穡匪解

天命降監、下民有嚴、不僭不濫、不敢怠遑、命于下國、封建厥福

商邑翼翼、四方之極、赫赫厥聲、濯濯厥靈、壽考且寧、以保我後生

陟彼景山、松柏丸丸、是斷是遷、方斲是虔、松栢有**榑**、旅楹有閑、



那

寢成孔安  
殷武六章

那五篇十六章

---

[souketsu@moroo.com](mailto:souketsu@moroo.com)

國讀助聲之猥詩書二經殊甚如塗塗之附若蝟毛之磔宜矣讀者有買櫝還珠之患也古云誦詩斯豈可誦歟我  
山夫子之授毛詩也其譯簡便使人易誦不亦說賈世之習舊讀者觀之何異乎披雲霧而覩白日不亦快乎  
田煥章謹識

集思堂藏刻

---

[souketsu@moroo.com](mailto:souketsu@moroo.com)

(蚌-虫1613)  
(一/(興-八)/(暈-田)1634)  
(人|乞1640)  
(人|丕1669)  
(人|此1675)  
(人|舌1687)  
(人|次1690)  
(人|血1706)  
(人|吳1723)  
(人|求1724)  
(人|官1746)  
(人|單1832)  
(人|間1835)  
(人|愛1840)  
(人|(環-玉)1843)  
(人|賓1850)  
(凹/儿1873)  
(來|力1975)  
(賞|力1983)  
(掬1993)  
(姉2009)  
(占<コ2028)  
(仰-人2030)  
(工|冂2031)  
(厂/萬2048)  
(去2053)  
(口|化2074)  
(口|幼2087)  
(口|朱2118)  
(口|亘2122)  
(口|多2125)  
(加/可2136)  
(口|享2158)  
(口|要2178)  
(口|皇2182)  
(口|貪2209)

(口|既2210)  
(口|彗2218)  
(口|堯2223)  
(單2228)  
(口|歲2245)  
(口|會2250)  
(口<禾2302)  
(土|(綱-糸) 2341)  
(土|(低-人) 2349)  
(土|斥2350)  
(土|危2360)  
(掃2387)  
(土|庸2431)  
(既/土2434)  
(土|(僅-人) 2436)  
(土|單2440)  
(土|熏2452)  
(百|大|百2494)  
(女|由2519)  
(女|以2531)  
(女|朱2532)  
(女|吉2533)  
(女|戎2544)  
(女|弟2552)  
(滕(糸→女) 2590)  
(女|原2601)  
(女|(環-玉) 2620)  
(戀(心→女) 2628)  
(薛/子2636)  
(ㄣ/(捷-手) 2660)  
(ㄣ/真2665)  
(尢<重2683)  
(屢2690)  
(尸<(彳|婁) 2693)  
(山|己2705)  
(山|古2723)

(山/卒2737)  
(山/松2742)  
(山|獻2791)  
(巾|兌2814)  
(巾|蒙2828)  
(巾|蔑2831)  
(广<寺2838)  
(广<與2846)  
(弓|召2872)  
(丹|彡2893)  
(或(丿→彡)2894)  
(心|刀2927)  
(弋<心2931)  
(心|中2935)  
(心|支2942)  
(心|奴2952)  
(心|兆2966)  
(心|炎3011)  
(心|易3012)  
(心|(綴-糸)3013)  
(心|(旬/子)3021)  
(心|(緝-糸)3023)  
(心|曷3030)  
(心|蚤3048)  
(心|(稻-禾)3049)  
(心|畜3050)  
(懋3067)  
(對/心3089)  
(難/心3104)  
(扌|戈3109)  
((口/耳)|戈3112)  
(晉|戈3115)  
(手|兀3131)  
(手|弁3153)  
(手|至3159)  
(手|邑3173)

(手|求3178)  
(手|(埒-土)3181)  
(手|(綴-糸)3207)  
(手|(倍-人)3208)  
(手|朋3215)  
(手|帝3231)  
(手|參3274)  
(手|票3275)  
(擊3303)  
((澤-水)|女3354)  
((口|口)/冫/斗3360)  
(亞|斤3365)  
(旄(毛→斤)3369)  
(旄(毛→兆)3373)  
(旄(毛→與)3377)  
(旛(番→與)3377)  
(日|見3427)  
(晰3436)  
(日|匿3458)  
(日|(嘆-口)3460)  
(日|壹3463)  
(去|曷3478)  
(木|大3493)  
(木|也3494)  
(木|丑3506)  
(木|兄3540)  
(木|曳3547)  
(柳3572)  
(木|或3611)  
(木|居3624)  
(木|豕3626)  
(木|(幅-巾)3635)  
(木|苦3639)  
(木|貞3644)  
((木|酉)/火3678)  
(木|(漱-水)3687)

((囊-襄)/石/木3711)

(厭/木3742)

((囊-襄)/((廼-几) < 卜)/呆3751)

(木|賣3752)

(音|欠3781)

(肴|爻3818)

(比/必3824)

(讒-言3825)

(低-人3841)

(水|九3855)

(水|乞3861)

(汚3862)

(水|巳3864)

(水|文3869)

(水|(眇-目) 3877)

(水|(炯-火) 3886)

(水|失3887)

(水|令3903)

(水|半3908)

(水|(弟-ソ) 3909)

(水|回3911)

(水|有3920)

(水|邑3933)

(水|(輕-車) 3939)

(水|位3943)

(水|矣3945)

(水|(陷-阜) 3955)

(水|(田/升) 3962)

(水|或3963)

(水|眉3981)

(水|霄3987)

(水|是3992)

(水|秦4014)

(水|彪4029)

(水|區4040)

(水|崔4050)

(水|翁4059)  
(水|衆4063)  
(水|(緝-糸)|戈4093)  
(水|歲4094)  
(水|(穫-禾)4106)  
(濱4106)  
(水|襄4122)  
(火|召4150)  
(包/火4152)  
(滅-水4160)  
(災4161)  
(火|共4162)  
(火|享4174)  
(火|甚4182)  
(火|軍4185)  
(火|高4205)  
(火|畢4208)  
(火|習4210)  
((七/火)|頁4214)  
(火|黃4217)  
(月|羊4246)  
(片|戸<甫4254)  
(牛|刃4259)  
(牛|享4271)  
(犬|允4282)  
(犬|柔4318)  
(犬|僉4337)  
(犬|巖4346)  
(玄|玄4349)  
(玉|女4364)  
(玉|占4367)  
(玉|此4369)  
(玉|必4376)  
(玉|行4387)  
(玉|秀4405)  
(玉|(深-水)4409)



(玉|奉4415)  
(玉|眞4441)  
(玉|倉4442)  
(玉|遂4469)  
(玉|贊4480)  
(瓜|失4482)  
(生|生4505)  
(田/兀4516)  
(田|(均-土) 4518)  
(畝4522)  
(田|(俊-人) 4527)  
(留4528)  
(田|重4533)  
(十/一/田/疋4537)  
((病-丙) <火4543)  
((病-丙) <甫4559)  
((病-丙) <官4564)  
((病-丙) <者4575)  
((病-丙) <(夾/土) 4584)  
((病-丙) <差4586)  
((病-丙) <(膠-肉) 4591)  
((病-丙) <祭4592)  
((病-丙) <莫4602)  
((病-丙) <單4609)  
((病-丙) <鼠4612)  
(白/十4621)  
(白|(檄-木) 4635)  
(監(一→古) 4652)  
(目|于4654)  
(目|完4682)  
(目|見4684)  
(眷4693)  
(目|叟4714)  
(示|方4849)  
(示|尙4850)  
(示|去4855)

(示|古4856)  
(示|果4863)  
(示|(煙-火) 4865)  
(示|帝4872)  
(示|馬4875)  
(禱4880)  
(示|龠4881)  
(禾|丩4901)  
(禾|(弟-八) 4906)  
(禾|良4910)  
(麻/禾4934)  
(禾|遂4941)  
(禾|齊4944)  
(穴/夭4949)  
(窮4968)  
(竹/弗4994)  
(竹/句5001)  
(竹/完5012)  
(竹/匪5048)  
(竹/(褌-衣) 5051)  
(竹/艮/皿5066)  
(竹/羽/隹5084)  
(竹/邊5104)  
(米|卑5122)  
(米|長5123)  
((鄰-邑) ≪≪5124)  
(米|喜5139)  
(糸|丕5148)  
(糸|予5150)  
(糸|沸5159)  
(糸|它5160)  
(潔-水5172)  
(糸|希5179)  
(糸|求5181)  
(糸|(侵-人) 5185)  
(糸|谷5189)

((基-土)/糸5202)  
(糸|昆5211)  
(糸|委5214)  
((榮-木)/糸5231)  
(糸|芻5232)  
(糸|(璃-玉)5242)  
(執/糸5245)  
(繫5258)  
(糸|遣5263)  
(田/(田|田)/糸5268)  
(纘5271)  
(糸|麗5272)  
(缶|并5278)  
((聲-耳)/缶5281)  
(网/瓜5286)  
(网/且5288)  
(网/孚5293)  
(网/或5294)  
(网/童5304)  
(网/留5305)  
(羊|(佇-人)5313)  
(脩(月→羽)5327)  
(羽/隹5328)  
(羽/軍5332)  
(羽/高5334)  
(皐|羽5336)  
(歲|羽5337)  
(壽|羽5339)  
((老-七)/句5340)  
(耒|子5348)  
(耒|禺5355)  
(載(車→肉)5407)  
((勞-力)/肉5442)  
(肉|無5451)  
(羸(貝→果)5462)  
(焉(正→臼)5478)

(艸/九5513)  
(艸/凡5517)  
(艸/己5523)  
(艸/不5531)  
(艸/今5535)  
(艸/丙5537)  
(艸/内5537)  
(艸/毛5543)  
(艸/市5544)  
(艸/召5548)  
(苡5551)  
(艸/必5560)  
(艸/弗5561)  
(艸/出5562)  
(艸/(祓-示) 5563)  
(艸/伐5579)  
(艸/行5586)  
(艸/取5587)  
(艸/夷5589)  
(艸/辛5611)  
(艸/宛5622)  
(艸/《《/田5627)  
(艸/并5630)  
(艸/奉5633)  
(艸/沮5635)  
(艸/炎5636)  
(莱5639)  
(艸/佳5641)  
(艸/(福-示) 5651)  
(艸/封5653)  
(榘5658)  
(艸/要5671)  
(艸/(熱-火) 5710)  
(艸/(嗽-口) 5716)  
(艸/婁5720)  
(艸/間5736)

(艸/貴5747)  
(艸/奧5756)  
(艸/(女|辱) 5757)  
(艸/疑5778)  
(艸/與5780)  
(艸/盡5783)  
(艸/慮5785)  
(艸/賁5786)  
(苗/田|田5787)  
(艸/霍5801)  
(艸/擇5802)  
(艸/斂5813)  
(艸/繁5816)  
(九|虎5826)  
(虛5833)  
(兀|虫5843)  
(虫|(絹-糸) 5885)  
(虫|或5902)  
(虫|果5910)  
(虫|東5911)  
(綴(糸→虫) 5912)  
(虫|酋5918)  
(亡/(虫|虫) 5921)  
(虫|秦5934)  
(虫|唐5936)  
(勝(力→虫) 5941)  
(矛/(虫|虫) 5953)  
(羸(貝→虫) 5973)  
(萬/虫5974)  
(虫|蜀5977)  
(虫|齊5978)  
(虫|蕭5989)  
(益|蜀5993)  
(行<干6010)  
(衞6014)  
(衣|去6032)

(衣|吉6033)  
(褻6043)  
(衣|周6048)  
(褻(呆→禾) 6056)  
(耿/衣6066)  
(塞(土→衣) 6068)  
(衣|農6084)  
(衣| (瞻-目) 6085)  
(衣|亶6087)  
(衣|暴6090)  
(角|光6125)  
(角|求6126)  
(咸/角6129)  
(角| (攜-手) 6133)  
(言|于6138)  
(此/言6154)  
(言|皮6163)  
(言|先6171)  
(瞻-目6174)  
(言|念6214)  
(言|甚6221)  
(誼6222)  
(言| (稻-禾) 6230)  
(言|焦6245)  
(艷6277)  
(豕|巴6281)  
(幽((幺→豕) (幺→豕)) 6289)  
(豕|從6290)  
(豕|亘6294)  
(猫6305)  
(貝|兄6311)  
(赤|貞6340)  
(喊6356)  
(足|昔6391)  
(足|叔6403)  
(足|禹6410)

(足|滴-水) 6423)  
(足|喬) 6432)  
(車|內) 6460)  
(車|拔-手) 6465)  
(車|舟) 6472)  
(車|酋) 6490)  
(辵<王) 6527)  
(辵<台) 6536)  
(辵<易) 6557)  
(辵<(山/而) 6560)  
(辵<(橋-木) 6570)  
(刑-刀)|邑) 6584)  
(台|邑) 6586)  
(北|邑) 6590)  
(旬|邑) 6603)  
(眉|邑) 6620)  
(庸|邑) 6631)  
(酉|古) 6661)  
(酖/皿) 6675)  
(酬) 6691)  
(酉|麗) 6702)  
(金|至) 6791)  
(金|求) 6811)  
(金|每) 6820)  
(沃/金) 6825)  
(金|享) 6860)  
(金|奇) 6862)  
(金|侯) 6888)  
(金|(傅-人) 6915)  
(金|專) 6929)  
(金|堂) 6940)  
(金|庸) 6941)  
(金|(鹿/(熊-能)) 6983)  
(門<必) 7009)  
(門<(煙-火) 7022)  
(門<癸) 7023)

(門<眞7024)  
(門<敢7031)  
(阜|亥7053)  
(阜|(而/大)7062)  
(陰7065)  
(阜|貴7074)  
(躋7078)  
(句|隹7082)  
(各|隹7083)  
(((𠃉/邑)|隹7087)  
(鷄7088)  
(雨/沐7094)  
(雨/(月|永)7107)  
(雷7113)  
(革|引7129)  
(革|兆7135)  
(條(木→革)7138)  
(革|(絹-糸)7139)  
(革|卑7141)  
(革|郭7151)  
(韋|末7164)  
(韋|合7165)  
(韋|長7167)  
(韋|(楨-木)7169)  
(韋|畢7173)  
(韋|華7175)  
(支|頁7186)  
(斤|頁7187)  
(禺|頁7214)  
(顛7219)  
(食|必7247)  
(食|侯7263)  
(食|奔7266)  
(食|氣7271)  
(食|盍7273)  
(食|區7275)



(食|喜7278)  
(雍/食7279)  
(食|蒙7282)  
(餉7285)  
(馬/井7294)  
(馬|綱-糸)7306)  
(馬|丕7307)  
(馬|必7311)  
(馬|先7314)  
(馬|因7317)  
(馬|柳-木)7319)  
(馬|涓-水)7321)  
(馬|兌7322)  
(馬|辛7323)  
(馬|來7326)  
(馬|非7329)  
(馬|癸7335)  
(馬|尙7336)  
(馬|原7340)  
(馬|芻7341)  
(馬|葦7351)  
(馬|鐵-金)7352)  
(彭/沈-水)7381)  
(彭/卷7403)  
(彭/眞7410)  
((死|死)/鬲7421)  
(鬲|兕/夕)7422)  
(壽|鬼7431)  
(魚|堰-土)7507)  
(鼈7532)  
(魚|亶7545)  
(魚|嘗7550)  
(魚|與7551)  
(尸|鳥7558)  
(号|鳥7568)  
(鳥|隹7594)

(秋/鳥7612)  
(倉|鳥7617)  
(唯/鳥7629)  
((医|爻)/鳥7630)  
(與/鳥7651)  
(鹿/七7660)  
(鹿/火7662)  
(黑|甚7690)  
((單-十)/一/龍7705)  
(乃/鼎7707)  
(才/鼎7709)  
(鼓/咎7715)  
(广<龍7757)

(人|舟m606)  
(人|菱m727)  
(人|(鹿/火)m1257)  
((冕-免)/吁m1542)  
(七m2570)  
(九/厶m3065)  
(口|言m3690)  
(口|奉m3754)  
(口|皆m3910)  
(口|票m4182)  
(古|(假-人)m4190)  
(口|虞m4408)  
((目/(目|目))/大m6025)  
(犬|(丑/山)m8096)  
(隋/山m8486)  
(巾|單m9074)  
(巾|賁m9109) ---  
(心|丙m10495)  
(叔/心m10755)  
(心|(潛-水)m11260)  
(心|齊m11377)  
(心|憂m11413)

(心|劉m11421)  
(手|邑m12105)  
(手| (埤-土)m12140)  
(扌|斤m13540)  
(日|反m13789)  
( (熱-火)/日m14122)  
(木|列m14739)  
(木|夷m14765)  
(木|延m14887)  
(取/木m14991)  
(木|禹m15091)  
( (鶩-鳥)/木m15138)  
(木|聖m15650)  
(木|遂m15667)  
(肅|欠m16201)  
(水| (合/升)m17784)  
(水|皆m17848)  
(水|悠m18093)  
(水| (辰/月)m18135)  
(水|專m18136)  
(水| (鹿/火)m18601)  
(玉|居m21047)  
(玉| (滿-水)m21208)  
(稷-禾m21817)  
(余/田m21860)  
(病(丙→(低-人))m22093)  
(病(丙→每)m22184)  
(病(丙→(民/日))m22337)  
(病(丙→真)m22420)  
(目/袁m23590)  
(禾|余m25082)  
(禾| (繆-糸)m25262)  
(糸|或m27608)  
(网/米m28264)  
(肉| (蕞-艸)m29796)  
(肉| (據-手)m29949)

(艸/函m31193)

(艸/逐m31719)

(艸/推m31737)

(艸/過m32116)

(衣|棘m34585)

(角|夂(夂→支)m35193)

(言|尢m35277)

(言|凶m35282)

(豕|研-石)m36362)

(車|氏m38210)

(酉|需m40069)

(革|弘m42780)

(條(木→革)m42848)

(革|奉m42878)

(歹|食m44072)

(馬|暇-日)m44867)

(魚|偃-人)m46326)

(魚|條m46432)

(鳥|穴m46819)

(鬲|鳥m47221)

妃 己→巳  
鬼 上の点なし  
覃 上を西に作る  
宜 ㄨをㄣに作る  
侯 ュを工に作る  
肆 ヒを上を作る  
振 辰の中の二を工に作る  
暴 下を恭に作る  
裏 (重/衣)に作る  
勗 日を目に作る  
借 白を日に作る  
椅 奇を奇に作る  
鼠 下の中を水に作る  
(田/兀4516) 田の上に点をつけ、兀を井に作る  
(旄(毛→與)3377) 與の上の(矢-大)を取る  
齊 ャを了に作る  
膚 月を日に作る  
氓 亡をレく人に作る  
絲 右の糸の上に一を置く  
貿 貝の上を卯に作る  
罔 亡をレく人に作る  
驂 參を参に作る  
狃 丑を刃/一に作る  
旁 ㄥ/(句(口→方))に作る  
舎 舌に作る  
擅 且を且に作る  
缺 缶の下部を止に作る。m16053と同字。  
荒 亡をEに作る  
畢 下の横棒を欠く  
魏 鬼の上の点を欠く  
殊 夕の上をトに作る  
聊 卯を抑-手に作る  
旃 丹の中の縦棒を下まで貫く  
鄙 回を面に作る  
鼠 泰の下部の様に中を作る  
晉 ㄥを口に作る

歳 止を山に作る  
曳 右上に点を付ける  
漆 木を決のつくりを作る  
鑿 臼を凵に作る  
( (鄰-邑) ≪5124 ) (くく) を ≪ に作る  
怙 りっしんべんの右側の点を欠く  
燠 作りを奥に作る  
(木|大3493) 大を犬に作る  
拔 抜の作りの上にノを置く  
獲 又を夂に作る  
(角|夂(夂→支)m35193) 夂(夂→支) を夂に作る  
紀 己を巳に作る  
忘 亡をレ人を作る  
穆 (小/彡) を (厂/彡) に作る  
棄 (云/世/木) に作る  
瑰 鬼の上の点を欠く  
(鬲|鳥m47221) 鬲に作る  
(艸/函m31193) 函を (凵<(巫一)) に作る  
( (死|死) /鬲7421 ) 死を先に作る  
隕 口をムに作る  
(艸/奥5756) 奥に作る  
鑿 臼をレ羊に作る  
(言|焦6245) (誰/火) に作る  
旨 日を月に作る  
旨 七を上を作る  
咎 人をトに作る  
(食|侯7263) ュを工に作る  
俾 卑の下を井に作る  
(晉|戈3115) ムを口に作る  
( (聲-耳) /缶5281 ) 缶の下の山を止に作る  
嘗 七を一に作る  
聘 由を臼< | に作る  
(网/留5305) 留の上部を亞の最下部の横棒を取った形に作る  
(魚|嘗7550) 嘗を嘗に作る  
罩 网を凵<人の様に作る  
爽 来の様にも横棒が付く

衡 行の中を魚に作る  
囂 頁を頁に作る  
亶 回を面に作り、且を且に作る  
冥 下を具に作る  
(熱-火)/日m14122 執/日に作る  
(心|潜-水)m11260 死|死に作る  
譜 死|死に作る  
螟 冥を宜/八に作る  
(與/鳥7651) 與を學の上に作る  
裹 重/衣に作る  
涵 水|函に作る  
(尢<重2683) 尢を九に作る  
譜 先|先に作る  
靦 面の下を回に作る  
面 面の下を回に作る  
罍 缶の下の山を止に作る  
譚 早を單の下に作る  
(食|蒙7282) 蒙の艸を業の上部に作る  
(革|絹-糸)7139 口をムに作る  
殘 歹を支に作る  
傍 一/(句-口)<方に作る  
冥 一/具に作る  
(七/火)|頁4214 七を上にする  
(广<與2846) 與の臼を日に作る  
(肴|妥3818) 月を日に作る  
歲 示に作る  
嘗 口/一/日に作る  
(禾|齊4944) 丫を了に作る  
(韋|末7164) 末を未に作る  
節 左下を饑の左下に作る  
霰 月を日に作る  
(韋(口→(ㄣ/内)5484) 士/ㄣ/内/牛に作る  
庶 烈火を从に作る  
陟 歩に作る  
涵 回に作る  
袞 六/衣に作る

蹈 陷の作りに作る  
垂 下から2本目の横棒を取る  
膚 月を日に作る  
嬪 賓をm36789に作る  
董 下の横棒を1本欠く  
疏 作りを足に作る  
監 臣の右隣をヶに作る  
(竹/邊5104) 邊を邊に作る  
冠 支を女に作る  
(心|齊m11377) ヲを了に作る  
(目/(目|目))/大m6025) 目を四に作る  
魃 (魃-鬼)を(一/友)に作る  
御 缶に作る  
虔 文を女に作る  
(旄(毛→與)3377) (方|與)に作る  
蠶 (死|死)を(先|先)に作る  
釐 未を牙に作る  
芒 亡をレ人にする  
躋 ヲを了に作る



並 m53 同

俾 m681 俗

備 m1046 本

充 m1357 俗

免 m1368 正

亡 m1417 本

(网/米m28264) m1577 譌

功 m1876 誤

剥 m2049 正

勤 m2424 正

即 m2872 正

卿 m2879 正

卿 m2880 正

((冕-免)/吁m1542) m3678 誤

喪 m3986 本

嗽 m4143 同

囊 m4633 正

坦 m4970 誤

填 m5355 正

奪 m5986 本

姬 m6230 正

婁 m6384 俗

婚 m6466 同

宜 m7089 本

害 m7165 正

寇 m7208 俗

(幽((幺→豕)(幺→豕))6289) m8339 譌

巢 m8696 正

巷 m8756 正

巽 m8765 正

巡 m9568 譌

強 m9822 俗

橐 m9937 同

彝 m9948 俗

德 m10243 正

恒 m10455 同

悃 m10534 俗  
憊 m11196 本同  
(心| (潛-水)m11260) m11471 俗  
成 m11544 正  
卯 m11708 本  
戾 m11712 正  
更 m13158 同  
教 m13212 正  
數 m13365 俗  
斷 m13617 本  
旁 m13627 本  
旆 m13630 譌  
旅 m13644 正  
既 m13724 正  
昏 m13853 同  
昔 m14008 本  
普 m14082 本  
暴 m14225 本  
朶 m14429 正  
敵 m16190 誤  
歲 m16326 正  
歷 m16340 正  
死 m16366 同  
敢 m16637 古  
毘 m16752 同  
滂 m17727 同  
渴 m17788 正  
淫 m17915 譌  
濕 m17992 同  
深 m18005 古  
潛 m18294 同  
焉 m19035 俗  
變 m19561' 俗  
爵 m19711 正  
爽 m19748 同  
琢 m21058 正

瑣 m21148 俗  
益 m22972 正  
盛 m23005 正  
盜 m23006 正  
(目/袁m23590) m23432 俗  
祁 m24634 正  
祝 m24672 正  
稽 m25240 俗  
突 m25439 正  
節 m26243 正  
絶 m27407 正  
緑 m27541 正  
穉 m28363 俗 m28361の誤  
羨 m28493 m28503の誤  
習 m28672 正  
恥 m29019 俗  
臭 m30108 正  
(焉(正→臼)5478) m30206 俗  
興 m30215 俗  
莱 m31262 正  
葛 m31420 正  
華 m31952 本  
(艸/斂5813) m32489 譌  
虚 m32709 正  
衰 m34121 同  
(此/言6154) m35345 同  
謁 m35757 正  
象 m36373 俗  
賈 m36789 俗  
( (頤-頁) | 責6330) m36920 俗  
贈 m36929 正  
跋 m37447 俗  
射 m38068, m23974 本  
送 m38842 正  
達 m39012 同  
都 m39509 正

鈎 m40319 正

青 m42564 正

靖 m42570 正

頰 m43496 正

顛 m43628 正

類 m43636 同

飢 m44023 正

飽 m44109 同

館 m44237 正

饗 m44431 正

(雍/食7279) m44482 同

首 m44490 本

(鬲| (兕/夂)7422) m45727 同

驂 m45002 正

(鳥|穴m46819) m46821 譌, 別

鷓 m47031 同

黃 m47926 正

黑 m48038 正

畝 m49331 俗

笑 m49424 本

選 m49767 本